

# WANTOK

NIUSPEPA BILONG OL PAPUA NIUGINI STRET

Ernst & Young audited/  
circulation 15,177

56 pes

Namba 979

Wik i stat long Fonde, Epril 8, 1993.

40 toea

## Gavman bekim K2.45 m dinau bilong KDC

...bikos Namaliu gavman wokim promis pinis

DOMINIC KAKAS i raitim

GAVMAN bilong Paias Wingti bai givim K2.45 milien i go long Kare-puga Developmen Kopresen (KDC) long bekim ol dinau em ol i gat wantaim Papua Niugini Benking Kopresen (PNGBC).


KDC em i papa graun kampani long Maun Kare.

Minista bilong Maining na Petroleum, Masket langalio i tok olsem gavman bilong Namaliu i no bin bihainim stretpela rot taim ol i promis long givim K2.8 milien long KDC las yia long bekim ol dinau bilong ol. Na tu, ol i no kisim tok orait bilong Nesenel Eksekutiv Kaunsil pastaim long ol i tok long givim dispela mani.

Em i tok taim Namaliu gavman i no stretim dispela hevi hariap, mak bilong dinau mani

wantaim takis i bin go antap long K4 milien.

Mista langalio i tok aninit long nupela agri-men em Wingti na Chan gavman i kamapim wantaim ol



• langalio...sutim tok long asua bilong olupela gavman.

papa graun (KDC) na CRA, bikpela hap helpim nau bai go bek long ol papa graun (KDC) stret.

Dispela i min olsem KDC bai gat 51 pesen sea long wok bilong digim gol long Maun Kare.

Mista langalio i tok em bai tok save long dispela senis taim em i toktok wantaim Eksekutiv Dairekta bilong CRA, Dokta Moseley Moramoro nau long moning.

Long wankain taim tu, Mista langalio i tok amamas i go long CRA long stretim hariap dispela bikpela hevi wantaim KDC na gavman. Na tu i go long Dokta Moramoro long luksave long dispela hevi na go pas long traim stretim.

Long aste nait taim em i tokaut long tingting bilong gavman long helpim KDC, em i tok long ol kain sapot em oposisen lida, Jack

Genia i givim long CRA long las wik i soim ples klia olsem em i mausman na sapota bilong CRA.

Em i tok tu olsem ol papa graun i wokim disisin bilong ol yet na em i no disisin bilong em olsem minista bilong Maining na Petroleum.

Em i askim Mista Genia tu long sindaun wantaim ol papa graun bilong Maun Kare na luksave long hevi na krai bilong ol. Na no ken wokim kain kain toktok nating long kisim sapot i kam long ol narapela memba.

## Senisim provinsal gavman no inap stretim ol hevi: Saveman

HARLYNE JOKU i raitim

BIHAIN tasol long Nesenel Palamen i tok orait long namba wan hap ripot bilong Bai-patisen komiti long senisim provinsal gavman sistem wan-

taim provinsal atoriti na lokol gavman kaunsil, planti saveman bilong Yunivesiti ov Papua Niugini i no amamas tumas long dispela tingting.

Ol dispela lain saveman i tok dispela senis em Bai-patisen komiti i tok long em bai i no inap pin-

1 go moa long pes 3



Ol stail meri...Dispela tupela meri bilong kantri Tallan, Nus Facey na Nok Eddy i wokim stail danis bilong ol long ol pikinini bilong Spesel Edukesen Senta bilong Red Cross long Hohola. Tupela meri ya i bin raun wantaim ol meri i resis long MIS PNG na amamasim ol pikinini long taim bilong Ista. Foto: Ivan Bayagau.



## HINO. BOS BILONG OL HAIWE.

Hino

Ela Motors

PORT MORESBY 229400 • LAE 431655 • WAGAI 921988 • MADANG 822188 • GOROKA 721844 • MT HAGEN 521888  
WEWAK 462255 • KAVIENG 942132 • KIMSE 125155 • TABUBIL 589060 • VANIMO 871254 • PORGERA 579367

# PNG stap 31 long birua bilong rot

GODFRIED NIAKA I raltim

WANPELA ripot i kam long opis bilong Wol Helt Oganaisesen (WHO) long Mosbi i tokaut olsem klostu long 3.5 milien pipel long wol i save dai long wan wan yia.

Ol i no save dai long sik, tasol long bagarap em ol i kisim long ol kain kain birua.

Insait long dispela 3.5 milien pipel husat i save dai long wan wan yia, wan milien i save

dai bikos ol i kilim ol yet, ol narapela i kilim ol, long raskol pasin na tu long pasin bilong bagarapim ol meri. Na narapela 2.5 milien i save dai long ol birua i save kamap long rot, long ples, ples bilong wok, pilai graun, paia na ol narapela liklik birua nabaut.

Na dispela ripot i tok tu olsem 700,000 pipel long wol i save dai olgeta yia long ol birua long ol liklik rot na haiwe. Tripela long ol dispela birua em tupela ka i bam, ka i kapsait o ka i kilim man. Na tu namel long 10 na 15 milien pipel i save kisim bagarap long dispela kain ol birua long rot.

bodi bilong ol manmeri i save kamap long ol kantri we i wok long develop yet. Olsem na samting olsem 500,000 manmeri long ol kantri we i wok long develop yet i save dai long wan wan yia long ol birua bilong rot," ripot ya i tok.

Long Papua Niugini, dispela ripot i tok 69 manmeri i save dai long wan wan yia long ol birua we i save kamap long rot. Na tu dispela ol birua i save kamap long pasin bilong dring spak na draivim ka.

Ripot ya i tok olsem Papua Niugini i kam namba 31 long ol kantri we i wok long develop yet long namba bilong ol manmeri husat i save dai long birua long ol rot.

Ripot ya i tok dispela i soim klia olsem long olgeta 50 sekten bilong wan minit, wanpela man, meri o pikinini i save dai long birua i kamap long rot. Na long olgeta tu sekten bilong wan minit, wanpela man, meri o pikinini i save kisim bagarap long bodi bilong em.

"Planti birua long rot we i save kamapim indai na bagarap long

## Paia kukim tupela liklik pikinini long Simbu provins

MICHAEL KOMA I raltim

TUPELA liklik pikinini (wanpela man na narapela meri) bilong ples Kel long hap bilong Simbu provins i lusim laip bilong tupela long Mande nait, Epril 5, taim haus tupela i slip long en i bin paia. Liklik pikinini man ya i gat 2-pela krismas na liklik pikinini meri ya i gat 5-pela krismas.

Papamama bilong dispela tupela liklik pikinini i no bin stap long haus taim dispela birua i kamap. Wanpela ripot i tok papa bilong tupela liklik pikinini ya, Gunua Haisule i bin go long wanpela Baibel klas we New Tribe Misiin i putim kamap na mama bilong tupela i bin wok long painim pik bilong em samting olsem tupela kilomita longwe long haus taim haus i paia na kukim tupela liklik pikinini ya.

Totok i kamap olsem mama bilong

tupela liklik pikinini ya pastaim long em i go long painim pik bilong em i kisim tupela liklik pikinini ya i go insait long haus na putim tupela long bet. Orait em i laitim wanpela tin lam na putim antap long bet klostu long tupela liklik pikinini ya. Em nau em i kirap na lokim dua bilong haus na i go long painim pik bilong em.

"Ating taim susa i lukim olsem haus i paia em i surik i go na holimpasim brata bilong em. Long wanem bun bilong tupela i soim olsem tupela i bin holimpasim tupela yet na paia i kukim tupela," wanpela man long ples Kel i tok.

Toktok i stap olsem paia i bin mas stat long dispela tin lam we mama bilong tupela i bin putim antap long bet klostu long tupela liklik pikinini ya.

Ol plisman long Kundiawa i wok long mekim wok painimaut yet long dispela birua.

## Pablik sevan long Madang autim tingting long nupela edministreta

OL pablik sevan long Dipatmen bilong Madang i no amamas tumas long we na pasin edministreta bilong saspended Madang provinsal gavman, Anthony Yagama i wok long mekim long stretim ol hevi long provins.

Long nau yet ol pablik sevan long Dipatmen bilong Madang i tok olsem Mista Yagama i wok long kamapim moa hevi. Na tu ol i tok nesanel gavman i makim Mista Yagama long laik bilong sampela politisen long traun na kisim samting long Madang. Na tu sampela i gat laik long ol narapela bisnis wok bilong provinsal gavman.

Dispela samting i bin kamap ples klia long namba wan de taim Mista Yagama i kisim opis. Long wanem ol plisman, sekyuriti na tu ol lain wanpisin bilong em i bringim em i go long opis bilong em long provinsal gavman haus.

Pablik Employis Asosiesin representativ bilong Momase rijon, Mary Kamang i mekim dispela toktok long wanpela ripot em i givim long *Wantok Niuspepa*.

Misis Kamang i tok ol pablik sevan long Madang i askim nau minista bilong Provinsal Afeas na Vilis Divelopmen, John Nilkare long tokaut long wanem as tru na gavman i makim David Mullul long kamap olsem edministreta na bihain rausim em.

Orait bihain gavman i makim Mista Yagama. Ol i tok risen bilong gavman long tok olsem Mista Mullul i stap tu insait long hevi we i mekim provinsal gavman long saspens i no gutpela tumas. Ol i tok Yagama tu taim em i bin stap olsem menesa bilong Madang Taun Interim Komisen (MTIC), provinsal gavman i bin makim pablik mani long MTIC long yusim. Na ol rekot i soim olsem MTIC i no bin yusim gut dispela pablik mani we provinsal gavman i givim. Olsem na ol i tok bilong wanem na gavman i no laik lukluk gut pastaim long rekot bilong mista Yagama taim em i stap olsem menesa bilong MTIC bipo long apoinim em olsem edministreta.

"Mipela ol pablik sevan long Dipatmen bilong Madang i nogat bilip long mista Yaga-

ma. Long wanem em i nogat ekspirians na save long ranim dipatmen bilong Madang. Long wanem em yet i tokaut long dispela samting taim em i holim namba wan miting bilong em wantaim ol divisanel na seksenel het," ripot i tok.

Ripot bilong Misis Kamang i tok ol pablik sevan long provins i laikim nau Mista Yagama long givim bek ol gavman ka we ol i save yusim long mekim wok. Yagama i bin givim tok orait long ol plisman na ol i kisim dispela ol gavman ka long pablik sevan.

## Buka amamas long kisim telipon

OL pipel long Buka ailan nau inap toktok wantaim ol arapela lain long telipon.

Dispela long wanem ol wokman bilong PTC i stretim gen ol lain bilong salim toktok long Buka. Nau yet 42 man i gat telipon pinis long haus bilong ol.

Dispela ol lain em ol namba wan 100 man em PTC i wokim ol telipon bilong ol.

Dispela em wanpela long wok kamap PTC i laikim wokim long stretim gen sindaun bilong ol pipel bilong Buka bihain long trabel bilong

Bogenvil.

Ol teknisen bilong PTC husat i stap long Rabaul i bin go long ailan long wokim ol dispela telipon. Wok bilong joinim telipon i pinis bihain long tupela wik. I bin gat liklik hevi long wokim narapela 30 telipon bikos sip i no bin karim ol samting bilong wok i go hariap long Buka.

Ol pipel bilong Buka i gat bikpela laik tru long kisim telipon sevis olsem na ol bai wokim narapela 70 telipon gen. Ol wokman bilong PTC bai stat wok gen taim ol arapela samting bilong wok i go kamap long Buka.



• *Stail manki bilong Simbu....Nem bilong dispela man em Kambrakua. Em i wanpela longlong man husat i save pilai ekulele na amamasim ol manmeri long Madang.*

# PLIS RIPOT



**MOSBI:** Mosbi plis i wok long wokim painim aut long dai bilong wanpela yangpela manki Saut-en Hailans em i bin kamap long las wiken.

Dispela trabel i bin kamap long 9 mail. Metropolitan suprendenden, Joseph Kupo i tok wanpela pait i bin kamap namel long ol Gailala na Tari. Plis ripot i soim olsem dispela boi i bin kisim bagarap long dispela pait na em i ranawe i go insait long bus bihain long 9 mail matmat.

Ol lain wanpisin bilong em i bin painim em i dai taim ol i go painim em long bus. Ol i bin katim boi ya long sait bilong bodi na long nek. Ol lain bilong em i bin painim wanpela sap samting em ol i bilip ol birua i yusim long kilim dispela boi.

**KAVIENG:** Kavieng distrik kot long las wik i bin srukim taim bilong harim kot bilong olupela nesanel memba, Michael Singan i go long Epril 14.

Singan wantaim narapela 4-pela i bin go long kot long sas bilong kilim wanela man. Plis ripot i soim olsem long Desemba 27, 1992, Singan wantaim ol arapela 4-pela man i bin kilim Benny Hok, 38 krismas bilong Singapo. Hok long dispela taim i bin wok olsem wanpela menesa bilong Luar Treeding kampani.

Plis i bin holim ol long Mas 19, 1993 na ol i bin kamap long Namatanai distrik kot. Na ol i bin askim long kamap long Kavieng distrik kot long long las wik Trinde. Tasol Singan i no bin kamap long kot.

Loya bilong em i tokim kot olsem Singan i stap yet long Namatanai na em i no inap kam long taim bilong kot. Olsem na ol i srukim taim bilong kot i go long Epril 14.

**MENDI:** PNGBC beng long Tari i bin lusim bikpela mak bilong mani taim 7-pela man i go long beng na hensapim ol wokman.

Pastaim long dispela trabel ol i bin hensapim wanpela man Pilipino na stilim kar bilong em long Tari Gep na go long Tari taun.

Dispela raskol grup i bin go long beng na stlim mani. Taim ol i laik ranawe ol i bin sut long gan wantaim ol plis na ranawe long ka. Long dispela taim 4-pela man husat i sanap lukuk i bin kisim bagarap taim ol raskol i sut long gan.

Ol i bin draivim ka i go long Mendi na lusim ka na ol i ranawe. Plis i save long nem bilong ol dispela lain na ol i ting ol bai holim na sasim ol long stil na yusim strongpela samting bilong pait.

**MOSBI:** Wanpela man husat i kilim wanpela soldia long las wiken i bin kamap long ai bilong Boroko distrik long sas bilong kilim man. Kot i srukim taim bilong harim kot bilong em i go long Epril 21.

Plis i bin sasim Wange Naringa, 32 krismas bilong ples Doibuga, Mul distrik insait long Westen Hailans provins long kilim Adam James long Waigani Draiv long Sarere Moning.

Dai bilong James i bin kamap bihain long wanpela kros i kamap namel long ol sekyuriti gad na sampela soldia husat i go dring long Klap Gemenia long Waigani Draiv.

James i stap namel long dispela kros wantaim narapela 5-pela wanwok bilong em. Bihain long dispela kros James wantaim ol lain bilong em i lusim Klap Gemenia na wokabaut i go bek long bareks.

Tasol ol sekyuriti i bin kisim wanpela ka na bihainim ol na bungim ol long rot na pait wantaim ol. James i bin dai long dispela taim taim ol arapela pren bilong em i ranawe na go long bareks long go toksave long ol arapela soldia.

**RABAU:** PLIS long Rabaul i wok long painim sampela raskol lain husat i bin go long Vudal Yunvesiti ov Teknologi na stilim samting bilong opis i kos moa long K2,700.

Ekting prinsipal, John Duigu i tok sampela raskol i bin go long Vudal long samting olsem 1 klok moning. Na taitim lek na han bilong 4-pela sekyuriti gad na brukim opis.

Ol i bin stilim wanpela computa masin, spika, 6-pela tawel na sampela samting na ranawe long wanpela ka. Ol i bin yusim ka bilong sekyuriti long karim ol dispela samting ol i stilim na ranawe wantaim.



• Maski long slip ya...Nogat ya, Ikluk Natasha i no slip. Natasha em i wanpela bilong ol junia entren husat i resis long kisim taitel bilong Mis Simbu long taim bilong Simbu Wimens So. Liklik Natasha i gat 4-pela krismas na i bilong ples Ognil long Sinsina, Simbu provins.

# Kot givim 14 de long Sir Hugo na Titimur

CLEMENT MIRIA  
I raitim

KOT ov disputet ritens i givim 14 de long Sir Hugo Berghuser na Lawrence Titimur long sainim sampela kot pepa em ol bai yusim long bilong Nesenel Kapitel Distrik sia em Spika bilong Nesenel Palamen, Bill Skate i winim long las ileksen long Jun, mun 1992.

Jastis Sheehan i tok sapos tupela i no bihainim kot oda, kot bai rausim dispela komplem bilong tupela. Komplem bilong tupela i wanpela long ol ileksen komplem em ol i wok long lukluk yet.

Em i askim tupela long long kisim tingting bilong kot na makim



• Titimur...komplem long sia.

wanpela taim em ol i ting bai gutpela long harim kot bilong ol. Tupela i mas makim taim namel long 14 de em kot i makim. Sapos



• Sir Hugo...las sans kot i givim.

nogat kot, bai rausim komplem bilong tupela. Jastis Sheehan i tok dispela tupela man i mas lukim tu loya bilong Bill Skate na

olgeta i mas wanbel long taim ol i makim long kot.

Dispela tupela kendidet i bin putim komplem i go long kot egensim win bilong Bill Skate long sia bilong NCD. Tupela i bin putim komplem long mun Julai bihain tasol long kaunim bilong ilkesen na tokaut long win bilong Skate.

Planti komplem dispela tupela man i putim i toktok long pasin ol i holim ileksen. Tupela i bilip olsem i gat sampela paul pasin i bin kamap long taim bilong ilkesen. Tupela i ting olsem long taim bilong poling na kaunting ol poling opisal i bin wokim sampela paul wok.

## Senisim provinsal gavman no inap helpim

i kam long pes 1

isim olgeta hevi em provinsal gavman i wok long painim nau.

Long wankain taim tu planti gavman sevis bai i no inap i go long ol pipel bilong kantri.

Long wanpela miting em ol i holim long Politik dipatmen long UPNG, planti bikman bilong ol kainkain dipatmen nambaut long UPNG na wanpela olpela dairekta bilong Nesenel Roses Institut, Dokta Roy May i tok ol i laikim olsem provinsal gavman i mas stap yet.

Dispela tingting i narakain liklik long wanem taim

Sir Julius Chan i bin opim miting long Tunde, em i tok dispela ripot bilong Ben Micah long senisim provinsal gavman i gutpela o namba wan tru.

Wanpela saveman bilong wok politik long UPNG, Lawrence Sause i tok nem bilong provinsal gavman i ken senis i go narapela tasol hevi bilong menesmen bai stap yet.

Em i tok sapos gavman i laik pinisim ol hevi bilong provinsal gavman orait ol nesenel lida i mas wok wantaim stretpela pasin long ronim gavman bilong ol pipel na long wankain taim tu ol i mas wok bung wantaim long daunim hevi bilong paulim mani.

Narapela bikpela samting em i tok taim gavman i saspenim ol provinsal gavman long paul pasin, gavman i no save laik painim sampela rot long stretim dispela hevi.

Em i tok nesenel gavman i save tingting tasol long saspenim moa provinsal gavman na i no long stretim hevi bilong ol.

Narapela saveman bilong Developmen na Pablik Edministresen, Daniel Alo i tok planti man olsem Ut la Samana, David Mai, Bernard Vogae na Jerry Nalau i save long wok bilong provinsal gavman long wanem ol i premia bipo tasol ol i no kamapim wanpela gutpela rot long stretim ol hevi bilong provinsal gavman.

Em i tok sampela kain lain tu i stap long dispela Bai-Patisen komiti tasol ol i no luksave long rong bilong ol yet na ol i wok long singaut tasol long provinsal gavman i mas raus.

Profesa bilong Politik long UPNG, Dokta Safu i tok ol provinsal memba na nesenel memba i no wok bung wantaim olsem na hevi bai stap yet.

## Zeipi stapim Nu Ailan timba projek long go het

CLEMENT MIRIA I raitim

MINISTA bilong Envairenmen na Konsevesen, Perry Zeipi i odaim pinis Dominance PNG timba kampani bilong Malaysia long no ken katim moa diwai.

Dispela kampani i save katim diwai long Umbukul, Nu Hanova long Nu Ailan provins.

Mista Zeipi i tok dispela kampani i no kisim tok orait

yet long katim ol timba. Olsem na em i stapim ol wok bilong en long no ken go het.

Dominance PNG i bin givim wanpela plen bilong katim timba long dispela eria i go pinis long dipatmen bilong Envairenmen na Konsevesen long las yia, tasol dipatmen i no givim yet tok orait.

Long Mas 20, kampani ya i bin stat long muvum ol masin bilong em i go insait long dispela eria. Tasol Mista Zeipi i tok pasin ol i mekim i rong.

Ol opisa bilong Envairenmen na Konsevesen i stadi yet long dispela plen. Bilong wanem ol i tok dispela plen bilong ol i soim olsem bikpela hap eria bai bagarap sapos kampani i go het na katim timba.

Dispela i min olsem ol gutpela diwai, abus na planti samting bai pinis.

Sampela samting em ol opisa bilong Envairenmen na Konsevesen i painim aut em olsem sapos ol i wokim wanpela rot, bai ol painim ol kain

hevi olsem graun i bruk nat- ing, ol gutpela diwai bai bagarap na bai i no gat nupela long senisim ol olpela, graun bai bruk i go karamapim ol gutpela wara na wokim wara i kamap doti,

Dominance PNG i gat tripela krismas long katim diwai long dispela eria.

Na insait long dispela tripela krismas, ol bai katim samting olsem 365,747 kubik mita diwai.



**WANTOK**

NIUSPEPA BILONG OL PAPUA NIUGINI STRET

**Stretim gut ol maket**

Dispela wik Nesenel Kapitel Distrik Komisn i tambuim ol pipel long salim buai long Godens na Boroko market. Ol i tok ol pipel i save spetim nabaut buai na bagarapim ples. Narapela as bilong tok em bikos ol man i save raun nating long maket na kirapim pait na mekim nabaut long ol meri.

I gutpela olsem maket i pas sotpela taim tasol. Insait long dispela taim, NCDC i no mas slip nating. Smat long opim ai na painim as tru bilong trabel long maket na pinisim dispela trabel.

I gat ol sekyuriti i save raun insait long maket. Watpo na ol i no inap stapim trabel insait long maket? Planti ol mama husat i salim kaikai long maket i save kism taim long han bilong ol dispela sekyuriti.

Tasol long taim ol man i pait bai ol sekyuriti i go hait i stap inap trabel i pinis, na bihain ol i soim pes gen. Em wanem kain pasin?

Ol pipel bilong Galp na ol Mekeo i kism taim nating. Ol i no mekim rong na nau ol i no gat maket long salim buai bilong ol. Olsem na mobeta NCDC i mas strong na pinisim ol hevi i kamap insait long maket. Mipela i laik maket i mas stap kiln na nais we ol mama i ken sindaun isi na salim kaikai na ol meri inap raun gut na i no wari long ol man nogut i bagarapim ol.

**Wokabaut bilong ol memba long Palamen: hap 9**



**Nem:** Jack Genia.  
**Ilektret:** Abau Open.  
**Krismas:** 45 yia.  
**Pati:** Pangu Pati.  
**Lotu:** SDA Sios.

Mista Genia em nupela lida bilong Pangu Pati na Oposisen insait long dispela Palamen.

Long mun Mas long dispela yia, em i bin tekova long ol dispela wok long papa bilong Pangu Pati, Sir Michael Somare.

Em i bin pinisim olgeta skul bilong em hia long Papua Niugini na long Australia tu. Long 1974 i kam inap long 1978, em i bin go wok long PNG Developmen Beng. Bihain em i lusim na go joinim Lens Dipatmen.

Dispela ol wok bilong em i mekim na em i go raun long ol kantri long ovasis olsem long Filipin Ailan, Sri Lanka, India, Singapo, Nu Silan, Amerika na ol Pasifik ailan kantri.

Long 1982, em i bin winim sia bilong Abau Open long nesenel ileksen. Orait long dispela taim i kam inap nau, em i holim yet wok olsem memba bilong Abau Open.

Insait long Palamen, em i bin holim ol wok tu olsem minista bilong Woks, Edukesen, na Fores. Em i bin memba bilong ol palamen komiti olsem long Pablik Woks na Apoinmen Komiti.


Mista Genia i marit na i gat tripela pikinini.

**Nem:** Masket langalio.  
**Ilektret:** Wapenamanda

**Open.**  
**Krismas:** 44 yia.  
**Pati:** Yunaited Pati.  
**Lotu:** Katolik Sios.

Mista langalio i bin kamap insait long ples Yalis long Wapenamanda long Enga provins. na em i maeit na i gat trupela pikinini.

Em i bin greduet long Yunivesiti bilong Papua Niugini wantaim Ekonomiks digri. Taim em i pinisim ol skul bilong em, em i bin go wok olsem menesing dairekta bilong PNG Developmen Beng na Jenerel menesa



**Nem:** Mathias Ijape.  
**Ilektret:** Goroka Open.  
**Krismas:** 39 yia.  
**Pati:** Nesenel Pati.  
**Lotu:** Luteran Sios.

Dispela ol wok bilong em i bin kism em i go raun long ol kain kain kantri long ovasis. Long 1987, Mista langalio i bin go insait long nesenel politiks taim em i winim sia bilong Wapenamanda Open.

Long dispela taim i kam inap nau, em i bin minista bilong Leba na Emploimen. Na nau insait long gavman bilong Praim Minista Paias Wingti, Mista langalio i holim wok olsem minista bilong Maining na Petroleum.

**Nem:** Aita Ivarato.  
**Ilektret:** Isten Hailans Provinsal.  
**Krismas:** 40 yia.  
**Pati:** Pipels Demokratik Muvmen (PDM).  
**Lotu:** Luteran Sios.

Mama i bin karim Mista Ijape long ples Rapigu long Goroka insait long Isten Hailans provins. Na nau em i




**Nem:** Aita Ivarato.  
**Ilektret:** Isten Hailans Provinsal.  
**Krismas:** 40 yia.  
**Pati:** Pipels Demokratik Muvmen (PDM).  
**Lotu:** Luteran Sios.

marit na i gat foapela pikinini. Em i bin go skul i go inap long Yunivesiti na greduet wantaim wanpela digri long wok lo. Na bihain em i holim wok olsem loya bilong Plis Dipatmen long 1980 na 1981. Bihain em i go stap wantaim Sevings na Lon Sosaiti long 1982 i go inap long 1984. Orait long 1985 i kam inap long 1987, em i bin wok olsem wanpela loya wantaim Jastis Dipatmen.

Long 1987 nau, em i go insait long wok politik. Na holim wok olsem minista bilong Plis long gavman bilong Praim Minista Rabbie Namaliu. Ol narapela wok em i holim tu long dispela taim em memba bilong praivet bisnis komiti na Temporeri Imejensi komiti. Na gavman i bin makim em tu olsem deputi siaman bilong Pablik Akauns komiti.

Long 1992 nesenel ileksen, em i bin winim gen sia bilong em na kamap gen long Palamen.

**Nem:** Mathias Ijape.  
**Ilektret:** Goroka Open.  
**Krismas:** 39 yia.  
**Pati:** Nesenel Pati.  
**Lotu:** Luteran Sios.



Planti provinsal gavman i bin saspem bikos komiti bilong Mista Ivarato i bin painim ol rong insait long rot em ol i yusim pablik mani. Planti bilong ol dispela mani i no bin go stret long wok em ol i makim long en.

Mista Ivarato em siaman bilong Pablik Akauns Komiti long Palamen.

Long 1982, em i bin resis long nesenel ileksen tasol em i lus. Na bihain long 1987 ileksen, em i win gen na go makim ol pipel bilong Isten Hailans long Palamen.

Mama i bin karim em long ples Tosaukamoti long Okapa insait long Isten Hailans provins. Tasol em i bin go skul long Madang na ls Sepik provins.

Long 1979 i kam inap long 1980, em i bin stap long Yunivesiti bilong Papua Niugini long Mosbi. Na em i greduet wantaim wanpela digri long wok Edukesen.

Taim em i pinisim skul, em i bin go wok long beng na Edukesen dipatmen. Bihain em i go wok wantaim Sir lambakey Okuk na statim tu wok politik bilong em long dispela taim.

Mista Ivarato i marit na i gat tripela pikinini.

**WANTOK**

NIUSPEPA BILONG OL PAPUA NIUGINI STRET

P.O. Box 1982 BOROKO  
Telepon Namba: 25 2500  
Feks Namba: 25 2579

**PE BILONG WANPELA YIA 52 NIUSPEPA**

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

**Moa long neks wik**

**HAZ BIABIA SPAK NA RAUN LONG BOROKO...**



**EM LUKIM OL MERI NA SINGAUT 160 IKAM...**



**NAU EM LUKIM WANPELA MERI TOLAI NA EM LAIK TOK "YAURO" TASOL EM ABRUS NA TOK "DAULO"!**



**MERI TOLAI KIRAP NA BIKMAUS LONG EM...**



**PNG na Amerika trening kem long Sepik pinis**

WANPELA bung-wan-taim trening ekksesais we i bin kamap namel long ol soldia bilong Amerika na Papua Niugini long ls Sepik i pinis long las wik.

Dispela ekksesais i bin stat long 14 Mas na em i bilong kamapim gutpela pren namel long ol soldia bilong dispela tupela kantri.

95 soldia olgeta bilong Papua Niugini Difens Fos i lain long kamap olsem dokta boi, ensinia na sampela arapela wok.

Long dispela ekksesais, ol soldia bilong Amerika i skulim ol soldia bilong PNG long stretim ol kainkain sik bilong skin olsem kaskas na grille (pukpuk), sik sotwin, malaria na sampela bagarap nambaut long bodi.

Long wankain taim tu


ol i lainim sampela we long stretim ol yet taim ol i kism bagarap long ples bilong pait.

Ol dispela ekksesais em ol i karim aut long ol ples olsem Taul na Terebu.

Orait long Mas 16 ol soldia i bin stretim gen

wanpela olupela bris long wara Nangam long ls Sepik yet.

Bikpela opis bilong ami long Amerika i givim mani long Yunait-ed Stets embasi long Mosbi long ronim dispela ekksesais.





PIKININI man bilong Kanage i lusim wilwil bilong em i stap long haus na em i go long taun. Em i no tok save long papa bilong em olsem wilwil i bagarap liklik long stia bilong en. Orait long belo nau, Kanage i laik go long stua na baim mutrus bilong em. Tasol san i hat kranki stret olsem na em i les long wokabout. Em kism wilwil bilong pikinini man bilong em na tekov i go long stua. Planti manmeri i bung na stori long ai bilong stua i stap. Kanage i no isi long wilwil ya. Olgeta spit i pinis na em i go. Taim em i kamap long stua na i laik stapim wilwil, nogat, stia i pundaun i go daun long fran tala bilong wilwil. Na Kanage i go sutim nus stret long fran bilong stua. Ol manmeri husat i bung long ai bilong stua i kirap na lap nogut tru long em. Isi tasol Kanage i kirap na hapim wilwil na tok "Bai yu dai." Dispela hap tok ya em i tok long pikinini man bilong em.

Clip Rich, KOKOPO.

WANPELA nait Kanage i sindaun wantaim ol tambu bilong em na ol i wok long stori long hevi long Bogenvil. Ol i stori i go na Kanage i stori long ol tambu bilong em long tupela kasen brata bilong em. Tupela kasen brata bilong em i bin stap long Buka. Tasol hevi long Bogenvil i wokim na tupela i lusim Buka na go bek long ples. Em nau Kanage i stori long tupela long ol lain tambu bilong em. Long namel bilong stori na em i tokim ol tambu bilong em olsem, "Sore, ol gutpela tambu bilong mi. Sapos yupela lukim dispela tupela kasen brata bilong mi, yupela bai ting olsem tupela i bilong Buka. Nogat ya, tupela i hapkas ya. Tasol bikpela samting i olsem tupela i no kism skin bilong papa, tupela i kism stret samting bilong mama bilong tupela." Taim ol tambu bilong Kanage i harim olsem, ol i lap nogut tru. Mekim na Kanage i paul olgeta bikos em i min long skin bilong mama.

Afiang Gumak Sartuk, BOROKO.

WANPELA moning Kanage i go raun long Kimbe taun. Em raun i go i go na hangre i bagarapim em stret. Em nau em i go long wanpela stua na baim wanpela hap gris bilong lemleps na kaikai. Taim em i pinisim, em i go raun gen. I no longtaim na em i pillim olsem em i laik rausim kago bilong ol soldia long Bogenvil. Em i siksti tasol i go long olgeta hap kona na painim pablik toilet. Tasol long Kimbe i no gat pablik toilet. Olsem na em i go long wanpela kona na lukluk i go i kam na taim em i lukim olsem no gat man i lukim em, boi isi tasol rausim trausis na sindaun na rausim kago i stap. Semtaim sampela man i wokabout i kam na ol i lukim Kanage i rausim kago i stap. Em nau ol i kirap na singaut, "Olsem wanem, yu painim ples a?" Taim Kanage i harim olsem, hariap tru em i pullim trausis i go antap. Em tanim bek long pekpek bilong em na tok, "Tru ya, lukim em nogat sem bilong em. Em painim ples i go nogat na em i kam long dispela liklik hap kona na em i wel nating i go daun na slip i stap. Yupela kam na lukim em i wok long slip na lap i stap. I no longtaim sapos san i lukim em, dispela lap bilong em bai pinis." Taim ol man i harim olsem, ol i kirap na ronim Kanage na senisim nus pes bilong em.

Papa Kanage, GOROKO.

# Is Nu Briten mama lo senis

JOE KORO i raitim

SAMPELA bikpela senis i kamap pinis long mama lo bilong Is Nu Briten provinsal gavman.

Ol dispela senis nau i strongim sia bilong primia na brukim gut namba bilong ol memba long ol 4-pela bikpela distrik bilong provins.

Insait long ol senis bihain tasol ileksen, primia bai holim opis inap long 12-pela mun. Orait bihain sapos i gat tok-tok, provinsal eksekutiv

kaunsil i ken lukluk long tingting bilong muvim vot i nogat bilip.

Tasol pastaim tu long dispela PEC i ken skelim mosen bilong vot i nogat bilip, i mas gat moa long 5-pela mak bilong ol provinsal asembli memba long pepa. Na tu, tok save bilong dispela mosen i mas go long olgeta memba insait long asembli.

Na tu, de bilong holim wanpela vot i nogat bilip i mas kamap 14 de pastaim long asembli i bung.

Orait sapos mosen i kism inap namba na win, siaman

bilong PEC bai tokaut long holim ileksen na makim nupela primia.

Narapela bikpela senis tu i bin kamap long rot bilong makim deputi primia. Nupela lo nau i tok long vot insait long sikret balot na makim dispela lida.

Dispela i min olsem ol asembli memba bai raitim nem bilong wanem man ol i laikim na putim insait long balot bokis. Orait bihain, siaman bilong PEC o kuskus bilong asembli bai kaunim ol vot na tokaut long deputi primia long bung bilong

asembli.

Olsem na bihain ol dispela nupela senis, primia na deputi bilong em i no inap kam long wanpela hap eria. Wanpela i ken kam olsem long ol hap bilong Gasel, Duk ov Yok o Watam ailan. Na narapela i mas kam long hap bilong Pomio o Baining.

Na tu bihain tasol long primia i kism wok, em bai go het na makim 10-pela memba insait long asembli long stap insait long PEC. Na tok save bilong dispela i mas kamap long provinsal gaset na long ol niuspepa.

## Gavman sevis long Madang stop bikos no gat ka

BEN TAUMAI i raitim

PLIS long Madang i kism pinis ol gavman ka em ol memba na wokman bilong provinsal gavman i wok long yusim.

Dispela olgeta ka i stap long plis stesin.

Provinsal Plis Komanda (PPC), Sief Inspekta Robert Kalasim i tok plis i mekim olsem bihainim askim bilong nupela edministreta, Anton Yagama.

Mista Yagama i bin mekim olsem insait long wanpela pas em i salim i go long PPC. Long dispela pas, em i laikim plis long rausim olgeta gavman ka long rot na putim long plis stesin. Orait ki bilong olgeta dispela ka i mas go long em.

Sief Inspekta Kalasim i tok ol dispela ka bai stap long plis stesin inap edministreta yet i givim oda bilong rausim ol o mekim wanem samting.

Ol ka nau i stap long ples stesin i bilong



Long lephan i go long raithan em plisman Anton Michael wantaim stesin komanda bilong Madang long namel na PPC i sanap fran long ol gavman ka.

primia, namba tu bilong em, provinsal spika, Edukesen minista, Fainens minista na ol ka bilong ol provinsal gavman projek.

Ol ripot i tok olsem Madang provinsal gavman i gat 98 ka olgeta. Planti i gat plet namba bilong gavman long ol tasol sampela i gat ol praiwet plet namba. Na 61 bilong ol dispela ka i

stap hait yet.

Na long Walium gavman stesin, wanpela gavman opisa i tok ol i givim bek olgeta ka long plis na ol i no gat ka nau bilong wok.

Orait taim em i toktok wantaim bos bilong em, bos bilong em i bekim olsem: "No ken wari, yu ken go na wokim gaden na wet tasol i stap. Taim yumi gat ka orait

yumi bai wok. Pe bilong yu long potnait bai kam yet."

Tasol dispela opisa i tok em i no amamas

bikos ol pipel bai kism taim nating long dispela hevi. Tasol i no rong bilong ol, em i bilong edministreta.

## Kibung bilong bel isi no bin kamap

ELLIOT RAPHAEL i raitim

WANPELA miting em ol pipel bilong Moveave na lokea long Gulf provins i laik holim long pinisim ol kros bilong ol i no kamap long wanem wanpela man bilong Moveave i lus yet.

Ol lain bilong Thomas Paisoi Maroa i bilip olsem em i mas dai pinis bihain long bikpela pait i kamap namel long dispela tupela ples tripela wik i go pinis.

Ol lain wanpesis bilong em i bin painim em raun long lokea na tu long ples bilong em long Moveave tasol i no gat wanpela sain bilong em yet.

Narapela miting em ol i kamapim gen em long Lese Avihara long las wik Fonde wantaim rijinol memba bilong Galp, Chris Haiveta, asisten komisi-na (Sauten) Philip Taku na ol narapela bikman bilong plis.

Sampela samting em ol i kamapim long dispela miting em;

- Olgeta PMV kar na kanu wantaim moto bai stop long lokea we bai ol man i sekim gut wokabout bilong wan wan man,

- Ol pipel bilong Moveave na gavman i mas baim kompensesen i go long ol man husat i dai na tu i go long ol haus na stua em ol i kukim long em,

- Ol pipel bilong Moveave i mas baim kompensesen pastaim long pinis bilong dispela mun (Epril).

Plis i mas kalabusim ol man husat i kamapim dispela trabel,

Ol samting olsem moto bilong kanu em ol man i stilim i mas go bek long han bilong ol papa bilong ol.

## Nupela lain pipel kamap long Wes Sepik

FELIX RAMRAM i raitim

I GAT ripot nau olsem ol i painim pinis wanpela nupela lain pipel long boda mak bilong Is na Wes Sepik, Sauten Hailans na Enga provins.

Na i luk olsem dispela ol lain i bilong Wes Sepik bikos ol i stap moa klostu long Oksapmin sab distrik.

Ripot i tok ol dispela lain pipel i no save stap long wanpela hap. Oltaim ol bai muv raun long painim kaikai na wara samting. Ol i no save putim klos, i no save long Tok Pisin na i no klia long kaikai bilong stua na ol marasin samting. Na ol i no lukim ol waitman yet.

Dispela ripot i go het na tok ol i bin bungim ol namba wan taim long 1990, na kolim ol olsem ol lain Liawep pipel. Tasol ol i ting ol i bilong wanpela hap i stap klostu long Wara Sibul long isten sait bilong Oksapmin. Na bihain ol i painimaut gut olsem ol i bilong ol narapela lain pipel bilong Sisimin klostu long Oksapmin.

Kiap i lukautim Oksapmin, Peter Yasaro i tok olsem long 1990, ol pipel bilong Sisimin i bin holim wanpela yangpela man bilong ol dispela

lain. Na kism em i go long Oksapmin na lainim em long Tok Pisin.

Na ol i tingting nau long yusim dispela man long go bungim ol lain bilong em na wokim pren wantaim ol. Ol i laik mekim olsem long mun Me.

Mista Yasaro i tok long mekim olsem, ol bai nidim samting olsem K1,500.

Em i tok ol lain husat bai mekim dispela wek em wanpela kiap, wanpela nes, wanpela APO, wanpela didiman, tupela plisman, wanpela sios woka wantaim 10-pela man bilong karim ol kago.

Tasol long nau yet, primia bilong Wes Sepik, Peien Aloitch i tok opis bilong em i no kism wanpela ripot bilong traim painim ol dispela lain pipel yet.

Memba bilong Oksapmin na provinsal minista bilong Helt, Uliavian Ameng i tok em bai amamas tru long painim ol dispela lain pipel. Na em i sapatim tru tingting olsem gavman i mas helpim kiap bilong em long Oksapmin wantaim ol lain bilong go long hap.

## TU MINIT TINGTING

### YU KAM, LUKIM TUPELA HAN BILONG MI

LONG Gutnius stori bilong tude, Jisas i soim tupela han bilong em long Tomas. Em i tok, "Yu kam, lukim tupela han bilong mi." Na long tupela han bilong em, Tomas i luksave long em i Jisas.

Tude yumi tingting long tupela han bilong yumi. Long taim mi manki yet, mi sanap na wasim ol plet wantaim mama. Na long dispela taim mi askim mama olsem, "Mama, sapos ol i mas rausim tupela han bilong yu o tupela lek, bai yu laik holim wanem: tupela han o tupela lek?" Na mama i tok, "Tupela han."

Tupela han bilong yumi, tupela i bikpela tru i kam long God. Ol diwai na sayor i no gat han tru. Ol pis i no gat han, na ol pisin tu i no gat han. Ol enimel yet i no gat han tru. Han bilong ol i gat wanpela wok tasol: bilong pulim ol kaikai i kam long maus.

Tupela han bilong yumi manmeri i mas mekim wok. Maski yumi gat planti gutpela tingting na aidia, tupela han i mas mekim ol dispela samting i stap

long het bilong yumi i kamap samting tru bai yumi ken lukim na yusim.


Yumi save yusim tupela han bilong yumi long mekim planti kain samting.

Tupela han ya i save kisim olkain samting, na holim, na pulim i kam long yumi. Tupela han i save holimpasim kain kain samting. Tupela i save putim kaikai i go long maus bilong yumi. Tupela han i save tasim olkain samting na pilim. Tasol ol dispela kain wok i bilong helpim yumi yet.

Han i gat wok tu long helpim ol arapela manmeri; han i gat wok long givim na i no long kisim tasol. Han i no save pasim samting tasol. Nogat. Sampela taim han i mas larim samting i go.

Sapos yumi pasim han bilong yumi, yumi no inap givim wanpela samting long arapela man/meri; na tu, yumi no inap kisim samting. Long wanem, han i no op, em i pas.

Wanpela man i bin tok olsem:



FRANK MIHALIC i raitim

"God i bin givim yumi tupela han; wanpela em i bilong givim ol samting, na narapela em i bilong kisim ol samting."

Sapos yumi harim dispela tok: "Han bilong em i emti," dispela i no min tasol, man o meri ya i no laik givim samting long arapela man/meri. Nogat.

Em inap min tu: dispela man/meri i bin tilimaut olgeta

samting i bin stap long han bilong em pinis.

Man/meri i no inap dai long hangre o long sik o long wara, sapos han bilong sampela pipel i op.

I tru, han em inap stil na pait na bagarapim samting na kilim wanpela samting i dai na wokim planti rong. Tasol dispela sem han em inap mekim gutpela wok, na raitim samting, na droim samting, na paitim gita, na stretim sik, na givim kaikai, na karim samting i go, na holim samting i laik pundaun, na pulim samting i kam antap.

Ating yumi bin harim stori bilong wanpela taun long Yurop, we ol bom i bin bagarapim ol samting long taim bilong woa. Bihain long woa, ol soldia i wok long stretim bek taun. Orait, ol i painim ol liklik hap bilong wanpela kaving bilong Krai. Ol i stretim bek; tasol ol i no inap wokim bek tupela han bilong kaving ya. Olsem na ol soldia i wokim wanpela sain ol i raitim dispela tok: "Mi no gat han. Inap

long mi ken yusim tupela han bilong yu?"

Krais em i bin tok, em i save stap insait long yumi wan wan. Sapos tude em i laik mekim wanpela wok long dispela graun, em i nidim han bilong yumi bilong mekim. Long wanem, nau bodi bilong em na han bilong em i stap long heven. Sapos yumi no mekim wok bilong em wantaim han bilong yumi, bai dispela wok i pundaun na i lus na i no kamap.

Yumi mas tenkim God long yumi gat tupela han. Sapos dokta i bin banisim wanpela han bilong yumi, o kalabusim em insait long simen, na nau yumi mas mekim olgeta samting wantaim wanpela han tasol, ating yumi bin kisim save pinis. Wanpela man i bin komplem long wanpela pinga bilong em i lus. Tasol bihain em i lukim narapela man i no gat wanpela han olgeta.

Nau em i tingting planti, na em i paitim tupela han bilong em long tenkyu long God.

## Namba wan pablik bung bilong lotu Katolik kamap long Mosbi

NAMBA WAN pablik evanjelikel bung o reli bilong Katolik Sios bai kamap long dispela mun.

Dispela reli bai kamap long Sir John Guise stadium long Mosbi inap long tripela de, stat long Epril 15 i go inap long namba 17 de.

Planti evanjelis bilong lotu Katolik long Australia na ol narapela

kantri bai kam na tok tok long dispela bung.

Long bipo yet i kam inap nau, lotu Katolik long Papua Niugini na planti arapela hap long wol i no save autim Gutnius long ol kain bikpela pablik bung olsem. Tasol nau ol senis i wok long kamap na ol Katolik misineri i stat autim Gutnius long ol pablik ples.

Wok bilong autim

Gutnius long pablik ples i kamap bikos long wok bilong ol karismetik muvmen na ol senis insait long dispela samting bilong lotu Katolik long olgeta hap bilong wol.

Ol stori bilong bipo i soim olsem long stat bilong wok Kristen, i bin gat wok bilong karismetik na autim Gutnius long pablik tu i stap. Tasol taim wok

bilong Sios i go na kamap bikpela, pasin bilong autim Gutnius long ol pipel i pundaun. Na ol pentikostel lotu tasol i go het long mekim dispela samting.

Long bilip bilong Sios na wok evanjelis, spirit bilong Papa God i save wok long dispela rot. Na kirapim tingting na laik bilong ol pipel long go long olgeta

ples na autim Gutnius bilong Bikpela Jisas Krai long ol arapela manmeri.

Asbisop bilong Mosbi Katolik daiosis, Asbisop Peter Kurongku i laikim olsem dispela bikpela bung i mas kamap long Mosbi. Na olgeta peris bilong lotu Katolik long Papua Niugini i wok long redi nau long dispela bung.

## Bikpela Ista kem kamap long Mumeng

"Jisas i winim Satan," em i het tok bilong wanpela Ista Baibel Kem ol yangpela bilong Mumeng long Morobe provins i holim long dispela taim.

Moa long 800 Kristen manmeri bilong planti hap long Morobe provins i bung i stap nau long wanpela Ista Baibel Kem ol i holim long Andarora Peris, Watut eria long Mumeng distrik. Baibel Kem hia i bin stat tude Fonde, na bai go inap long faipela de olgeta. Luteran Sios yet i go pas long dispela kem.

Dispela em i namba wan taim ol yangpela bilong Watut i holim wanpela bikpela Baibel Kem olsem bihain long Mumeng i bin kamap wanpela distrik lusim Yabem.

Andarora Luteran peris, hap we Ista Baibel kem i kamap long en i stap aninit long lukaut bilong wanpela nupela pasto bilong hap yet, em long Pasto Maiddy Auhkong. Faipela ten tri yia i go pinis long yia 1940, Gutnius i bin kamap namba wan taim long ol Watut pipel. Nau i gat moa long tri tausen memba bilong Luteran Sios long hap.

Pasto Auhkong i kamapim ol nupela senis bilong pasin na wok bilong Sios insait long Watut. Em i go pas long kirapim ol yut wok long kamapim dispela Baibel Ista kem.

Pasto Auhkong tu i tok amamas long olgeta Kristen manmeri i kamap long kem na kam kisim save moa long Baibel, tok tru bilong God. Baibel i soim yumi long Jisas Krai husat i laip bilong olgeta man i tanim bel, na olsem het tok bilong dispela Baibel kem, "Jisas i winim satan" long laip bilong em na bilip long dispela bai i pulumapim gut bel bilong ol Kristen long graun na heven.

Wanpela bikpela het tok bilong Andarora peris bilong dispela yia em "bai mi senis o nogat?" Pasto Auhkong i tok em i laik bringim ol Kristen long dispela tok na bai i kirapim bel tru. Olsem laip na spirit bilong ol man meri na pikinini bai i stap amamas long Ista Baibel kem.

Ol yangpela yet bilong Andarora i redim dispela Ista Baibel yut kem.

Sampela long ol bikpela samting i kamap long Baibel kem em ol hia, singsing, drama, lotu na Baibel stadi bilong ol yut na deleget.

Pasto Auhkong yet i go pas long givim Baibel stadi wantaim helpim bilong Pasto Francis Sabua bilong Bulolo. Long Ista Sande, bai i gat lotu bilong Marit na Baptais

## Mis Islander Travelodge helpim ol trangu

SEK mani inap long K5,000 i bin go long Spesel Edukesen Senta bilong ol disebel long Hohola las Fraide.

Ela Bis Hotel i bin givim dispela doneisen i go long senta long helpim ol wok bilong en.

Meri husat i makim Islander Travelodge long Mis P.N.G. resis bilong dispela yia,

Sharon Onsa i bin givim dispela mani long wanpela belo kaikai wantaim ol disebel pikinini bilong senta. Ol bikman bilong Red Cross na ol lain husat i go pas long ranim resis bilong Mis P.N.G. i bin stap tu long dispela taim. Mani hia em hap bilong ol wok em Mis Islander Travelodge i kamapim i kam inap

nau. Mis Onsa i tok em i amamas long stap insait long ol wok bilong helpim Red Cross husat i save helpim ol trangu long olgeta hap bilong P.N.G.

Taim em i givim dispela sek mani, Bos bilong Ela Bis Hotel, John Caase i tok em i gat bikpela tingting olsem dispela mani bai inap long

helpim Red Cross long ol wok bilong em. Em i tok tu olsem em i tingting bilong em olsem bai i gat moa yet long ol kain helpim i kam long Islander Travelodge.

Spesel Edukesen Senta long Hohola em i wanpela Red Cross Komuniti projek we i save kisim ol maupas na yaupas manki bilong Mosbi siti na ol lain bilong ol arapela hap long Sentrel provins. I gat 300 sumatin i stap long dispela skul. Ol sumatin i kisim trening long ol kain skul vokesenel, samap, kuk, henkraft, ol skul wok na ol kain toktok bilong han na maus. Hetmasta bilong Senta, Maba Lohia i tok olsem ol sumatin i save stap long tupela grup. Ol bikpela we krismas bilong ol istap namel long nain na wanpela ten tu na ol vokesonol grup, na ol liklik krismas bilong ol i stap namel long siks na nain. Fee bilong dispela skul long wanpela yia em long K30. Senta i gat tripela wokmanmeri



• Sharon Onsa i givim K5,000 sek i go long John Caase.

## Lumi laik bruk na kamap provins

FELIX RAMRAM i raitim

OL PIPEL bilong Lumi insait long Wes Sepik provins i wokim strongpela tok pret pinis olsem ol i laik bung wantaim tripela narapela distrik bilong Is Sepik na kamapim provins bilong ol yet.

Dispela tok i kam long wanpela mausman bilong ol pipel bilong Lumi, Luke Kiwen.

Mista Kiwen i tok Lumi i gat bikpela hap eria tru na populesen tu olsem na ol i laikim olsem gavman i mas givim wanpela ministri long em.

Mista Kevin i tok sapos gavman i no givim wanpela ministri long em orait ol i mas senisim elektorel baundi.

Em i tok dispela bai helpim ol distrik bilong Is Sepik olsem Maprik, Wosera, Ambunti, Drekkir na Nuku insait long Wes Sepik long bung wantaim na kamapim wanpela provins bilong ol yet.

# Ol papa graun amamas long Pogera

ETPELA (8) mausman bilong Hidden Veli Join Venja projek long Wau, Morobe provins i bin go lukluk raun long Pogera gol main long las mun.

Insait long dispela grup sampela wokman bilong dipatmen bilong Minerels na Eneji na CRA, ol papa graun na opisal bilong Morobe provinsal gavman i bin go wantaim ol.

Dispela raun bilong ol em long luksave long wok bilong digim gol insait long ol bikpela main olsem Pogera.

Wanpela mausman bilong dipatmen bilong minerel na eneji, Francis Lolo i tok ol wok bilong digim gol long Hidden Veli i no ron strong yet tasol wanem samting ol i lukim nau

bai helpim ol long lukautim ol wok bilong ol yet long taim wok i go strong long hap bilong ol.

Pogera Join Vensa na Komuniti Afes dipatmen bilong ol i lukautim dispela wokabaut bilong ol i go long

Pogera. Dispela grup tu i bin lainim sampela nupela samting olsem wok bung namel long kampani na ol papa graun na ol helpim em kampani i save givim i go long ol pipel.

Bipo long dispela grup i go bek long

Wau, ol i lainim planti nupela samting we ol bai karimaut long eria bilong ol taim Hidden Veli gol main i wok strong.

Long taim ol i laik i go bek, ol i givim draipela tok amamas i go long PJV Komyuniti Afes long ol kain helpim ol i

save givim i go long ol papa graun bilong Pogera long kamapim gutpela sindaun namel long ol yet.

Ol i ting olsem wanem samting ol i lukim na lainim, bai ol i karimaut long eria bilong ol tu.

## Nupela Madang bos tok long sevisim gut pipel

BIKPELA tingting bilong nupela edministreta na seketeri long Dipatmen bilong Madang em bilong bringim ol sevisis i go long ol pipel bilong em.

Dispela em i toktok bilong edministreta, Anton Yagama long wanpela hen-ova tek-ova seremoni i bin kamap long Madang long dispela wik Mande.

Nesenel Eksekutiv Kaunsil i bin makim Yagama long nupela wok bilong em tupela wik i go pinis, semtaim em i pinisim man-husat i bin wok pas-taim olsem eking seketeri long Dipatmen bilong Madang, David Mulul.

Tasol Yagama i no bin statim nupela wok bilong em inap long Mande bilong dispela wik.

Yagama i askim olgeta wokman bilong Madang Dipatmen long wokbung wantaim em bilong traim stretim ol asua long wok na karimaut gut ol wok bilong ol. Long dispela we, bai ol i helpim olgeta pipel bilong provins long kisim ol sevis.

Man husat i bin eking seketeri pastaim, David Mulul i bin tok tu bai em i givim bikpela sapot long Yagama na i tok strong long ol wokman bilong wan wan dipatmen long wokbung wantaim na helpim nupela edministreta long karimaut dispela bikpela wok bilong kamapim strong provins na pipel bilong Madang.

## Madang rijinol memba daunim tru ol NEC

RIJINOL memba bilong Madang, Peter Barter i no amamas long rot em. Nesenel Eksekutiv Kaunsil (NEC) i bihainim taim ol i makim wanpela edministreta bilong wanpela provins na wanpela de bihain ol i senisim gen wantaim narapela man.

Long taim em i tok amamas i go long nupela edministreta bilong Madang, Anton Yagama, em i tok kros long NEC long pasin ol mekim taim ol i makim David Mulul olsem edministreta taim nesanel gavman i saspenim Madang provinsal gavman na bihain ol i rausim em na putim Anton Yagama.

Em i tok kain pasin olsem i bringim bikpela bel pen na bel hevi i go long ol pipel na tu i go long ol man husat gavman i wokim kain pasin olsem long ol.

Mista Barter i tok tu olsem nau i no taim bilong ol memba long Waigani long stap tasol long opis na givim oda i go long ol wokman bilong provinsal gavman.

Em i tok ol i mas i go raun long

wanwan provins bilong ol na luksave gut long hevi bilong ol.

Long wankain taim tu em i tok dispela bai-patisen komiti we gavman i kamapim i bilong bilasim nem bilong NEC tasol na i nogat gutpela wok bilong em.

Em i tok dispela komiti i wok long go het long wok painim aut bilong ol provins insait long kantri na long wankain taim NEC i wok long saspenim ol provins nating.

Em i tok dispela i soim olsem dispela tupela komiti i bilong wanpela gavman tasol wok bilong tupela i no bihainim as tingting bilong gavman long sekim gut ol wok bilong provinsal gavman.

Em i tok moa olsem nesanel gavman i wok long saspenim ol provinsal gavman tasol ol i no tokaut gut long ol pipel long wanem as tru ol i wok long saspenim wanwan provinsal gavman.

Mista Barter i tok oposisen i harim nau olsem gavman i tingting long i go moa long pes 12




• Longpela lain tru ya....Sampela lain meri long ples Negabo long Karamui long Simbu provins i bilas na amamasim Simbu WimensSo. Dispela em i namba wan taim bilong ol long tek pat long Simbu Wimens So.

# HONDA<sup>®</sup> LAWN MOWERS

Inspect these hard working Honda Lawn Mowers at Toba Motors now.

*Kam na lukim mipela fete*



## HONDA POWER PRODUCTS

- Little Bob - 18" Cut Lawnmower  
Powered by the reliable Honda GXV120 4HP 4 Stroke Engine. Excellent for light commercial or domestic work.
- Big Bob - 21" Cut Lawnmower  
Powered by the powerful GXV160 with a massive 6HP on tap for the longest grass. Ideal for councils, schools etc.



PORT MORESBY 21 7874  
LAE 42 2611  
RABAUL 92 1866

Agents:  
ALOTAU 61 1246  
KIMBE 93 5035  
Mt HAGEN 52 1855  
WEWAK 86 2784



*Egensim Yeltsin...* Ol lain husat i no amamas long wok bilong Presiden Boris N. Yeltsin bilong Rasia i planim wanpela flek long wanpela ston piksa long Mosko long makim ol biknem paitman bilong bikpela Bolsevik Revolusen.



*Hevi long Jerusalem...* Ol plisman i holim wanpela sumatin bikos em i laik pinisim win bilong wanpela man Palestain husat i bin sutim tripela man Isrel wantaim naip long wanpela skul. Pastaim long plis i kamap, ol pipel i bin paitim na bagarapim tru dispela man Palestain.

## Pikinini bilong Bruce Lee dai long muvi

WANPELA ekta (man husat i save wokim muvi) Brandon Lee husat i gat 28 krismas i bin dai taim em i wok

long wokim wanpela muvi ol i kolim The Crow.

Brandon Lee em pikinini man bilong Bruce Lee husat i save ektim ol Kung Fu muvi. Bruce Lee i bin dai long 1973.

Brandon Lee wantaim wanpela narapela ekta i bin wok long ektim wanpela hap bilong The Crow. Long dispela hap pat bilong muvi, Brandon Lee i karim wanpela beg na i wok long wokabaut namel long dua bilong wanpela haus. Em nau dispela narapela ekta ya i paiarim sotgan we i gat ol giaman katres long Brandon Lee. Dispela narapela ekta ya i bin sanap 5-pela mita longwe na paiarim dispela ol giaman katres long Brandon Lee.

Wanpela mausman bilong ol lain husat i wokim dispela piksa i

tok taim dispela narapela ekta i paiarim sotgan, Brandon Lee i presim wanpela baten anit long dispela beg we em i karim. Dispela em long putim aut sampela kain smok long stapim pawa bilong ol giaman katres ya. Mausman ya i tok ol i bin traim long ektim dispela hap pat bilong muvi ya palnti taim. Tasol long dispela taim Lee i kisim bagarap taim wanpela giaman katres i sutim bel bilong em.

Long nau yet ol i no klia yet long dispela

giaman katres i bin kam long sotgan bilong dispela narapela ekta ya o i bin kam long dispela beg we Lee yet i bin karim.


Ol plisman i tok ol i lukluk yet long dispela birua na bai karim aut wanpela wok painimaut.

Taim Lee i kisim bagarap ol i kisim em i go long hausik. Ol dokta i tok Lee i kisim bagarap long bel bilong em na tu em i lusim planti blut.


Lee i dai long hausik bihain long 30 minit.



*Painim rot bilong go...* Wanpela sekyuriti long gavman opis bilong Amerika long Saut Afrika i sanap was na tokim ol pipel bilong Haiti long bihainim lain. Dispela ol lain i laik traim aplal long go stap long Amerika olsem ol politikel refuji. Mca long 100 man na meri i bin go long Amerika embasi bilong kisim ol pepa bihain long ol soldia i kalabusim na paitim nogut wanpela bilong ol. Bikos em i holim poto bilong presiden bilong ol husat i kalabus nau, Reveren Jean-Batrard Aristide.



*Las prea...* Wanpela yangpela bol bilong Palestain i wokabaut namel long lain husat i prea i stap long wanpela haus lotu long Jerusalem. Dispela em long las belobek beten bilong tingim Ramadan, wanpela holi mun bilong ol lain Muslim. Mca long 180,000 pipel bilong Arabia i bin kamap long ol dispela de bilong prea.



*Kagokal muvmen...* Ol sampela memba bilong wanpela kagokal muvmen long Teksas, Amerika i lusim wanpela haus kot. Ol plisman i wok long pait yet wantaim ol dispela lain, tasol i no wantaim gan. Ol i yusim tasol ol toktok long redio na laudspika.



**OL LIKLIK NIUS**

**LONDON:** Britis gavman i tokaut pinis long tupela ripot we i toktok long ol toktok we i bin kamap long niuspepa, redio na televisin. Dispela tupela ripot ya i toktok long ol hait toktok bilong sampela memba bilong Royal Famili we ol i toktok wantaim ol poro bilong ol long telipon. Tupela memba bilong Royal Famili husat i stap insait long tupela ripot ya em Prince Charles i toktok wantaim wanpela meri nem bilong em Camilla Parker-Bowles na Princess Diana an wanpela poroman bilong em.

**YUAI, Sudan:** Yunaited Nesen i rausim pinis ol wokman bilong en husat i wok long sauten Sudan we bikpela bagarap i kamap. Yunaited Nesen i rausim ol wokman bilong en biadin long wanpela pait i kamap namel long ol rebel grup. Long wanem Yunaited Nesen i pret nogut ol rebel grup bai kilim ol wokman bilong en. Hetman bilong Yunaited Nesen Operesin Laipain Sudan i tok sip bai kisim ol wokman i go insait long Kenya long na kam aut long Kenya long olgeta de.

**WASHINGTON:** Wanpela humen rait grup long Amerika, Asia Watch i laikim nau wanpela man Nietnam husat i brukim intenesenel humen rait stendad i mas kisim 20 yia kalabus. Nem bilong dispela man ya em Doan Viet Hoat. Wanpela Vietnamis kot i kalabusim pinis 7-pela man husat i save egensim gavman.

**LONDON:** Long nau yet ol de i wok long kamap longpela. Sampela Britis astronoma (lain husat i save stadi long ol samting long klaut) husat ibin wok long stadi long olpela samting bilong Babylon na Saina i tok long nau yet graun i no save raun hariap. Ol i tok ol de i wok long kisim samting olsem 1.7 miliseken long olgeta 100 yia.

**NEW YORK:** Wanpela intenesenel wok painimaut i wok long kamap nau long painim man Iraq husat i wokbung wantaim ol narapela man long bomim Wol Tred Senta. Nem bilong dispela man ya em Ramzi Ahmeh Yousef husat i gat 25 krismas.



*Redi tasol...* Wanpela soldia bilong gavman bilong Angola i saitim na stretim gut masin gan antap long lek bilong narapela poro bilong em Idong Kaksito. Dispela em long taim ol i pait egensim ol lain bilong Yunita.



*Traim tasol...* Ol pikinini long wanpela refuji kem long Gasa i karim ol dispela glaman gan long taim ol i amamasim pinis bilong Ramadan.



*Taim bilong sori...* Presiden bilong Rasia, Boris N. Yeltsin wantaim meri bilong em, Naina i go long soim wari bilong tupela long matmat bilong mama bilong Mista Yeltsin long Mosko.



*Taim bilong prea...* Ol dispela lain Hindu long kantri Banglades i waswas long wara Langalbandh na ol i beten wantaim.



*Wetim nius...* Dispela lapun meri bilong ples Sbrnika na tumbun bilong em i wetim nius bilong ol narapela famill bilong ol. Bikpela woa long Yugoslavia i bagarapim tru laip bilong ol pipel nau.



*Stretim hevi bilong ol refuji...* Komanda bilong ami bilong Yunaited Nesens, Jenerel Philippe Morillon long lephan i paitim glas dring wantaim Jenerel Mian Gvero bilong ol ami bilong Sebia taim ol i kibung long Bratuna long isten Bosnia. Stat long las wik Tunde, toktok bilong rausim ol refuji long dispela hap i no kamap gut tumas.

# Sampela tingting long hevi bilong ol meri tude

HARLYNE JOKU I raitim

TUPELA wik i go pinis, sampela meri i bin bungim birua taim ol man i brukim ol klos na holim skin bilong ol nabaut long pablik ples.

Olsem na planti singaut i kam long ol meri na tu long pablik long pasim ol maket olsem long Godens bihain long 4 klok apinun inap long sampela taim bihain.

Long wanpela miting long las wik Fraide em ol lidameri, plis, yut, ol politisen na pablik i holim long Lo Rifom Konfrens rum, ol i kamapim wanpela ripot bilong givim i go long gavman bilong luksave long en.

Komisina bilong Lo Rifom Josepha Kanawi, Josephine Abajjah, Maria Kopkop, Rose Muingnepe,

Metropolitan Supritenden Joseph Kupo na Philip Taku, Spika bilong Nesenel Palamen Bill Skate na memba bilong Mosbi Saut Albert Karo wantaim sampela yut lida i bin kamap long dispela bung.

Ripota Harlyne Joku i bin stap tu long dispela taim na hia em sampela toktok em i kisim.

**JOSEPHINE ABAAJAH:**

"Wanem samting tru i rong long mipela ol




• Abajjah..Ol meri tu i ken raun long laik bilong ol.

meri na tu long kantri we i kirapim tingting bilong ol man long bagarapim mipela.

"Yumi wok long ritim ol ripot olsem ol man i bagarapim ol meri planti yia i go pinis na yumi wok long sutim toktok i go i kam namel long yumi yet. Tasol yumi no mekim wanpela samting long stapim dispela trabel.

"Dispela kantri em i ples bilong ol meri tu na ol i ken raun long laik. Bilong wanem na plis i mas lukautim wokabaut bilong ol?"

"Nau yet, i nogat man o meri i save helpim narapela taim kain birua olsem i kamap. Olgeta manmeri i sanap na lukluk tasol long ol man husat i save bagarapim ol meri. Olsem wanem long bratasusa na



• Metropolitan Plis Supritenden Kupo...Mi tok sori long pasin em ol plisman i mekim bikos mipela inap kamap. Tasol mipela i sot liklik tu long ol ka na man bilong wok. Olsem na nau bai i gat plisman i stap long maket oltaim.

papamama bilong dispela ol meri. Ol i no laik bringim dispela ol man nogut i go long kot?"

"Mi laik gavman i mas wokim samting nau long stretim dispela hevi. Long wanem ol komyuniti nau i no sapatim ol yet long taim bilong hevi."

"Sapos yumi wokbung wantaim, yumi ken daunim ol man nogut husat i save wokim kain pasin olsem.

"Sapos wanpela man i bagarapim wanpela meri, orait katim bol bilong em na sapos em i stilim wanpela samting, katim han bilong em. Ol lotu i save tisim ol manmeri long dispela toktok tasol ol yet i no mekim wanpela gutpela samting long daunim hevi bilong lo na oda long kantri.

"Mi no tok baksait long ol lotu tasol mi pilim olsem ol i no strong long helpim wok bilong stretim lo na oda.

"Sapos wanpela man i bagarapim wanpela meri, gavman i mas

hangamapim em. "Gavman tu i mas sindaun na painim wanpela gutpela rot long stretim dispela hevi."

Mista Skate i tokaut tu olsem opis bilong em nau i wokim wanpela lo long tambuim ol manmeri long go raun nating long ol taun na kain kain hevi save kamap.

Em i tok aninit long dispela lo, olgeta manmeri bai karim ID kat o pas bilong helpim plis long luksave long ol manmeri. Na tu bilong stapim ol manmeri long kam nating long taun na slip nabaut long ol

i go moa long pes 12

## Pasin bilong brukim klos na holim skin daunim PNG: Kua

SEKETERI long Dipatmen bilong Lotu, Hom Afeas na Yut, Bill Kua i wokim strongpela tok i go long ol man husat i save brukim klos bilong ol meri na holim skin bilong ol nating long pablik ples.

Dispela tok kros bilong em i kamap bihainim tasol ol birua i wok long kamap long Mosbi we ol man i save brukim nating klos bilong ol meri o holim skin bilong ol nating long pablik ples.

Em i tok dispela pasin i soim olsem Papua Niugini i no wanpela gutpela sosaiti.

Em i tok em i sore long lukim olsem ol meri i wok long kisim taim nogut

long han bilong ol man na tu kain pasin i stopim ol meri long raun long laik bilong ol.

Mista Kua i askim ol pablik long helpim ol meri sapos ol i lukim olsem kain hevi i kamap long ai bilong ol.

Em i tok moa olsem olgeta manmeri i mas sanap helpim ol yet sapos ol i laikim fridom bilong muv raun.

Mista Kua i tok tu olsem dipatmen bilong em nau i sapatim tingting bilong wanwan grup husat i save pait strong long sait bilong ol meri.

Long wankain taim tu em i autim bel hevi bilong em long plis fos.

## Wes Sepik yut grup bihainim nesenel yut sevis

FELIX RAMRAM I raitim

OL YUT grup insait long Wes Sepik provins bai bihainim nau nupela progrem bilong Nesenel Yut Sevis.

Bipo ol i save bihainim Nesenel Yut Muvmen progrem.

Na ol i kamapim tu pinis wanpela nupela Provinsal Yut Edvaisori Komiti (PYAC).

Dispela komiti bai wokbung wantaim Nesenel Yut Edvaisori Komiti long lukautim wok bilong ol yut long provins.

Dispela i kamap long wanpela bung em ol kodineta bilong ol yut long 6-pela distrik bilong Wes Sepik i bin holim long Mas 24 i go inap long Mas 26 long Narimo Ailan Risot hotel.

Ol i bin makim tu Gerald Towun olsem nupela siaman bilong PYAC.

Insait long dispela bung, ol kodineta i lainim ol nupela samting em ol bai bihainim aninit long dispela senis.

Tupela wokman bilong Nesenel Yut opis long Mosbi tu i kamap long dispela bung. Na tupela i amamas long senis long wok bilong ol yut.

Long wanpela 5-yia plen em nesenel yut sevis opis long Vanimo i kamapim, dispela senis i min olsem ol yut grup nau bai wok klostu tru wantaim provinsal gavman.

Dispela bai helpim tru ol yut long wanem provinsal gavman bai was long wok bilong ol yut, kain hevi ol i gat long en o ol hevi ol i painim na ol yut tu i ken was gut long ol hevi em provinsal gavman i gat na ol i ken wok wantaim long stretim ol dispela hevi.

Nau yet, nesenel yut sevis i wetim tasol helpim mani bilong kam long nesenel gavman pastaim long ol i ken statim wok long ol.

Dispela pepa i tokaut tu long 9-pela skim o rot em Nesenel Yut Sevis Bot i kamapim long traim helpim ol yut.

Ol skim ya em; kamapim wanpela komiti bilong helpim ol yangpela long no ken bihainim bikhet pasin, kamap olsem ol volentia wokman bilong komyuniti, skul bilong sindaun isi.



• Ol lain husat i pinisim kos bilong wok aninit long nupela progrem bilong Nesenel Yut Sevis. Bipo ol i save kolim olsem nesenel yut muvmen. Tupela wokman bilong Mosbi i bin go na helpim long ranim dispela kos.

## Ripot tok moa PNG yut go painim wok long Indonesia

ARI HABA I raitim

PLANTI gret 8 na gret 10 dropout long ol skul long Vanimo i wok long go painim wok nau long narapela sait bilong boda long Indonesia.

Wanpela saveman bilong wok entropoloji o stadi bilong kastam na bilip bilong man, husat i stap nau long wanpela Katolik misin stesen long boda bilong PNG na Indonesia i tokaut long dispela.

Em i bin karim dispela wok painimaut taim em i raun long ol ples klostu long boda.

Dispela man i tok tu olsem insait long stadi bilong em, em i painim olsem planti yangpela man i lusim ples na brukim boda i go long hapsait bilong Indonesia long ol stesin olsem Kivirok, Ibrup, Waris, Arso na Jayapura long painim wok.

Em i painim olsem 6-pela yangpela man husat i bin dropout long Vanimo haikul long las yia i wok nau wantaim wanpela welpam kampani long Arso.

Tupela gret 10 sumatin bilong Sen. Ignatius haikul tu i wok nau olsem ol APO odeli long Waris.

Em i tok tu olsem long planti krismas i go pinis, ol man i wok long brukim boda i go i kam long wanem ol i gat graun tu long hapsait bilong boda.

Ol ples long boda olsem Dausendi, Kwek, Wanis na Swaida i sot nau long ol man. Long wanem planti bilong ol i go long narapela hap

bilang boda long painim wok. Ol lapun na wan wan bikman tasol i stap.

Dispela ol lapun na bikman i tokaut olsem ol yangpela i painim olsem gavman i no givim wanpela gutpela sevis bilong holim ol bek long ples olsem na ol i brukim boda na i go long hapsait long painim wok na amamas.

Planti long ol yangpela husat i lusim ples na brukim boda i painim wok na stap nau long hapsait bilong boda.

Dispela man i askim tu provinsal na nesenel gavman long lukluk i go insait long dispela hevi bipo long em i kamap bikpela.

Long las mun, plis long Vanimo i go kukim 6-pela haus long Kera 1 na 2 long Bewani.

Dispela hevi i kamap taim ol kiap i no amamas long ol pipel bilong dispela ples. Long wanem ol i save brukim boda na i go i kam long tupela kantri wantaim.


Plis long Vanimo i sasim pinis 6-pela famili long wanem ol i no kisim tok orait bilong go long Indonesia o kam bek long PNG.

Dispela ol lain i stap nau long Vanimo haus kalabus.

Tasol wanpela ripot i kam long dispela man i tok olsem plis i nogat gutpela as long kalabusim dispela lain famili.

Em i tok PNG i no gat lo we i ken kotim man long lusim kantri bilong em yet na i go long narapela kantri.

Em i tok tu olsem narapela kantri we ol man i go insait nating



# Kirap Wantaim Kakaruk! 50% Diskaunt!

Air Niugini igat gutpela, nupela ofa, em i "Early Bird" fe. Trevol long eni domestik rut long fes balus i lusim peles long ol moning na sevim haf prais long tiket bilong yu.

Yu ken kisim dispela spesel ofa long eni de bilong wik, yes, em stret ol seven deis.

Kondition bilong dispela ofa em yu mas stap 7 deis o moa tasol yu i noken abrusim 30 deis long ples yu go long en.

Yu mas baim tiket wan de bipo long de bai yu trevol.

Taim yu laik kam bek yu mas flai long fes Early Bird moning balus bilong dispela de.

Nupela Early Bird flaits bai edim moa kapasiti long Air Niugini sevis insait long PNG na givim moa spes long ol smat Early Bird flaia.

Na noken lus tingting, Nambawan, Wikenda, Hamamas na Grup Spesel fe is stap yet, yu ken kisim na flai wantaim Air Niugini.

Early Bird fe, taim bilong wokabaut nau!

Kamap wanpela Early Bird  
neks taim yu trevol na flai hap prais tasol,  
stat March 28.



## **Air Niugini**

Offer subject to Government approval. Conditions apply.

LUKIM AIR NIUGINI O NARAPELA PLES BILONG KISIM TIKET

# Namba tu NANGO bung toktok long wok fores

**GODFRIED NIAKA** i raitim

NESENEL Alaiens ov Non Gavman Oganaisesen (NANGO) bilong Papua Niugini bai holim namba tu nesanel jenerel miting (AGM) bilong en long Madang. Dispela AGM bai stat long Epril 30 na pinis long Me 3.

Ripot i kam long opis bilong NANGO i tok long nau yet ol i no kisim yet toksave i kam long ol fainensel na tu ol afiliet memba long husat bai makim ol long dispela AGM we bai kamap long Madang.

Opis bilong NANGO laikim olsem ol fainensel na afiliet memba i mas toksave hariap long ol. Long wanem dispela bai mekim isi long ol long stretim olgeta rot bilong ol long go

long dispela miting.

Wanpela opisa bilong NANGO i tokim Wantok Niuspepa olsem moa long 70 representativ bilong ol fainensel na afiliet memba bilong NANGO bai bung long dispela AGM.

Tupela bikpela samting we ol bai toktok long long dispela namba tu AGM long Madang em, (1) apruvim o tok orait long mama lo bilong NANGO na (2) nesanel forestri konsevesen.

Dispela opisa ya i tok ol bai toktok tu long traim na stapim gavman long tokorait na givim laisens long ol kampani bilong ol narapela kantri katim diwai timba long Papua Niugini. Narapela samting we ol bai toktok tu long dispela miting em ol traim na stapim o pinisim olpela Forestri Ekt bilong kantri.

# Peter Barter egensim NEC

i kam long pes 7

saspenim Oro, Sandaun na Is Nu Briten tasol i nogat wanpela tok klia i kam yet long nesanel gavman long wanem as ol i laik kamapim kain pasin olsem.

Mista Barter i bilip dispela saspensin i wok long kamap long wanem i gat jeles pasin o tingting nogut namel long ol provinsel na nesanel memba olsem na gavman i wok long yusim dispela as long

saspenim nating ol provinsel gavman.

Mista Barter tu i givim bikpela tok amamas bilong em i go long primia Andrew Ariako long gutpela pasin em i bihainim taim em i lusim sia bilong em na givim wok i go long han bilong nupela edministreta, Anton Yagama.

Long wankain taim tu em i tok tenkyu i go long David Mulul long bel isi pasin em i soim taim ol i senisim em bihain tasol long ol i makim em.

# Ol Simbu kirapim wok yut ben



• Ol lain memba bilong yut ben bilong Simbu provins i bilas gut tru long yunifom na solim liklik stall bilong ol long Kila Bareks long Mosbi taim ol i kisim setifiket bilong ol. Memba bilong ol na minista bilong CIS, John Kamp i sanap long ralthan tru. Long namel wantalm hap ain o diwai ya em ben lida bilong ol.

**VERONICA HATUTASI** i raitim

OL tokim 8-pela yangpela man bilong Kerowagi long Simbu provins olsem tumora i stap long han bilong ol. Na i gutpela bilong ol long go bek long ples na kirapim wok bilong yut ben bilong pulim ol yangpela bilong ol long hap.

Dispela em toktok bilong minista bilong Korektiv Institusen Sevises (CIS) na memba bilong Simbu, John Kamp taim em i givim greduesen pepa long ol dispela yangpela man long Kila Plis Bareks long Mosbi long las wik Trinde.

Ol dispela lain i bin tren inap long tupela mun bilong kisim save long pilaim ben na wokim musik long ol dram. Ol lain bilong Kila Yut Bareks yet i bin go pas long dispela kos. Wanpela mun ol i bin skul insait long klasrum na narapela mun ol i bin stap arasait na wokim trening.

Minista Kamp i tok tu osem as-tingting bilong dispela kain wok i gutpela bilong pulim ol yangpela bilong yumi husat i stap nating long painim gutpela sindaun long taim bihain.

Dispela tu em i namba wan taim bilong wanpela yut grup insait long Simbu provins na Hailans rijon long stap logn wanpela kain kos olsem.

# Tupela PNG kalabus yet long Indonesia na no gat helpim

**ARI HABA** i raitim

WANPELA grup o oganaisesen i save makim maus bilong ol

man husat i kisim bagarap long han bilong ol birua (Human Rights, Peace and Justice) opis long Jayapura i sutim strongpela tok i go pinis long PNG

gavman long i no helpim ol pipel bilong em.

Dispela toktok i kamap taim Foren Afeas opis long Mosbi i no pait strong long

rausim tupela man bilong Vanimo husat i stap kalabus long Abepura long, Indonesia.

Dispela oganaisesen nau i karim hevi bilong dispela tupela man na i

tok olsem bai ol i salim wanpela strongpela pas i go long gavman bilong PNG long i no helpim ol pipel bilong em taim ol i painim hevi long narapela kantri.

Long sampela wik i

go pinis *Wantok Niuspepa* i kisim wanpela ripot i kam long Vanimo olsem gavman bilong Indonesia i rausim pinis tupela man em ol i kalabusim ol bihain long tupela i brukim boda na i go insait long

Indonesia.

Tasol narapela ripot i kam gen i tok olsem dispela tupela man i stap yet long kalabus na i wetim gavman bilong PNG long helpim ol.

# Australia putim binatang bilong kilim ol gras nogut long tais

**ELLIOT RAPHAEL** i raitim

TUPELA oganaisesen insait long wol i painim pinis wanpela kain binatang we i ken kilim o pinisim wanpela kain gras nogut em ol i kolim long "Water Hyacinth."

Long Fonde, Epril 1, sampela saveman bilong Australien Intenesenel Developmen Eit Buru (AIDAB), Komonwel Saintefik na Industri Oganaisesen (CSIRO) na Dipatment bilong Egrikalsa na Laipstok (DAL) i bin kamapim wanpela progrem bilong pinisim dispela gras nogut.


Minista bilong Egrikalsa na Laipstok, Roy Evara i bin tromoi 500 binatang i go insait long Waigani Swam long dispela taim tu.

Planti man i save mangalim plaua bilong dispela gras nogut tasol em i save bagarapim stret o kilim ol gutpela abus bilong ol raun wara o tais na tu ol gutpela plaua we i save kamap aninit na antap long wara.

Namba wan taim tru dispela gras nogut i kamap long kantri em long 1960 na long dispela taim ol man i mangalim plaua bilong em na ol i stat long kisim na planim nambaut long ol liklik raun wara bilong ol.

Tasol dispela gras nogut i gro bikpela tru na i bagrapim stret ol abus bilong wara.

Long wara Sepik, wara Vanapa na Waigani Swamp yu ken lukim dispela gras nogut.



Lukluk bilong em i wankain liklik olsem "Water Lily" tasol lip bilong em i strong liklik na kala bilong plaua bilong i pepol.

Orait long 1991, AIDAB, CSIRO na DAL i kirapim wanpela wok painim aut long wara Bavine long Wau.

Ol i tromoi wanpela kain binatang bilong kaikaim dispela gras nogut na dispela wok painim aut i bin kamap gut tru.

Ol binatang ya i wok long pinisim isi isi dispela gras nogut.

Olsem na long dispela krismas, dispela tripela oganaisesen i kisim narapela binatang gen ol i kolim long *Neochetina Bruci* i kam long Saut Amerika na nau ol i putim i go insait long Waigani Swamp.

Insait long narapela tripela krismas, ol dispela binatang bai wok long kaikaim dispela gras nogut i go inap long ol i pinis.

# Sampela tingting long hevi bilong ol meri tude

i kam long pes 10

setelmen.

Mista Skate i tok tu olsem em bai putim dispela bil i go long Palamen bilong oraitim taim ol i sindaun gen long namba 27 de bilong dispela mun.

Long wankain taim tu, em i sutim strongpela toktok long ol televisen, redio na niuspepa long ripot tumas long ol stori bilong kain kain hevi.

Em i tok ol niusman i mas skulim ol pipel tu long stap olsem ol gutpela sitisen bilong kantri. Na maski long ripot oltaim long ol stori nogut bilong bagarapim ol meri, stilim samting na kilim nating ol manmeri.

**Toktok i kam long meri husat ol man i brukim ol klos na holim nabaut bodi bilong em:**

"Mi na prenmeri bilong mi i bin putim ol gutpela samting bilong wok long moning. Orait, taim wok i pinis long apinun, mitupela i kam long Godens maket long baim kumu.

Sampela man i

bihainim mipela i kam na bamim nating prenmeri bilong mi. Taim mi askim long wanem rong mi wokim, samting olsem 15 man i kam na brukim olgeta klos bilong mipela. Liklik hap klos tasol i pasim skin bilong mipela na ol i tok olsem: "No ken putim kain kain klos na kam long maket."

Tripela man i bin kam helpim mipela. Tasol long dispela taim, mipela i hap as nating pinis. Tupela man i kam kisim mipela i go insait long stua na haitim mipela. Narapela i ron i go long plis stesin na ripot long plis tasol ol plis i rausim ol i kam bek na tokim ol olsem, ol i gat planti samting bilong wokim na ol i no inap helpim mipela. Mi na pren bilong mi i no tok nogut long ol man tasol mipela i kisim sem nating."

**Metropolitnen plis suprintenden- JOSEPH KUPO:**

"Mi tok sori long pasin

em ol plisman bilong mi i mekim. I tru olsem mipela i gat planti bikpela hevi olsem ol ripot bilong man i dai long han bilong ol birua o man i wokim pasin nogut long ol meri tasol mipela i rong long wanem mipela inap long kam lukim dispela hevi.

"Mipela i sot long karna man bilong wok tu. Tenpela yia i go pinis, mipela i bin gat dispela hevi na i stap yet.

"Nau bai mipela putim ol plisman long dua bilong maket inap long 6 minit i abrusim 4 klok long apinun taim maket i pas."

**Trenspot minista na memba bilong Mosbi Saut-ALBERT KARO:**

"Em i wok bilong papamama long skulim ol pikinini long gutpela pasin na sindaun.

"NCDC i kamapim pinis sampela progrem bilong klinim Mosbi taun. Ol i putim pinis K1 milien long dispela progrem. Tasol NCDC i no save givim kontrak i go long ol yut grup. Em i save givim kontrak i go long ol meri

na pikinini tasol."

**NCDC yut lida-TIMOTHY RAULA:**

"Ol yut i nogat gutpela opis na i no gat gutpela helpim i kam long gavman long helpim ol yet. Ol dispela lo na oda hevi i ken go daun sapos plis i wokbung wantaim ol yut. Bilong wanem na plis dipatmen i givim wok olsem risev plis long ol man i wok pinis taim i gat planti ol man i no gat wok i stap nating? Ol wokman i wok long dabolim pe bilong ol na ol yut i stap nating."

**Slameri bilong PNG Kaunsil bilong ol Sios-ROSE MUIUNGNEPE:**

"Olgeta sios, kain kain praiwet oganaisesen na gavman i no wokbung wantaim long ranim kantri. Na tu ol i no bung wantaim long stretim hevi bilong kantri. Planti lida i save toktok long wokbung tasol ol i popaia long kamapim kaikai long toktok bilong ol yet, olsem na toktok bilong ol i no save gat mining long en."

Helen gat bilip long wok bilong PNGUYA



• Helen Pake... gupela long moa yangpela joinim PNGUYA.

GODFRIED NIAKA i raitim

LONG 1991, tupela man husat i stap long Mosbi i bin kirapim wanpela kain asosiesen ol i kolim olsem Papua Niugini Anemploit Yut Asosiesen (PNGUYA).

Dispela tupela man em Clement Tapaka Neka na Philip Rhambu.

Mista Rhambu nau em presiden bilong PNGUYA na Clement em sinia vais presiden.

Tupela i bin statim dispela asosiesen bilong traim helpim ol yangpela manmeri husat i no gat wok na i save raun nating long taun.

Stat long 1991 taim Mista Neka na Mista Rhambu i statim PNGUYA, planti yangpela manmeri husat i stap long Mosbi na i no gat wok i go na joinim ol. Wanpela bilong ol em Helen Pake. Helen i gat 19 krismas na i bilong lalibu long Sauten Hailans provins.

Long 1981 i kam inap long 1986, Helen i bin stap skul long Kireni komyuniti skul long lalibu. Orait long 1987, em i skul long Mendi haikul i kam inap long 1990. Na taim em i pinisim gret 10, em i go long Mosbi na i no stap long las greduesen bung.

Long Mosbi, em i stap wantaim wanpela kandre bilong em na i no wok. Em i wokim tasol ol korespondens kos long apim gret 10 mak bilong em i go antap bilong traim painim wok.

"Taim mi pinisim ol korespondens kos bilong mi long namel bilong 1991, mi harim olsem i gat wanpela grup ol i kolim long Papua Niugini Anemploit Yut Asosiesen long Redio Kalang long *Talk Back* i go moa long pes 17

# Asosiesen bilong ol man no gat wok painim wok

...Remington luksave long hevi na givim helpim

GODFRIED NIAKA i raitim

PLANTI praivet kampani na bisnis nau i helpim ol wok yut insait long kantri. Na dispela i mekim ol lain long Dipatmen bilong Relisen, Hom Afeas na Yut i amamas tru.

Bikos nau, planti yut grup long kantri i save sindaun tasol na wetim gavman long givim ol mani bilong mekim ol wok.


Tasol i gat wanpela grup husat i no laik sindaun tasol na wetim gavman long givim ol helpim. Dispela em ol lain bilong Papua Niugini Anemploit Yut Asosiesen (PNGUYA). Ol eksekutiv bilong dispela asosiesen yet i go het long painim ol rot bilong helpim ol memba bilong en. Na wanpela bilong ol em

long painim ol wok kontrak.

Milton McMahon long Dipatmen bilong Relisen, Hom Afeas na Yut i bin tokaut long dispela long las wik Fonde taim Remington kampani bilong Mosbi i givim 150 "T" siot i go long PNGUYA.

Mista McMahon i tok dispela i soim klia olsem i gat sampela praivet bisnis na kampani insait long kantri husat i laik helpim ol yangpela husat i no gat wok. Bikos ol i save olsem ol yangpela i save bikhet na kain ol helpim olsem i ken stapim ol yut long bikhet nabaut.

Nesenel presiden bilong PNGUYA, Philip Rhambu i tok em i amamas tru long dis-



• Ol lain bilong PNGUYA wantaim Milton McMahon (namba tri long lephan) bilong Dipatmen bilong Relisen, Hom Afeas na Yut na John Taylor bilong Remington kampani long Mosbi bihain tasol long kampani i givim ol 150 "T" siot. Presiden bilong PNGUYA, Philip Rhambu i sanap namba tu long raitan. Namba tu bilong em i sanap klostu tasol long em.

pela helpim bilong Remington. Bikos em i soim olsem kampani i gat laik long wok bilong PNGUYA long go het.

Em i tok dispela em i namba tu taim bilong Remington long helpim

PNGUYA. Bipo Remington i bin givim ol 150 "T" siot pinis.

PNGUYA i gat ol opis long olgeta 4-pela rijon bilong Papua Niugini. Ol i stap long Mosbi, Lae, Rabaul na Hagen.

Nau PNGUYA i gat samting olsem 10 tausen memba. Asosiesen i no bilong ol yangpela tasol. Em i bilong ol lapun tu. Fi bilong kamap memba em K150.

## Hevi bilong Godens maket kamap long musik muvi

HEVI bilong ol man i bagarapim tupela meri husat i putim trausis na raun long Godens maket long Mosbi tupela wik i go pinis i no kamap nating. I gat as bilong ol man long mekim olsem.

Wanpela meri bilong mekim ol wok painimaut long Nesenel Rises Institut (NRI), Jenny Lithau i tok ol man i bin mekim olsem bihain long ol i lukim musik muvi bilong Nokondi Nama long EM TV

long singsing *As I Go, As I Kam*.

Long dispela muvi, wanpela man i wok long raun na holim nabaut ol meri husat i putim ol tait sket na trausis na danis.

Lithau i tok muvi ya i mas mekim ol man i tingting nogut na mekim nabaut long dispela tupela meri long Godens maket.

Em i tok dispela kain hevi i

kamap long ol meri husat i putim trausis i mas kamap bikos long televisen. Long wanem, planti man long Papua Niugini i no gat gupela save na tu i no gat wok. "Ol kain singsing olsem *As I Go, As I Kam* i mas go long sensasip bod bilong sekim pastaim long em i ken kamap long televisen," Lithau i tok.

Em i tok husat ol meri i no tingting gut na raun inap painim birua long han bilong

ol man nogut.

Metropolitan Suprintenten Joseph Kupo i tok ol plisman i no gat ripot long ol dispela hevi. Bikos ol meri husat i bungim dispela hevi i no go na komplem long ol plisman.

Em i tok i tru olsem ol plisman long Godens i givim em ripot bilong ol dispela hevi, tasol ol wok painimaut i no inap kamap inap ol meri husat i kisim bagarap yet i go na givim ripot.

**MR BOSMAN BILONG STOA**

I gat **FRI** hubba bubba Tee Shirt bilong yu!

**taim yu baim 5 PELA BOKIS long wanpela long dispela prodak long COLLINS & LEAHY o BROMLEY & MANTON Long Lae o Hailan brans Long April 19th-May 28th tasol! (6 pela T-Shirts long wanpela balk)**

# No gat wanpela man em as bilong musik

Dia Edita,

Mi laik bekim pas bilong Yas Pandakavas i bin kamap long *Wantok Niuspepa*.

Long pas bilong em, Yas i bin tok olsem musik i bin kamap pastaim long ol Tolai.

Olsem wanpela sapota bilong ol Sepik, mi laik tok olsem wanem samting Yas i toktok long pas bilong em i no tru. Long wanem olgeta manmeri long Papua Niugini i gat save long kamapim musik. Na tu no gat wanpela man o meri long Papua Niugini i bin statim musik.

Pasin bilong mekim musik yumi mas save i

stap long olgeta hap long kantri bilong yumi. Na tu long ol narapela kantri insait long wol. Na long histori bilong musik long kantri bilong yumi Papua Niugini, yumi ken painim olsem wan wan ples o provins i gat stail bilong musik bilong ol. Histori bilong musik i ken tokaut tu olsem musik i bin stat long ol Tolai na bihain i go aut long ol narapela manmeri long ol narapela provins long kantri bilong yumi.

Mi ken tok olsem planti musik manmeri bilong Tolai i save wokim ol singsing we i toktok long ol meri tasol. Na taim ol i

singsing, wanpela man o meri i ken harim na tok dispela singsing ya i bilong ol Tolai. Tasol sapos wanpela man o meri i harim ol singsing bilong ol musik manmeri bilong Sepik, ol bai i no inap long save hariap na tok dispela singsing ya i bilong ol Sepik. Long wanem sampela ol Sepik i save singsing olsem ol waitman yu ya. Wanpela gutpela eksampel em Max Manimbi.

Wanpela narapela samting we i trupela i olsem ol musik manmeri bilong Sepik na ol narapela provins i no save singsing tumas long ol meri. Ol Tolai

yes. Olgeta taim ol i save singsing long ol meri tasol.

Olsem na mi laik tok olsem gutpela brata

bilong mi Yas i no ken toktok nating. Em i mas tingting gut pastaim na bihain toktok. Long wanem musik i no bin stat long ol Tolai na

bihain go aut long ol narapela provins long kantri bilong yumi. Musik i bin stat long olgeta hap long kantri na maski long kusa

nating na tok olsem yupela ol Tolai i statim musik.

Lewis Seims, KIMBE.



## Aitape olsem wanpela misin stesin stret Luteran na Katolik save wok

Dia Edita,

Mi laik autim wari bilong mi long ol nesanel na provinsal memba bilong Wes Sepik na ol arapela nesanel lida.

Taim mi liklik manki, mi save harim ol bikman bilong ples i tok Aitape em wanpela namba wan taun long Papua Niugini wankain olsem Rabaul, Kavieng, Wau, Bulolo na ol arapela taun em i bin kamap taim ol waitman i kam long kantri.

Tasol nau mi lukim olsem taun bilong Aitape i no kamap. Mi no save amamas taim ol man i kolim Aitape taun bikos em i no luk olsem taun. Taun bilong Aitape i olsem wanpela misin stesin.

Mi askim ol lida bilong Wes Sepik long toktok

strong na kamapim liklik taun bilong Aitape. Askim bilong mi go tu long Praim Minista na ol arapela lida bilong nesanel gavman long sapatim ol lida bilong Wes Sepik.

Bikos nem bilong Aitape i bikpela tru long taim bilong Wol Woa 2. Na long planti buk bai yu lukim nem bilong Aitape i stap olsem wanpela taun.

Gavman i mas lukluk gen na developim Aitape taun na wokim em i luk olsem wanpela taun. Nau yet Aitape i stap olsem wanpela misin stesin. Nem tasol i wokim na ol man i ting Aitape em i wanpela taun long Wes Sepik.

Michael. S. Bulek, AITAPE.

Dia Edita,

Mi laik bekim pas bilong Momis Karede. Pas bilong em i bin kamap long *Wantok Niuspepa* long Oktoba 8, 1992.

Momis i tok ol pasto bilong Lutren Sios na ol pater bilong Katolik i no save autim stret Toktok bilong God long Baibel. Olsem na planti pipel i lusim lotu bilong ol na go joinim ol arapela lotu.

Tasol long lukluk bilong mi, ol ara-

pela lotu i save laik daunim ol narapela lotu. Ol i save grisim ol pipel long mani na ol seken han klos. Mi lukim dispela pasin na mi no amamas.

No ken sutim tok long ol pasto na pater olsem ol i no wok gut. Dispela ol lain i save mekim wok bilong ol long autim Tok bilong God. Tasol ol pipel yet i save lusim ol na go joinim ol arapela lotu.

Peter Kalme, HAGEN.

Ol poling opisa paulim las ileksen

Dia Edita,

Mi laik sapatim pas bilong brata Robert Sekere.

Robert i tok em i no amamas long pasin ol i wokim long taim bilong 1992 nesanel ileksen. Sampela poling opisa i bin brukim mama lo bilong llektrol Komisen long taim bilong ileksen.

Mipela long Wes Sepik i bin bungim kain hevi tu. Long sampela hap bilong provins, ol poling opisa i larim ol lain i no gat nem long buk long vot. Na ol i larim tu ol mangki tu long vot.

Dispela i no gutpela tumas, bikos ol poling opisa i no bihainim lo bilong llektrol Komisen.

Raymond Tutu, VANIMO.

## No gat tambu long stail bilas

Dia Edita, Mi laik bekim pas bilong Donatus Masit. Pas bilong em i bin kamap long *Wantok Niuspepa* long Septemba 17, 1992.

Donatus i komplem long ol meri save wok long Steven Tong na Jim Tong. Em i tok ol wokmeri long hap i save so op na putim kain kain bilas long skin bilong ol.

Brata mi ken tokim yu olsem yu wanpela man bilong jeles long ol meri. Papua Niugini i bin kisim independens longtaim na pasin bilong bilas i senis pinis. Yumi no stap moa long pasin tumbuna na bai yumi putim bilas bilong ol tumbuna.

Yu mas save olsem no gat wanpela lo bilong kantri i stapim ol man long putim bilas o mekap long skin bilong ol.

Mi askim yu long stap isi na maski long bagarapim ol arapela man na meri long niuspepa.

Joe H.K., KIMBE.

## Ol plisman long Maprik pulap long jeles

Dia Edita,

Mi laik autim bel hevi bilong mi long ol plisman bilong Maprik long Is Sepik provins.

Bel hevi bilong mi em olsem mi no amamas long pasin bilong ol long jeles nating long ol yangpela manki. Taim ol i lukim wanpela yangpela manki i dresap gut na raun, ol bai kirap na askim em kain kain kwesten.

Em nau ol bai rausim siot, trausis na su bilong em. Sampela taim sapos dispela manki husat ol i askim i

werim hanwas, ol bai rausim tu dispela long han bilong em.

Mi no mekim dispela toktok long laik bilong mi yet. Nogat. Ol i bin mekim dispela pasin long mi olsem na mi save na mi toktok. Na tu long ai bilong mi yet,

mi lukim ol i mekim long sampela narapela yangpela manki.

Ating ol plisman long Maprik i no save mekim wok bilong ol olsem ol plisman. Ol i tingim olsem bikos ol i plisman, ol i gat olgeta rait long holim ol yang-

pela manki na askim ol. Ol plisman ya i mas save olsem dispela kain pasin i save kirapim tingting bilong ol yangpela manki long wokim ol bikhet pasin.

Richard Aun, Wosera, WEWAK

## No gat senis kamap bihain long ol saspensen

Dia Edita,

Mi save wok wantaim Nu Briten Welpam Developmen Limited (NBPOD) long Kimbe. Mi gat liklik bel hevi na mi laik autim long *Wantok Niuspepa* na olgeta manmeri long Papua Niugini i ken

lukim.

Long bipo yet i kam inap nau, ol provinsal gavman long wan wan provins i no save mekim gut wok bilong ol. Na planti taim nesanel gavman i save saspensim ol long paulim o yusim pablik

mani kranki. Tasol no gat tru senis i save kamap long ol provinsal gavman. Mekim na ol manmeri long ples i save komplem na tok ol i no save kisim ol sevis bilong gavman.

Olsem na mi sapatim tingting bilong gavman bilong

Praim Minista Paias Wingti long rausim o pinisim sistem bilong provinsal gavman long kantri.

Cornelius Tondopan, KIMBE.

## Nupela memba bilong Kerowagi em top man stret

Dia Edita,

Mi rait long bekim pas bilong Bruce Siwi em i bin kamap long *Wantok Niuspepa* long 18 Mas.

Bruce, mi laik tokim yu stret olsem toktok bilong yu i rabis. Mi bai egensim yu sapos yu tok John Kamb, memba bilong Kerowagi i no mekim wok bilong em long stretim ol hevi bilong Kerowagi.

Yu ken wokim kain komplem olsem long olpela memba bilong yu, Jim Yer Waim taim em i stap long gavman.

Yu stap we na nau yu kam komplem?

Kerowagi distrik i no bin senis bipo yet. Ol olpela mamba bilong yu i les lain stret. Ol i stap faipela krismas nating na ol i no wokim wanpela samting long ol pipel bilong Kerowagi.

Ol i go hait pinis aninit long han bilong ol K2 meri na sotpela nek (bia).

Mista Kamb i go insait long gavman nau tasol. Em i no winim wanpela krismas yet tasol sapos yu inap opim tupela ai bilong yu, bai yu ken luksave

olsem em i kamapim sampela nupela samting pinis.

Namba wan wok em i kamapim em long taim em i sponsaim independens de selebresen long las ya.

Mi ken tokim yu stret olsem dispela independens de i bin winim ol narapela independens selebresen we i save kamap long Kerowagi na Simbu provins.

Mista Kamb i wokim olsem long wanem em i laik bai yumi ol pipel bilong Kerowagi na kantri tu i amamas olsem yumi sanap olsem wanpela independen nesen.

Na tu em i laik bai yumi mas holimpas ol pasin tumbuna bilong yumi.

Narapela samting tu em olsem, Mista Kamb i laik bai yumi ol pipel bilong Kerowagi i stap olsem ol wanpipel.

Ol memba bilong yumi long bipo i no save mekim kain pasin olsem, na ating yu no luksave long dispela.

Mi bilip ol pipel bilong Kerowagi i bin amamas

long pasin em Mista Kamb i mekim long dispela independens de.

Namba tu samting Mista Kamb i wokim em long nupela maket.

Dispela maket bai winim ol narapela maket long Simbu. Long wanem em bai gat draipela frisa bilong putim ol kain kain kumu we ol pipel i ken salim tu i go long ol narapela provins.

Wanpela bikpela samting tu em dispela maket bai gat haus na ples bilong putim ol kaikai. Na dispela em i wanpela draipela developmen stret.

Orait namba tri wok em i kamapim em long taim em i givim K10,000 i go long opim gen Kerowagi haus sik.

Taim dispela haus sik i pas, no gat man i tingting long helpim ol sikman na planti i save kisim taim long painim rot i go long Kundiawa.

Mista Bruce, mi ken tokim yu stret olsem yu mas amamas.

Goerge Kuno Danga, Asples Kerowagi.



## No gat tambu long marit long narapela lotu

# Mekim woa long ol B.R.A.

**Dia Edita,**  
Mi mas tok klia olsem mi no amamas long wanpela pas em Yikurri Yamas i raitim i go long *Wantok Niuspepa* long Desemba 3, 1992.

Insait long dispela pas em i tok 'maski marit long narapela lotu.'

Namba wan samting mi laik tokim Yamas i olsem. I no gat wanpela Baibel ves i tok long no ken maritim meri o man bilong narapela lotu.

Namba tu samting em sapos yu laik marit, orait, yu mas lukluk gut long pasin na wokabaut bilong man na meri pastaim long yu maritim em.

Na namba tri samting we i bikpela tru em long askim Papa God long painim gutpela man or meri bilong yu.

Yumi wan wan i bilong ol kain kain Kristen lotu. Na sapos yu gat laik long wanpela yangpela meri insait long lotu bilong yu o narapela lotu, em i no gat tambu.

Sapos yu raun nabaut na painim kain kain K2 meri na bihain yu painim hevi, yu no ken sutim tok long lotu.

Lotu i stap long karim hevi na helpim ol marit na i no bilong brukim marit.

God papa i ken blesim yu.

**Benny Jerry,  
Ramu Suga Fektri,  
Gusap, Lae.**

**Dia Edita,**  
Mi no wanpela politisen o loya, tasol mi laik askim ol bikman bilong yumi long Gavman olsem lo bilong kantri i tok wanem? I orait long wanpela man o meri bilong kirapim ami o plis bilong em yet o i tambu. Sapos lo i tok em i orait, mi laik kirapim wanpela ami bilong mi yet long kantri na mi askim.

Sapos lo i tambu, orait, bilong wanem na Francis Ona i kirapim ami bilong em long Bogenvil na kolim em yet long Bogenvil Revolusineri Ami?

Yumi mas kolim lain bilong Francis Ona olsem ol raskol. Sapos ol i egensim gavman long wanpela samting, orait, inap long ol bai traim long stretim tok-tok wantaim gavman.

Long stat bilong ol hevi long Bogenvil i kam inap nau, Gavman bilong Rabbie Namaliu na nau Paia Wingti i westim bikpela mani tru long traim stretim dispela hevi, tasol lain bilong Francis Ona i no wanbel wantaim gavman long dispela.

Mi ting olsem olgeta gutpela rot gavman i traim pinis. Tasol wanpela sot kat rot i stap na ol bikman i surik olsem kindam i stap. Mi laik harim long neks siting bilong Palamen wanpela memba i mas sanap strong na muvim mosen bilong mekim woa long ol B.R.A. o ol raskol lain bilong Francis Ona.

Olgeta lain bilong gavman na oposisen i mas sapatim dispela mosen. Dispela em i sotkat rot. Sapos



yupela pret long ol lain bilong Humen Raits, orait, mi laik tokim yupela olsem long ol narapela kantri, ol ami bilong gavman i save pait wantaim ol rebel o ol narapela grup i laik egensim gavman. Ol i no save wari long Humen Raits. Wanpela gutpela eksampel em

ol ami bilong Indonesia, husat i wok long pait wantaim ol O.P.M. bilong Irian Jaya na planti ol Irian Jaya pipel i dai pinis.

Ol Humen Raits Oganaisesen i mekim wanem samting long dispela? Mi laik tokim yupela stret olsem sapos lambakey Okuk i

no dai yet, bai em i tokaut long woa pinis long ol lain bilong Francis Ona.

Em tasol. Mi laik bai ol bikman i lukim dispela pas bilong mi na sotkat tasol long pinisim dispela hevi long Bogenvil.

**Caspar Nelson,  
KIMBE.**

## Ol Kawum na Salum mas bagarapim sindaun

**Dia Edita,**  
Mi bilong Sialum long Morobe provins tasol nau mi stap long Ramu, na mi laik bekim pas bilong brata 'Miks Blut'.

Dispela pas i bin kamap long *Wantok Niuspepa* long mun Septemba, 1992.

Em i bin tok ol Sialum na Kabwum i save pulap tru long Lae na kirapim ol kain kain setelmen.

Em i tok tu olsem ol i save kamapim raskol pasin na bagarapim taun.

Mi mas tok strong i go long 'Miks Blut' olsem mipela ol Kabwum na Sialum i no kain lain olsem yu tok long en.

Ol lain husat i save wokim kain pasin olsem em ol arere Sialum na Kabwum.

Sapos yu tok long posin o pait, orait yes. Mipela

i save wokim kain pasin olsem.

Nem bilong yu em 'Miks Blut' olsem na mi mas tok klia olsem em yu yet. Yupela ol 'miks blut' tasol i save kamapim pasin raskol long Lae siti.

Bihain yupela sutim tok long ol tru tru Sialum na Kabwum. Tasol mi tokim yu stret olsem yu no inap long daunim gutpela nem bilong ol Sialum na Kabwum.

Harim, yu wanpela driman'stret. Traim na yu sim het na tingting bilong yu. Na no ken bagarapim nating nem bilong ol narapela lain.

**Benny Jerry  
Gusap, Lae.**

## Bilas stret long onaim Bikpela

**Dia Edita,**  
Mi yet wanpela sios memba bilong Asembli ov God (AOG) hia long Bialla na wanpela taim mi bin go raun long Tamba.

Long Sande mi go lotu na mi lukim ol wan sios meri bilong mi i putim kain kain pen long bodi bilong ol na kam lotu.

Dispela ol pen em pinga polis, yau ring na hap sela.

Long lukluk bilong mi, dispela i no stret tumas long wanem lotu polisi bilong AOG i tambu long kain ol bilas olsem.

Sapos yumi laik kamap Kristen, orait, i gutpela yumi soim gutpela pasin. Dispela i min olsem kain klos yumi putim i mas luk gutpela long ai.

**J. Sinema,  
Kimbe.**

## Meri Sepik no ken seksek long grin siot

**Dia Edita,**  
Mi wanpela manki Hailans tasol nau mi stap long Moem Bareks long Wewak. Mi save lukim olsem sapos wanpela soldia boi i go na slip wantaim wanpela yangpela meri Sepik, meri ya bai kirap na strong tru long maritim em. Na tu meri ya bai tok olsem soldia boi ya i man bilong em.

Mi ting olsem dispela pasin i no gutpela. Long wanem, dispela soldia i gat meri i stap long ples bilong em o long narapela hap bilong maritim. Olsem na em i giaman tasol long slip wantaim ol yangpela meri na lusim ol.

**Manki Antap,  
WEWAK.**

## No gat hailans save sevisim Wewak

**Dia Edita,**  
Mi laik bekim pas bilong Nelson K. Ega i bin kamap long *Wantok Niuspepa* long Desemba 24.

Em i bin tok olsem ol Hailans i save bringim sevis i go long Wewak.

Olsem na mi laik askim Nelson long wanem kain sevis tru ol Hailans i save bringim i go long Wewak. Mi bai amamas sapos em i ken rait i go long *Wantok Niuspepa* na tokaut long ol sevis em ol wantok bilong em i save bringim i go long Wewak. Long wanem mi yet mi no save long ol sevis we ol Hailans i save bringim

**Lewis Seims,  
KIMBE.**

## No ken tok pait long Tok bilong God

**Dia Edita,**  
Mi wanpela manki S.D.A na mi laik stretim tingting bilong ol sampela brata husat i save tok pait long Gut nius bilong God Papa.

Long lukluk bilong mi, em i no gutpela tumas. Bikos Tok bilong Got em i tambu tru long autim nating. Dispela kain em yumi egensim Papa long heven. Baibel i tok yumi no ken skelim pasin bilong narapela brata o sista. Em i tok tu sapos yu skelim pasin bilong narapela, God bai skelim pasin bilong yumi tu. Sapos yu laik save gut long Baibel, lukim long Matyu 7:1-15.

Na tu planti bilong yumi i save tanim Baibel na mekim Sande i kamap de bilong Lotu. Baibel i no tok Sande em i de bilong lotu. No gat na no gat tru.

Yumi ol man bilong graun yet i mekim Sande i kamap de bilong lotu na yumi paulim ol pipel bilong God. Lukim na sekim long ol toktok bilong Baibel. Mak 2:27, Luk 23:54-56, Mak 15:42-43, em i tok wanem. Mi ken tokim yupela tu long Olpela Testamen. Tasol sapos yupela i gat, plis lukim long Eksodes 20: 8-11, na ritim tu long Jenesis 2:2-3.

Na tu yu laik save gut, ritim olgeta Genesis. Em bai tok Sabat em i de tru bilong lotu. Sapos Sande em i de tru bilong lotu, plis yupela inap tokim mi ol toktok long Baibel we i tok olsem.

**Goya Hull,  
Goroka, E.H.P.**

## Lae pulap long ol gutpela lain

**Dia Edita,**  
Mi laik bekim pas bilong "Miks Blut", pas bilong em i bin kamap long Septemba 1, 1992.

Em i komplem long ol lain i stap long ol setelmen long Lae. Na em i askim ol dispela lain long go bek long asples bilong ol.

Mi amamas long olge-

ta toktok bilong yu. Tasol mi no amamas long ol las toktok i stap long niuspepa. Yu tok, no ken raun nating na mekim raskol pasin.

Mi askim yu long stap isi na skelim ol samting pastaim long yu raitim long pepa. Mi ken tokim yu olsem yu no save long wanpela samting olsem na yu

wok long sutim tok i go long ol man i stap long Lae.

Sapos yu lukluk gut, bai yu lukim olsem Lae i gat planti gutpela lain i stap. I gat liklik lain tasol i save go na bikhet nabaut long taun.

**Jerry W. Karo,  
KIUNGA.**

## Tingting gut na wokim ol pani stori

**Dia Edita,**  
Long *Wantok Niuspepa* bilong Septemba 1, 1992, long seksen bilong Toro i bin gat wanpela stori bilong Toro na poro bilong em i go spak taim Pop Jon Pol i kam long Papua Niugini.

Wanpela samting long dispela stori we mi yet i no amamas taim mi lukim i olsem yupela i bin tok olsem Pop i yusim nem bilong Santu Maria long blesim ol pipel bihain tasol long misa o lotu.

Mi save olsem seksen bilong Toro i no ol trupela stori. Tasol yupela mas save olsem kain pasin bilong yusim nem bilong God o nem bilong ol kain kain sios long tok pilai i no gutpela.

Mi ken tok olsem no gat wanpela pater, bisop o

pop i bin yusim nem bilong Santu Maria long blesim ol pipel bihain long misa. Dispela em i wanpela draipela kusai tru yupela i mekim.


Yupela mas save olsem kain samting olsem i ken mekim ol pipel i ting olsem Katolik Sios i save adorim Santu Maria olsem God. Olsem na plis traim na tingting gut pastaim long yupela i raitim ol kain samting olsem.

Sapos yu husat brata o susa i laik sapatim o egensim pas bilong mi, orait, rait tasol i go long *Wantok Niuspepa*. Mi bai amamas tasol long ritim.

**Augustine N. Dam Okm,  
Kairiru Allan, WEWAK.**

# HONDA® WATER PUMPS

**HONDA®**  
**POWER PRODUCTS**



**Toba Motors are Honda's PNG Distributors for water pumps. They have the most diversified range available.**

- 2" Honda WB 20X 4 Stroke Engine Pumps 600 litres per minute.
- 3" Honda WB 30X 4 Stroke Engine Pumps 1100 litres per minute.
- 3" Honda WT 30X Trash Pump 4 Stroke Engine Pumps 1300 litres per minute.
- 4" Honda WT 40X Trash Pump 4 Stroke Engine Pumps 2300 litres per minute.
- 4" Honda WT 40X Diesel Trash Pump Pumps 1600 litres per minute.

*Kam na lukim mipela fete*



**TOBA**  
MOTORS

PORT MORESBY 21 7874  
LAE 42 2611  
RABAU 92 1866

Agents: ALOTAU 61 1246 KIMBE 93 5035 Mt HAGEN 52 1855 WEWAK 86 2784

## Japan kisim gen 4-pela PNG sumatin long skul

**GODFRIED NIAKA I raitim**

GAVMAN bilong Japan i givim pinis tupela kain skolasip i go long 4-pela sumatin bilong Papua Niugini long go na skul long hap.

Embeseda bilong Japan long Papua Niugini, Tadashi Masui i bin givim tiket bilong balus na bin nara-pela pepa bilong go skul long dispela 4-pela sumatin long Mande, 5 Epril.

Wanpela em skolasip bilong andagreduet kos inap long 5-pela yia na narapela em long rises kos bilong tupela yia.

Nem bilong ol 4-pela sumatin husat i kisim ol dispela skolasip em Annisa Elizabeth Wandau bilong Is Sepik, Aisak Goliath Pue bilong Is Nu Briten provins, John Ndramei bilong Is Sepik na Manus na Raphael Mana bilong Is Sepik.

Annisa Elizabeth i skul yet long Yunivesiti bilong Papua Niugini. Na em i kisim skolasip bilong andagreduet kos bilong go skul long Japan inap long 5-pela yia. Na namba tu skolasip bilong rises kos i go long Ndramei, Mana na Pue.

Mista Pue i bin greduet long Yunivesiti bilong Teknoloji long Lae. Bihain em i go long Rabaul na wok wantaim Kokonas Prodak Industri (CPI). Mista Ndramei i greduet long Yunivesiti bilong Papua Niugini long 1990. Pastaim long em i kisim dispela skolasip, em i bin wok wantaim Japan Intanesenel Kopresen Ejensi (JICA) long Mosbi. Na Mista Mana i bin greduet long Yunivesiti bilong Papua Niugini long dispela yia tasol.

Long makim ol dispela lain, Mista Ndramei i tok ol i amamas tru long gavman bilong Japan long givim ol dispela tupela skolasip. Na tu em i tok dispela i soim olsem Japan i amamas tasol long helpim ol sumatin bilong Papua Niugini.

"Mipela bai makim Papua Niugini na go skul long Japan. Olsem na mipela bai traim long lainim gut ol samting. Na taim mipela i pinisim skul bilong mipela na kam bek long kantri, mipela bai yusim ol samting mipela i lainim long taim helpim na kamapim kantri bilong mipela," Mista Ndramei i tok.

Ol dispela lain sumatin i bin lusim Papua Niugini long asde bilong go long Japan.



• Ol 4-pela PNG sumatin husat i kisim helpim na sapot bilong gavman bilong Japan long go skul long hap i sanap wantaim embeseda bilong Japan long Papua Niugini, Tadashi Masui. Long lephan i go long ralthan em John Ndramei, Annisa Elizabeth Wandau, Mista Masui, Raphael Mana na Aisak Goliath Pue. *Poto: Jenny Max.*

## Liklik hevi tasol kamap long Buka

**VERONICA HATUTASI I raitim**

WANPELA ripot i kam long Bogenvil i tok olsem long las wik, no gat planti pait i bin kamap namel long ol lain bilong PNG sekyuriti fos na ol rebel paitman bilong BRA.

Ripot ya i tok wanpela hap tasol i bin gat liklik hevi em Buka. Long Buka, ol lain bilong BRA i mekim nabaut long ol manmeri na pait wantaim ol memba bilong sekyuriti fos.

Long Mande, 22 Mas i bin gat pait namel long ol soldia bilong BRA na ol sekyuriti fos klostu long Arawa taun. Long dispela pait, ol sekyuriti fos i sutim tripela memba bilong BRA, narapela 4-pela i kisim bagarap na ol

sekyuriti fos i kisim wanpela 303 raifol na ten raun katres bilong raifol. Komanda bilong ol sekyuriti fos i kisim bagarap long bros bilong em na i stap nau long Wakunai haus sik.

Ripot i tok tu olsem ating ol sekyuriti fos i bin kilim sampela memba bilong BRA klostu long mausrot long Morgan.

Long nau yet, tripela ka bilong PNG ami na ol arapela masin bilong wok i kamap pinis long Arawa. Ol bai yusim ol dispela samting long stretim olpela provinsal gavman opis na Arawa ples balus.

Long Tunde nait, 23 Mas ol BRA i bin traim long kilim Joe Gitovea,

wanpela lokol sief bilong Wakunai long haus bilong em. Tasol em i raunim ol na ol i sutim meri bilong em. Tasol em i no kisim bikpela bagarap. Ripot i tok ating ol raskol bilong Tinputz, Wakunai na Torokina i bin kamapim dispela birua. Olsem na ol bikman bilong ples i kamapim wanpela bung long Tinputz bilong traim bungim ol dispela man.

Memba bilong Sentrel Bogenvil, Joseph Egitilo na ol lokol sief i bin kamap long dispela bung. Tasol ol dispela lain man i no bin kamap.

Long not wes eria, tupela memba bilong BRA i givim tupela yet i go pinis long han bilong ol sekyuriti fos long Soraken.



# Nokondi Nama redi long raunim kantri

## SAPE METTA I raitim

OL MANMERI husat i save laikim musik bilong Charles Essyhafo i gat sans nau long lukim em i singsing long pablik ples sapos Coca Cola kampani o Pepsi long i givim em sapat.

Charles i save go pas long Nokondi Nama, wanpela musik grup bilong Isten Hailans.

Planti taim pinis, singsing bilong em i save kamap long televisen na redio na tu em i katim pinis 4-pela kaset wantaim CHM.

Charles yet i tok olsem planti taim em i save katim kaset tasol na i no save raun pilai nabaut long kantri. Olsem na nau em i laik soim pes bilong em long ol sapota bilong em.

Em yet i askim Coca Cola na Pepsi sapos ol i ken sponsaim em long go pilai nabaut long kantri, na i wetim tasol long bekim bilong ol.

Em i tok olsem em yet wantaim narapela musikman bilong Hailans, Tom Lari i bin pulim K15,000 long wanpela so long Henganofi na i pilim olsem em i ken wokim wankain pasin sapos em i pilai long ol bikpela taun olsem Mosbi o Lae na sampela hap moa.

Em i tok tu olsem ol narapela musikman bilong kantri tu i ken bihainim wankain pasin.

Charles yet i bin greduet long musik skul long Mosbi long 1980 na nau em i wok long redim namba 5 kaset bilong em.

Nau yet, Coca Cola kampani i givim pinis

tok orait long helpim em tasol wanpela samting em i no gat ol instramen o samting bilong pilai.

Em i kisim sampela instramen bilong pilai pinis na tu em i kisim 10-pela musikman, tupela bilong ol em meri long helpim em.

Tasol em i sot yet long sampela samting moa.

Charles i tingting nau long stat long dispela mun na ating em bai pilai pastaim long Goroka taun.

Bihain bai em i go pilai long sampela hap bilong Hailans, Momase, Niugini Ailan na Papua rijon.

Long wankain taim tu, em i askim ol bisnis nambaut long kantri na tu ol politisen long helpim em long dispela konsent bilong em.



• Papa bilong Nokondi Nama, Charles Essyhafo wantaim 4-pela ben memba bilong em i malolo i stap long Goroka. Sapos ol sofdring kampani tok wanem, ol bai kirapim das long kantri.

Em i tok ol bisnis i laikim ol i mas helpim save helpim spot insait ol musikman tu. long kantri na em i Ol manmeri husat i

laik helpim em i ken raitim pas long Coca ringim em long telipon Cola Depot, P.O. Box namba 72-2366 o 357, Goroka.

## Bisnis bilong penim piksa

### CLEMENT MIRIA I raitim

SAPOS yu raun long Mosbi, Lae na planti taun nabaut long kantri, bai yu lukim kain kain nem o toktok em ol yangpela i save penim nabaut long ol wol o banis kapa, ol ros ka we i slip nating na tu long kolta o rot bilong ka.

Dispela i save bagarapim stret lukluk bilong ol banis na wol bilong ol opis o haus.

Long Mosbi, wanpela bruder bilong lotu Katolik, Damien Keane i kisim dispela tingting na i kisim wanpela yangpela man bilong Trobrien ailan long penim ol piksa long ol wol o banis bilong haus.

Nem bilong dispela manki Milen Be em Joel Serubi.

Dispela yangpela bilong Trobrien ailan i penim o droim sampela kain piksa we i luk smat moa o gutpela long ol wol o banis bilong haus

bilong em long Godens.

Arere long haus bilong Bruder Damien, yu ken lukim kain stail piksa Serubi i penim.

Dispela piksa i stori long taim san i wok long go baksait long solwara. Na tu i stori long wanpela man na meri husat i sindaun long wanpela kanu long dispela taim.

Bruder Damien i tok kain piksa olsem i ken pulim ai bilong ol turis na grisim of taim ol i kam long kantri.

Em i tok taim ol i go bek long kantri bilong ol, bai ol i tingting i kam bek long ol gutpela samting em Papua Niugini i ga long en.

Damien i tok tu olsem dispela em i wanpela rot long pulim maani na i askim ol narapela yangpela husat i gat save long penim ol kain kain piksa long bihainim lek mak bilong Serubi.

Em i tok tu olsem em i lusim K173 long baim ol pen na bras na i givim long Serubi long penim dispela piksa long banis bilong em.

## Ol fores bos stapim kampani long salim timba

OL Fores bos i stapim pinis wanpela timba kampani insait long Oro provins long salim moa long 3,000 kiubik mita diwai i go long ovasis.

Dispela diwai i kos samting olsem K3.6 milien. Nem bilong dispela kampani ya Green Mountain Timber Company Pty Ltd. Kampani ya i katim dispela ol diwai insait long loma Blok 4 Timba Rait Projek (TRP) long hap bilong Oro provins.

Ol fores atoriti i stapim kampani ya long salim ol diwai long wanem em i no gat laisens long salim diwai i go long ol ovasis kantri.

Wanpela fores opisal i tok dispela kampani i mas tokaut long wanem kain ol diwai em i laik salim bipo long ol i ken givim laisens long em long salim diwai i go long ol ovasis kantri. Long wanem dispela em i lo we olgeta timba kampani i save bihainim.

Green Mountain Timber Company Pty Ltd bilong Thailand i wanpela nupela timba kampani insait long Blok 4 TRP eria. Na em i gat kontrak wantaim lokol kampani bilong ol papagraun ol i kolim

Binandere Holdings Pty Ltd.

Tupela kampani wantaim long nau yet i wok long painim hevi long ol toktok we kain kain papagraun i wok long mekim.

Hevi bilong husat i papa tru bilong Binandere Holdings Pty Ltd i stap bihain long wanpela lain papagraun i givim wanpela petisen i go long Papua Niugini Forestri Atoriti (PNGFA). Long wanem dispela lain papagraun i tok olsem Blok 4 TRP i stap long hap graun bilong ol.

Olsem na long las wik ol dairekta bilong Binandere Holdings i holim wanpela miting wantaim ol papagraun long stretim dispela hevi.

Ol lain papagraun husat i givim dispela petisen i go long PNGFA i tok Binandere Holdings Pty Ltd i no kampani bilong ol papagraun. Long wanem em i no gat wanpela wanpela papagraun husat i stap olsem dairekta.

Dispela petisen i tok tu olsem wanpela narapela kampani husat i bin katim diwai long dispela hap long bipo i no bin baim gut ol diwai.

## Ol Balimo kisim tupela wara ambulens

OL pipel bilong Balimo long Westen provins bai amamas long kisim gutpela helt sevis taim ol i kisim tupela spitbot o ambulens bilong wara.

Ol bai yusim dispela spitbot olsem ambulens long karim ol sikman na meri na marasin samting i go long ol ples we ol arapela moto kanu na bot i no save go.

Tasol pastaim long ol i salim dispela tupela bot i go long Balimo, ol

bai traim nau moning long Laurabada haus long bikpela bris long Mosbi.

Ol i bin baim dispela tupela bot wantaim helpim mani ol Kristen long Australia na Inglan i givim.

Wanpela 24 memba grup husat i gat kain kain wok i kamap pinis long kantri na ol i kam long 22 sios grup. Faivpela bilong ol i kam long Australia na olgeta arapela i kam

long Inglan.

Lida bilong dispela grup, Gordon Goodman i wanpela komanda bilong RAF tasol nau em i stap malolo. Dispela ol lain i bin kamapim samting olsem K200,000 bilong baim dispela tupela bot. Planti mani i kam long ol lain husat i givim helpim long laik bilong ol yet.

Taim ol i go long Balimo ol bai wokim wanpela haus bilong putim

bot na stretim ol sampas ol i bagarap. Ol bai helpim tu long lainim ol draiva bilong bot na ol ensinia long we bilong stretim bot. Ol bai yusim bot tu long go lukluk raun long ol ples i stap long Fly, Bamuna Aramia Riva.

Balimo helt senta i stap long wanpela legun long sampela taim long yia ol gras i save pasim rot bilong ol bot na kanu.

## Helen bilip long wok bilong asosiesen

i kam long pes 12

progrem bilong Roger Hau'ofa," Helen i tok.

Olsem na em i go lukim presiden bilong PNGUYA, Philip Rhambu long opis bilong Hom Afeas. Orait, Philip i tokim em long astingting bilong PNGUYA na ol samting na wok bilong asosiesen.


"Mi baim K50 registresen fi bilong mi na kamap memba bilong PNGUYA long 1992," em i tok.

Taim em i kamap wanpela memba, PNGUYA i toktok wantaim wanpela kampani long Mosbi ol i kolim PNG Ready Mix sapos ol inap long kisim

Helen long wok. Em nau kampani ya i tok orait na Helen i go wok wantaim ol. Na nau em i stap wok long opis bilong PNG Ready Mix long Mosbi.

"PNGUYA em i wanpela gutpela asosiesen. Long wanem sapos yu kamap wanpela memba bilong ol, asosiesen yet bai painim wok long yu," Helen i tok.

Helen i tok i gutpela long ol yangpela husat i stap nating long Mosbi na i no wok long joinim dispela asosiesen. Na gavman i mas traim tu long helpim dispela asosiesen. Long wanem em i wanpela rot bilong stapim ol yangpela long kamapim ol bikhet pasin nabaut.



• Joel Serubi bilong Milen Be provins i sanap fran long wanem samting em inap wokim wantaim pen na bras.

# WANTOK **BISNIS LONG PAPUA NIUGINI** WANTOK

## K800 m bilong ol projek

### KOPRA

Pe bilong kopra i go antap nau long K30 long wan wan tan long dispela yia. Pe bilong ol bikipela depo olsem Mosbi, Alotau, Lae, Madang, Wewak, Kavieng, Toboi, Kimbe na Kieta i stap olsem:

	Smoke	K263
	F.M.S	K265
	Hot Air	K268
Na pe bilong kopra long ol liklik depo i stap olsem:		
SAMARAI	Smoke	K231
	F.M.S	K233
	Hot Air	K236
KANDRIAN na NAMATANAI	Smoke	K228
	F.M.S	K230
	Hot Air	K233
BUKA	Smoke	K227
	F.M.S	K229
	Hot Air	K232
FINSCHHAFEN	Smoke	K223
	F.M.S	K225
	Hot Air	K228
LORENGAU	Smoke	K198
	F.M.S	K200
	Hot Air	K203
KEREMA	Smoke	K218
	F.M.S	K220
	Hot Air	K223
KARKAR	Smoke	K200
	F.M.S	K202
	Hot Air	K205

CMB nau bai i no inap long kisim moa prais sapot long Gavman. Dispela i stat long Janueri 1, 1993.

### KAKAO

PRAIS bilong drai kakao long wanwan tan long Rabaul long Mande inap long Fraide long las wik.

Mande 5/4	Tunde 6/4	Trinde 7/4	Fonde 8/4	Fraide 9/4
Pe ol baiya sasim long papa bilong fementri				
K713	K711	K719	K719	K707
Sapot prais				
K500	K585	K585	K585	K585

### Prais ol papa bilong fementri i kisim

K1213 K1296 K1304 K1304 K1292 Sapot prais bilong kakao long dispela mun em K628.95. Dispela prais i no wankain olsem pe bilong kakao long ol narapela hap bilong kantri.

### KOPI

Pe bilong drai arabika na robusta kopi long wanwan kilogrem long Mas 29, 1993. Dispela i karamapim prais bilong kopi long dua bilong faktori, na i no long sait bilong rot.

Arabika :

Kainantu	NQ
Goroka	K135 to 138
Minz na Banz	K122 to 127
Hagen	K124 to 125
Lae	K100 to 130
Mumeng	K120
Wau/Bulolo	K100
Madang	K100

Ol ripot i kam long Kopi Industri Kopresen. Mipela i no kisim ripot bilong Kundiawa, Wapenamanda, Mendi, Erap, Aseki, na Wasu.

Robusta :  
Is Sepik K80 to 90  
Madang NQ  
Ripot bilong ol arapela senta husat i save groim robusta kopi i no kamap.

### RABA

Gavien faktori (ESP) - 21 V/kg  
Doa faktori (Sentrel) - 36 1/2kg inap long 39 1/2kg

### KADAMON

Prais bilong kadamon em A. T. Agri Ejensi Pty Ltd long Madang i tok aut long en i stap olsem; Draai long san em namel long K0.80 na K1.10. Draai long fektori em namel long K6.50 na K8.00. A. T. Agri i lukautim Kobum Spice em i stap long Bundi we planti ol kadamon i save kam long en.

### Kos long wanpela ita PRAIS BILONG OL BENSIN

Ex Pump (Wantaim takis)	
Patrol	47.9 toea
Disil	37.2 toea
Kerosin	43.8 toea

### YAKAM KELO I raitim

GAVMAN i redim pinis K800 milien bilong kirapim ol projek olsem Lihir Maining na Gopi 3 Ges Risis insait long kantri long dispela yia.

Praim Minista Paias Wingti i tok- out long dispela samting long wik i go pinis long Lae siti olsem ol dispela projek gavman bai kirapim long dispela yia. Taim Praim minista i opim K3 milien haus frisa bilong Collins na Leahy long Lae, em i tok kantri

bilong yumi i sindaun antap long ol bikipela minerel na liklik kantri olsem PNG i ken ron gut na go het yet wantaim ol arapela knatri insait long wol. "Wantaim helpim bilong ol bisnis na kampani insait long kantri, bai yumi i kirapim dispela kantri i

sanap strong na gro bikipela." Long dispela as, Praim Minista Wingti i tok gavman i daunim kna katim ol planti takis olsem long bensin, inkam takis, potnait takis na ol arapela moa. Dispela em long helpim na sapotim ol kampani na bisnis long ol hevi bilong ol.

Long las wanpela 10-pela kris- mas i go pinis, PNG i bin winim planti gutpela samting olsem demokrasi o fridom, lo na oda na kot sistem bilong kantri, plis fos na ol arapela moa, Mista Wingti i bin tok.

Long skelim P.N.G. wantaim ol araple liklik kantri long wol, PNG i bin senis hariap tumas long sot- pela taim.

Wanpela bikipela hevi em Mista Wingti i no laikim em pasin bilong ol manmeri i lukim ol arapela olsem narapela lain o rijinilisem. Em i tok dispela pasin i kamap bikipela hevi insait long kantri na nau em i taim bilong yumi olget ai strongim tingting wantaim na tokaut olsem yumi i pipel bilong PNG.

Em i tok kain pasin olsem wan- wan provins i wok long em yet na tingting long em yet i ken brukim sindaun na wok bung wantaim bilong kantri. Nau gavman i laik strongim na kamampim wanpela pipel na wanpela kantri Papua Niugini.



*Taro bilong we tru...Meri Sepik ya Agatha Waramin i bin kirap nogut long lukim ol taro na banana i hip tru long maket long Auckland, Nu Silan. Nu Silan i kol ples na ol kain kalkai olsem i no inap gro. Olsem na ol i save balm long ol Pasifik Allan kantri olsem Samoa na salim gen long maket. Misis Waramin i bin go raun long Nu Silan inap tripela wik olgeta we em i bin soim ol meri long hap pasin bilong wokim blum.*

## Business Systems helpim ol bisnis sumatin

ASOSIESEN bilong ol intane- senel sumatin long wok ekonomiks na komes long Yuni- vesiti bilong Papua Niugini i bin laki tru taim Business Systems kampani long Mosbi i givim ol wanpela kompyuta.

Business Systems tasol i save salim ol Apple kompyuta long kantri.

Long makim maus bilong AIESEC, vais presiden Jolly Okole i tok ol i amamas tru long

dispela helpim bilong Business Systems. Bikos em bai helpim tru wok bilong ol long ranim oganaisesen.

Kos bilong dispela tupela samting em inap long K3,000.



• Kompyuta sels menesa bilong Business Systems, Michael Yurus long lephan i sekan na givim kompyuta long Jolly Okole bilong AIESEC. Ol narapela memba bilong grup i sanap lukluk long sait. *Poto na stori: Jenny Max.*

### PE BILONG AIR NIUGINI LONG PNG TASOL

KISIM LONG I GO LONG PE BILONG BALUS	PE BILONG KAGO
POM Alotau	K101 K1.01
POM Daru	K117 K1.17
POM Goroka	K114 K1.14
POM Hoskins	K140 K1.40
POM Kavieng	K234 K2.34
POM Kundiawa	K113 K1.13
POM Lae	K95 K0.95
POM Madang	K129 K1.29
POM Manus	K206 K2.06
POM Mendi	K136 K1.36
POM Misima	K155 K1.65
POM Mount Hagen	K132 K1.32
POM Popondetta	K59 K0.58
POM Rabaul	K187 K1.87
POM Tabubil	K189 K1.89
POM Tari	K153 K1.53
POM Vanimo	K234 K2.34
POM Wapenamanda	K141 K1.41
POM Wewak	K180 K1.80

Ol kago em hevi abrusim 16kg bai gat pe

### Exchange Rates



Bank buys at:	Notes	T/T
Australia	1.4916	1.4605
USA	1.0827	1.0342
UK	0.7127	0.6851
Bank sells at:		
Australia		1.4495
UK		1.6716
USA		1.0262
Solomon Islands		3.2047
China		5.8802
Fiji		1.5616
Hong Kong		7.8746
India		31.368
Japan		116.08
New Zealand		1.9006
Philippines		25.824
Singapore		1.6545
Switzerland		1.5136
Germany		1.6414
Gold rates (in US\$):		
per ounce		\$337.65
per gramme		\$10.86

## Ol nupela stem

JENEREL Menesa bilong postel divisen bilong Pos na Telekomunikesen Kopresen (PTC), John Wagambie i tokaut pinis olsem PTC i salim nau foapela nupela stem.

Prais bilong ol dispela stem i stat long 21 toea i go inap long 90 toea.

Ol piksa i stap antap long dispela foapela stem i bilong ol tupela kain rat, wanpela mumut na narapela em i piksa bilong wanpela liklik kapul.

Dispela ol wel abus i bilong Papua Niugini stret. PNG i gat planti wel abus stret we planti kantri insait long wol i nogat long em.

Planti manmeri bilong kantri tu i no lukim yet dispela kain wel abus olsem na ol piksa long stem i ken toksave long yumi wanem kain wel abus em yumi i gat nambaut long bus bilong yumi.

Yu ken baim ol dispela stem long wanwan pos opis insait long kantri sapos yu man bilong raitim pas.

# Sandaun minista sapatim wok sekap long ol timba kampani

WANPELA provinsal gavman minista i sapatim tingting bilong nesanel Fores Minista, Tim Neville long lukluk gen long wok bilong ol timba projek long kantri.

Provinsal minista bilong Fores long Sandaun provinsal asembli, Kevin Imba tu i laikim nesanel Fores Dipatmen long lukluk gen long wok bilong olgeta timba kampani.

Em i tok planti kampani long kantri i no save wok gut. Ol i paulim nabaut ol papa graun. Na sampela i no save bihain-

im ol tok orait em ol i wokim pastaim long ol i statim ol wok.

Mista Imba i tok long planti taim, ol kampani i save brukim agrimen bilong ol. Dispela kain pasin i no gutpela na em i laikim Dipatmen long mekim save long ol kampani husat i brukim agrimen.

Misat Imba i mekim ol dispela toktok bikos em i lukim olsem planti timba kampani i no save sapatim na helpim tumas ol kampani bilong ol papa graun. Bikos ol i no

save long wanem kain helpim ol bai givim long ol papa bilong graun.

Planti kampani i save wokim rot na baim ol royelti mani. Tasol ol i no save givim ol arapela sevis. Em i tok kampani i mas wokim gut ol komyuniti skul na helt senta na givim helpim long kamapim wok egrikalsa.

Olsem na Mista Imba i laikim nesanel gavman long toktok strong long ol kampani husat i katim timba, painim

samting long graun o solwara long helpim ol papa graun long ol wok bisnis na givim gutpela sevis bilong skul na marasin i go long ol papa graun

Em i tok dispela bai go wantaim tingting bilong nesanel gavman long wok bilong Viles Sevises Skim.

"Planti taim yumi save toktok long developmen tasol ol dispela developmen i save kamap long taun na siti. Na trangu ol lain bilong ples i no save lukim developmen liklik," Imba i tok.

## Lo senis na oraitim ol ausait lain long wok hia

GAVMAN i givim tok orait nau long sampela manmeri bilong ol narapela kantri husat i gat ol dipenden visa long stap long Papua Niugini.

Na tu gavman i givim tok orait long ol long painim wok insait long kantri sapos ol i gat laik long wok.

Ol lain husat i kisim tok orait em ol dipenden bilong Papua Niugini sitisen, dipenden bilong ol manmeri long narapela kantri husat i stap longpela taim long kantri na ol dipenden bilong ol investa o lain husat i gat bisnis long kantri.

Ekting minista bilong Dipatmen bilong Foren Afeas, John Nilkare i tokaut long dispela long Tunde, Epril 6.

Mista Nilkare i tok dispela i min olsem sapos wanpela man o meri long narapela kantri i sitisen bilong Papua Niugini, orait, man o meri bilong em i ken stap wantaim em na wok. Tasol ol pikinini bilong ol husat i gat ausait paspot i no inap long kisim wok long wanpela gavman o pravit oganaisesen. Ol i ken wok wantaim papamama bilong ol sapos ol i gat kampani long kantri.


Em i tok wankain samting tu i go long ol man o meri bilong ol lain husat i stap longpela taim long

Papua Niugini. Dispela i min olsem sapos wanpela man long narapela kantri i stap longpela taim long Papua Niugini orait meri bilong em i ken wok long wanpela kampani we man bilong em i wanpela pat ona bilong dispela kampani. Na sapos ol i laik wok long wanpela narapela kampani orait ol i mas i gat save long mekim dispela wok. Na tu ol bai wok long sotpela taim tasol.

Nilkare i tok long kam anit long dispela tok orait wanpela dipenden husat i gat visa i mas bihainim 4-pela lo. Dispela 4-pela lo em: (1) em i mas stap 9-pela yia pinis long Papua Niugini, (2) em i no bin brukim ol visa lo bilong em insait long dispela 9-pela yia taim em i stap long kantri, (3) sapos em i laik wok orait dispela posisen we em bai wok i bin kamap long niuspepa, redio o televisen olsem edvetismen na (4) em bai kisim wok long ol kampani we em i wanpela pat ona.

Mista Nilkare i tok klia olsem dispela tokorait bai i no inap long bagarapim ol wok i bilong ol Papua Niugini manmeri tasol.

Dispela tok orait i bihainim dairektiv bilong Praim Minista Paias Wingti long mun Februeri.



*Stenbai saplai...Bikpela teng bensin bilong givim pawa long ol bikpela jenereta bilong Ok Tedi maining kampani long Ok Menga, Tabubil i sanap redi tasol i stap. Sapos liklik bagarap i kamap long haldro pawa saplai bilong yusim wara, ol bai yusim dispela bensin long givim pawa long ol jenereta na haus long Tabubil. Foto: Henry Morabang.*



The next Big One's even Bigger!

**BONUS PRIZE OF A TOYOTA HILUX HERO UTE!**

Only for the Easter Monday draw the first division 6 out of 6

winner will win the

Toyota Ute as

well as the


Cash Jackpot.

If top prize is shared,

names will go into

another draw for

Bonus Prize.



# Bokol abrus long maritim busmeri

BIPO tru long Djaul ailan insait long Nu Ailan provins i gat wanpela ples. Nem bilong dispela ples em Lion. Lion i stap las tru long ailan. Na tu em i klostu long narapela liklik ailan em ol i kolim long Meit.

Nau sapos yu go long dispela hap, bai yu lukim kain kain pis bilong solwara em yu no inap painim long narapela hap.

Sapos, yu pulim pis long dispela hap, bai yu kisim het tasol bilong wanem ol kainkain sak i stap na bai ol i kisim pis bilong yu kwik taim tru. Wokim na ol pipel long dispela ailan i save pret tru ong raun long dispela hap.

Em nau, long dispela hap i gat wanpela yangpela boi i stap. Nem bilong em. Tel Bokol.

Long wanpela bikmoning tru, Bokol i go raun long bus long painim abus na em i kam malolo klostu long wanpela liklik wara na i wok long kaikai buai i stap. Gutpela kolwin tru na em i no tingting long go bek long ples hariap.

I no longtaim na i gat kain nois olsem nan bilong diwai i bruk antap, tasol i no gat wanpela mak bilong diwai i bruk. Boi nau i tingting panti.

Semtaim man, wara i stap klostu long em i tanim kala i go ret olgeta, olsem blut bilong man i katim skin. Em i sekim iek bilong em tasol i no gat mak long en. Wanem kain mak nau i kamap na ooi ya i wok long tingting i stap.

Kwiktaim tru, em i pilim olsem i gat man long baksait. Man, em i kirap na i laik lukluk na em i lukim tupela meri. Em i no save lukim ol bipo.



Wanpela i gat skin pukpuk long skin bilong em na i luk no gut olgeta. Man, narapela i luk olsem angelo stret.

Mekim na boi ya i kirap na i laik ranawe, tasol tupela i tokim em long no ken pret. Tupela i no kam long bagaramim em, nogat, tupela i tok. Tupela i tokim em tupela i wankain olsem em. Tasol ol i ken lukim em tasol em i no inap long lukim ol. Ol i gris i go na tupela i givim kaikai na Bokol i kaikai. Wankain kaikai olsem boi ya i save kaikai long ples. Ol i givim em long pis wantaim saksak tasol. Bihain, ol i givim em buai wantaim daka na em i kaikai. Man, boi ya i pulap gut tru.

Klostu ol i gris inap long tripela aua olgeta. Nau, tupela i tok save bai tupela i bungim boi ya gen long semhap long tumora moning. Bihain long dispela tupela i lus pinis.

Long gutpela toktok tasol i wokim na boi ya i wari nogut ru na i go bek long ples. Em i laik bai tumora i mas kam haraip bai em i go lukim ol gen. Yu save, em i kaikai buai pinis.

Bokol i no slip gut long nait. Em i kirap bikmoning tru na i go long bus. Man, taim em i

kamap long bus, em i kirap nogut tru long bungim dispela naispela meri tasol. Meri ya i tok save olsem narapela meri i stap na em yet i kam long painim boi ya. Meri ya i tok em i gat bikpela laik tru bai tupela i pren na bihain tupela i marit. Bokol i amamas nogut tru long toktok bilong meri ya.

Tupela i gris pinis na meri i laik save bai em i kisim Bokol i go long ples bilong em na soim long ol lain bilong em. Bokol i tok orait tasol.

Nau, meri ya i tokim em bai em i ken pasim ai bilong em na Bokol i bihainim. Meri ya i kisim sampela kambang na rapim long pes bilong Bokol. Man, taim Bokol i smelim dispela kambang, em smel narakain olgeta. Smel gut tru na i winim ol smel sanda yumi gat long en.

Man, taim boi ya i opim ai na i laik lukluk, ol i stap pinis insait long ol gaden kaikai bilong meri ya. Klinpela gaden olgeta.

Orait, meri ya i kisim boi i go na soim long ol lain bilong em bai tupela i marit bihain. Ol lain bilong meri ya i baim sem long dispela taim yet. Tasol ol lain bilong boi i no yet, bihain bai ol i stretim.

Tupela i pren longpela taim pinis na boi ya i plen olsem

bai em i kisim meri ya i go long ol lain bilong em.

Orait, dispela taim i gat bikpela kaikai long ples bilong Bokol. Dispela kaikai em i bilong amamasim wanpela kanu em ol man bilong ples i sapim pinis na bai i ken ron long solwara. Dispela hap taim boi ya i tingting long kisim meri bilong em i kam long ples klia. Em i kisim mama wantaim meri bilong em na i putim ol long haus bilong em long ples.

Tasol, abrus taim bikpela brata bilong Bokol i kamap long haus long kisim pul, man, em i kirap nogut tru long bungim meri wantaim mama long haus bilong Bokol. Bokol i no bin tok save long ol lain bilong em.

Brata ya i kirap askim olsem husat lain tru ya i kam i stap long haus. Wokim olsem na meri wantaim mama bilong em i sem pipia stret na tupela i wok long krai i stap.

Bokol i harim na i laik stapim tasol nogat tru. Tupela i kirap tokim boi ya olsem tupela i kisim taim stret long toktok bilong narapela brata ya, olsem bai tupela i lusim em nau.

Orait, tupela i sekanim em pinis na i go long baksait long haus na i lus pinis. Boi ya i krai bihainim ol i go na i no lukim ol. Em i laik kisim ol basket em meri ya i givim long em tasol ol i no stap moa. Na em i laik tingting long ol kain kain trik em meri ya i soim em tasol i no moa tingim ol dispela tu.

Sori tru, boi ya i wari i go na klostu wari i laik kilim em. Na tu, em i misim sans stret long maritim dispela angelo bilong bus.

John Mays Bonma, Djaul Ailan, N.I.P.



□ KANAGE i go stap long Rabaul na maritim wanpela meri Yauro. Tupela i stap i go na Kanage lusim meri Yauro ya na go bek long asples bilong em long Sepik. Wanpela taim meri Yauro i go raun long Rabaul taun na lukim wanpela yangpela man Sepik husat i luk wankain stret olsem Kanage. Man ya i putim wanpela T-siot we i gat ol toktok olsem: "Yu ken tok Wewak i paia. Tasol PS bai mekim yu sindaun silip wantaim wari." Taim meri ya i lukim olsem, em i no wari long planti manmeri i bung long maket, em i krai wantaim na givim siksti stret i go na holimpas man ya. Taim em i holimpasim em, man ya i kirap nogut na i ting olsem meri ya i mas wanpela longlong meri. Em kirap singaut kranki stret na tekov. Meri Yauro i ting olsem man ya i mas Kanage tasol em i laik trikim em olsem na em i ranawe. Olsem na meri Yauro i kirap na singaut i go long man ya, "Tru tumas. PS i save mekim meri Yauro i save sindaun silip wantaim wari long olgeta de."

Peter Hero, WEWAK.

□ KANAGE i no save long dring wisiki. Tasol long Nu Yia em i dring bia wantaim ol poroman bilong em. Ol i mekim save i go na Kanage i aut olgeta. Em nau ol poroman bilong em i givim em wanpela glas wisiki na boi pasim ai tasol na daunim. Mekim i go na Kanage i kisim bikpela bagarap stret na i no inap long wok-abaut gut. Na tu taim ol poroman bilong em i toktok long em long Tok Pisin, em i save bekim long tok inglis tasol. Em nau wanpela poro bilong em i askim em long ol papamama bilong em i stap long wanem hap stret. Kanage kirap tasol na bekim long tok inglis olsem, "My papa is dying long taim pinis, tasol my mama is long-long raun tumas." Taim ol poro bilong em harim olsem, ol i kilim skin long lap i go na spak bilong ol tu i pinis nating.

Clip Rich, KOKOPO.

# As bilong hevi long marit stap long man na meri wantaim

Dia Laiplain,

Mi wantaim man bilong mi wok long taun na lukautim tripela pikinini bilong mitupela.

Tasol nau mi no amamas, bikos em i save lusim mi wantaim ol pikinini na go raun wantaim ol wantok bilong em na wokim samtung long laik bilong em. Em i save raun wantaim ol yangpela meri na tokim ol olsem em bai rausim mi na maritim ol. Taim em i dring bia, em i save pretim mi na toktok long rausim mi.

Mi no laik lusim ol pikinini na go long narapela ples o maritim narapela man. Tasol taim mi save harim kros bilong em na lukim ol pas bilong prenmeri bilong em, mi save kros na pait wantaim em.

RESENTFUL.

Dia Pren,

Mi save olsem yu pilim wari long sampela



samtung man bilong yu i tokim yu na wokim. Yu wari long tokpret bilong man bilong yu long rausim yu. Bikos yu no laik brukim marit bilong yutupela. Yu no laik long kamapim bagarap na hevi long famili.

Yu luksave olsem ol marit i stap wantaim na amamas em i gutpela long olgeta famili. Samting i gutpela i mas gat samtung long banisim. Na yu mas mekim dispela samting na lus tingting long ol arapela samting. Ol gutpela marit i no save kamap nating. Nogat. Tupela marit i mas wokbung wantaim long wokim

marit i strong na gutpela. Dispela i min olsem yu mas lus tingting long ol narapela samtung.

Wanpela bikpela hevi long marit em nogat gutpela toktok i save stap namel long man na meri long traim autim tingting bilong ol.

I luk olsem yu gat dispela hevi long marit bilong yu. Yu save wari taim arapela i tok o wokim narapela samtung long laik bilong em.

Yutupela i sindaun na toktok long dispela ol samting o nogat?

Traim makim wanpela taim na toktok long ol

dispela samtung taim wanpela bilong yutupela i no kros na stretim hevi bilong yutupela. Tokim man bilong yu long piling yu i gat taim em i wokim samtung i no stret long ai bilong yu. Tokim em tu long tokim yu long ol samting em yu save wokim na em i les long yu. Taim yu tok tru long wanpela na narapela, sindaun bilong yupela bai kamap gut na yupela i no inap bungim kain hevi gen long taim bihain.

Dispela bai helpim yu long kamapim toktok namel long yu na man wokim yu. Dispela bai wokim yu tupela i luk save long hevi bilong narapela na stretim long helpim marit bilong yu tupela i kamap gut. Sapos yu luksave pastaim olsem planti man i gat rong bai lus tingting long dispela hevi.

Sapos yu tupela wantaim i luk save olsem palnti man i save wokim rong, bai yutu-


pela tok sori na lus tingting long samtung bilong bipo.

Sapos yu tupela i gat hevi long toktok, orait,

askim narapela man husat i ken helpim yu tupela. Wanpela man olsem pater o pasto, wanpela wanpisin o

wanpela man em yu ting bai helpim yutupela long stretim hevi.

Mi Laiplain.



*Bikpela luksave...Long olgeta yia, Word Publishing kampani i save givim wanpela kain awod long ol lain husat i save salim ol niuspepa bilong en. Na long poto, Maketing Menesa bilong Word Publishing, William Kotson i givim awod long Menesa bilong T. Tam Yan stua long Madang, Eddie Tupa. Word Publishing i save wokim Wantok, PNG Times, PNG Business na Weekend Sports niuspepa.*



# PABLIK NOTIS

Sapos yu laik advertais, telepon 25 2500 na askim long

PH: Miri Aiori - Ext: 203  
 John Iagata - Ext: 215  
 Kosinto Fosagu - Ext: 216  
 Bonner Hui - Ext: 232



## TOK SORI

### MISIS KULI NA FAMILI


Seketeri bilong Edukesen wantaim ol Wokman, olgeta Skul Inspekta bilong Inspeksens na Gaidens Divisen long Dipatmen bilong Edukesen long olgeta hap bilong kantri i laik salim bikpela tok sori na bel wari bilong mipela i go long yupela long indai bilong Gutpela Man na Papa bilong yupela.

### Mista DANIEL GLAI KULI

Bikpela Papa i ken givim em malolo na bel isi bilong oltaim.

I kam long Seketeri na ol wokman Nesenel Dipatmen bilong Edukesen

### FOR SALE



## NEW STOCK

#### Ceramic Wall Tiles

150 x 150	-	K12.90 per M2
100 x 200	-	K12.90 per M2
150 x 200	-	K15.90 per M2
Mosaic Tiles	-	K20.50 per M2
Tile adhesive 20 kg	-	K11.90

#### Masonite

2440 x 1220 c 3.2mm - K8.20

#### Canite

2400 x 1220 x 12.7 mm - K24.20

#### Vinyl Tiles

303 x 303 x 2mm - K9.20 per M2


#### Concrete Engineering

Soare St. - Gordons Ph: 25-8784 Fax: 25-2831



CALL IN AND SEE US FOR ALL YOUR ELECTRONIC NEEDS.

- SPARE PARTS
- TOOLS ■ EQUIPMENT
- REPAIRS TO T.V's, RADIOS, ETC.



WE ARE LOCATED AT THE CORNER OF WARDS ROAD AND SPRING GARDEN ROAD, HOHOLA, N.C.D.

P.O. BOX 3572, BOROKO, N.C.D. PHONE : 25 1952 FAX : 25 4743



# MITSUBISHI




# CANTER



**Wok bilong traim Canter i bin kamap long ol ples nogut tru insait long wol. Na em i strong na sit stret \_ \_ \_ bilong yusim long Papua Niugini.**

PMV, TIPA, KARIM OL KAGO -  
WANEM SAMTING YU LAIK.  
MEKIM CANTER I GAT  
KABILONG STRETIM DISPELA  
1.8 TAN - 5 TAN  
I gat ol 4WD na Twin Keb  
- Olgeta i gat tupela wil long baksait  
na i save ron long disil pawa  
Nambawan ka we i no gat hevi long  
Papua Niugini



*Draivim wanpela tude!*

For Reliability and "Technology you can trust"



# HEY



# TOBA MOTORS

PORT MORESBY PH: 21 7874  
LAE PH: 42 2611  
RABAU PH: 92 1866

MT. HAGEN 52 1855  
KIMBE 93 5035  
WEWAK 86 2784  
ALOTAU 61 1246



•Tupela pilaia bilong Hagen Eagles i traim strong bilong tupela long apim wanpela pilaia bilong Goroka Lahanis na sutim em i go daun long graun. Dispela i bin kamap long Goroka long pilai bilong Inta Siti resis.




• Agi Tete bilong Goroka Lahanis (long namel) i wok long sanap na aigris tasol tupela pilaia bilong Hagen Eagles i banisim em long kisim bal.



• Oi bodi bilda bilong Goroka (long lephan i go long ralt) Als Poteary, John Hedson, Billy Nano, John Bomal na long raithan em Wagli Noriho.



• Wanpela pilaia bilong Goroka Lahanis i putim tupela han bilong em i go antap bihain long tim bilong em i winim Hagen Eagles.



• Wanpela bodi bilda bilong Goroka, John Bomal i wok long kilim skin long trening long ples bilong trening long Bird ov Paradise Hotel long Goroka.

**RABAU SOCCER ASSOCIATION  
PRE SEASON COMPETITION  
(ROUND ROBIN)  
WEEKEND DRAWS.**

**Saturday 10/4/93 - Round Nine**

Game	Match	Time
1	Vitiaz A vs Vitiaz Z	9.00-10.00
2	KNHS A vs Vunakanau A	10.00-11.00
3	PTC Z vs MC United Z	11.00-12.00
4	Travellodge A vs Raiders Z	12.00- 1.00
5	Vunakanau Z vs Raiders A	1.00- 2.00
6	MC United A vs KNHS Z	2.00- 4.00
7	Travellodge Z vs PTC A	3.00- 4.00

**Sunday 11/4/93 - Round Ten**

1	Vitiaz A vs Raiders Z	9.00-10.00
2	Travellodge A vs MC United Z	10.00-11.00
3	KNHS A vs PTC A	11.00-12.00
4	Vunakanau A vs MC United A	12.00- 1.00
5	KNHS Z vs MC United Z	1.00- 2.00
6	Vunakanau Z vs PTC Z	2.00- 3.00
7	Vitiaz Z vs Raiders Z	3.00- 4.00

**POINTS LADDER**

Team	P	W	D	L	WF	LF	Pts	Lad
Vitiaz 'Z'	8	7	-	1	-	-	14	1
Vunakanau 'Z'	8	5	2	1	-	-	12	2
Raiders 'A'	8	5	1	2	-	-	11	3
Vunakanau 'A'	8	4	1	3	-	-	9	4
KNHS 'A'	8	4	1	3	-	-	9	6
PTC 'Z'	8	3	3	2	-	-	9	7
MC United 'Z'	8	2	3	2	1	-	9	7
PTC 'A'	8	3	2	3	-	-	8	8
Raiders 'Z'	8	2	3	3	-	-	7	9
MC United 'A'	8	2	3	3	-	-	7	10
Travellodge 'Z'	8	3	-	5	-	-	6	11
Vitiaz 'A'	8	2	1	4	-	1	5	12
Travellodge 'A'	8	-	4	4	-	-	4	13
KNHS 'Z'	8	1	-	7	-	-	2	14

**EASTER WEEKEND  
PENNANTS**

**PROGRAM: 8th -12th April 1993**

Date	Activity	Time
Thursday 8th	• Bowlers arrive • Practice roll-up • Welcoming of visitors • Light entertainment	Open 1300 - 1800 1800 1830 - Close
Friday 9th	• Games Start • Lunch Break • Games Resume • Light entertainment	0900 1200 1330 1830 - Close
Saturday 10th	• Games resume • Lunch Break • Finals commence  • Presentation dinner and Dance	0900 1200 1330  1900 - Close

PNGBA delegates meeting time and date to be set during this program.

**PORT MORESBY 11-ASIDE  
SOCCER ASSOCIATION**

**Saturday April 10, 1993**

**BISINI B1**

Time	Division	Teams
9.00	D4	Mapos vs Togelu
10.15	W3	Koupa vs Moukasi
11.30	W3	Tarangau vs Togelu
12.45	W1	Sunam vs Wanzesi
2.00	D1	S.T.C. vs Amazon Bay
3.15	D1	Defence vs Maset
4.30	P2	Morobe United vs P.T.C.

**BISINI B2**

9.00	D3	Mt Obree vs Babaka
10.15	D4	Batsalem vs Batu Brothers
11.30	W1	G.F.C. vs Uni
12.45	W1	Guria vs P.T.C.
2.00	D1	Sunam vs Wanzesi
3.15	P2	B. Kumuls vs Moukasi
4.30	P2	Koupa vs Sobou

NOTE: 1. No games on Sunday 11th April 1993.  
2. PSSA grand final will be played instead at Bisini.  
3. PMSA games will be played on Easter Monday 12th April 1993.  
4. Please check your draw carefully or contact the secretary on 25404.

**Monday April 12 1993.**

**BISINI B1**

Time	Division	Teams
9.00	D4	Tama Rocks vs Sialum
10.15	D3	Keweh vs Katumani
11.30	W2	Waliya vs L.S.C.
12.45	W2	Sobou vs Rapatona
2.00	D4	Tubi vs Gala Utd
3.15	D2	Tarangau vs Kinhill Krammer
4.30	P1	Rapatona vs Westpac

**BISINI B2**

9.00	D3	Buresong vs Murat
10.15	W3	Murat vs Kurti-Andra
11.30	W2	Morobe vs B.Kumuls
12.45	D2	P.S.Roots vs Waliya
2.00	D2	Hoods vs Fisika
3.15	P1	Uni vs Kurti-Andra
4.30	P1	Guria vs G.F.C.

NOTE: 5. No Masters division because most of clubs do not have the players who are over 36 years of age. To complete in the 11 aside knockout.  
6. The following clubs must inform the association now whether they can have a masters division in the season proper.  
7. Any club that does not pay.....affiliation fee will automatic loses the game on for fiet.

**NATIONAL SOFTBALL CHAMPIONSHIP  
TOURNAMENT PROGRAMME  
FRIDAY APRIL 9-12**

**FRIDAY APRIL 9**

**ARRIVAL OF PARTICIPANTS**

16.30 Technical Meeting - all Managers, Coaches and Umpires and Scorers attend (Chaired by the Chair-person of the Organising Committee). PNG Softball Federation Officials will be in attendance.

Venue: Bisini Parade - Diamond One

**FRIDAY APRIL 9**

08.00 - 17.45 Competition Day 1.  
Diamond 1,2,3 and Amini Park Diamonds 4 (Refer attached Draws).

**SATURDAY APRIL 10**

08.00 - 17.45 Competition Day 2.

14.00 - 15.00 OFFICIAL OPENING (Diamond One).

15.00 - 16.30 Competition continues - Diamond 1,2,3 and Amini Park Diamonds 4 (Refer attached draws).

**SUNDAY APRIL 11**

08.00 - 17.45 Competition Day3. Diamond 1,2,3 and Amini Park Diamonds 4 (Refer attached draws).

**MONDAY APRIL 12**

08.00 - 17.45 Competition Day 4 - FINALS

Diamond 1,2,3, and Amini Park Diamonds 4 (Refer attached draws).

17.45 - 18.45 CLOSING CEREMONY/PRESENTATION (Diamond 1)

19.00 - 02.00 BREAK-UP/FUNDRAISING DANCE.

Islander Travelodge - "Ball Room".

**TUESDAY APRIL 13 DEPARTURE OF PARTICIPANTS**

**PARTICIPATING NATIONAL SOFTBALL ASSOCIATIONS**

1.	Port Moresby (POM)	-	Mens/Womens
2.	Lae (LAE)	-	Mens/Womens
3.	Rabaul (RAB)	-	Mens/Womens
4.	Madang (MAD)	-	Mens/Womens
5.	Mount Hagen (HAG)	-	Womens
6.	Tabubil (TAB)	-	Mens/Womens
7.	Popondetta (POP)	-	Mens/Womens
8.	Daru (DAU)	-	Mens/Womens

**DRAWS**

**DAY ONE: Friday April 9, 1993.**

TIME	DIAMOND ONE	DIVISION
0830	POP vs TAB	M
1000	POP vs TAB	W
1130	RAB vs DAU	M
1300	RAB vs DAU	W
1430	-	-
1600	MAD vs HAG	W

TIME	DIAMOND TWO	DIVISION
0830	MAD vs DAU	M
1000	MAD vs DAU	W
1130	-	-
1300	LAE vs HAG	W
1430	POM vs DAU	M
1600	POM vs DAU	W

TIME	DIAMOND THREE	DIVISION
0830	LAE vs RAB	M
1000	LAE vs RAB	W
1130	POM vs TAB	M
1300	POM vs TAB	W
1430	RAB vs POP	M
1600	RAB vs POP	W

TIME	DIAMOND FOUR	DIVISION
0830	-	-
1000	POM vs HAG	W
1130	MAD vs POP	M
1300	MAD vs POP	W
1430	LAE vs TAB	M
1600	LAE vs TAB	W

**DRAW**

**DAY TWO: Saturday April 10, 1993.**

TIME	DIAMOND ONE	DIVISION
0800	POM vs POP	W
0930	POM vs POP	M
1100	DAU vs HAG	W
1230	-	-
1400	OFFICIAL OPENING	-
1600	POM vs LAE	M

TIME	DIAMOND TWO	DIVISION
0800	LAE vs DAU	W
0930	LAE vs DAU	M
1100	RAB vs TAB	W
1230	RAB vs TAB	M
1400	OFFICIAL OPENING	-
1600	RAB vs MAD	M

TIME	DIAMOND THREE	DIVISION
0800	MAD vs TAB	W
0930	MAD vs TAB	M
1100	LAE vs POP	W
1230	LAE vs POP	M
1400	OFFICIAL OPENING	-
1600	POM vs LAE	M

TIME	DIAMOND FOUR	DIVISION
0800	RAB vs HAG	W
0930	-	-
1100	POM vs MAD	W
1230	POM vs MAD	M
1400	OFFICIAL OPENING	-
1600	RAB vs MAD	W

**DRAWS**

**DAY THREE: Sunday April 11, 1993.**

TIME	DIAMOND ONE	DIVISION
0830	POP vs DAU	M
1000	POP vs DAU	W
1130	POM vs RAB	M
1300	POM vs RAB	W
1430	-	-
1600	-	-

TIME	DIAMOND TWO	DIVISION
0830	-	-
1000	TAB vs HAG	W
1130	-	-
1300	POP vs HAG	W
1430	-	-
1600	-	-

TIME	DIAMOND THREE	DIVISION
0830	LAE vs MAD	M
1000	LAE vs MAD	W
1130	DAU vs TAB	M
1300	DAU vs TAB	W
1430	-	-
1600	-	-

TIME	DIAMOND FOUR	DIVISION
0830	-	-
1000	-	-
1130	-	-
1300	-	-
1430	-	-
1600	-	-

**DAY FOUR: Monday April 12, 1993.**

**FINALS**

<b>DIAMOND ONE</b> 08.00 GAME 1 - 1ST vs 2ND (MEN).	10.00 GAME 3 - LOSER GAME 1 vs WINNER GAME 2 (MEN).
<b>DIAMOND TWO</b> 08.00 GAME 1 - 1ST vs 2ND 9WOMEN).	
<b>DIAMOND THREE</b> 08.00 GAME 2 - 3RD vs 4TH (MEN).	10.00 GAME 3 - LOSER GAME 1 vs WINNER GAME 2 (WOMEN)
<b>DIAMOND FOUR</b> 08.00 GAME 2 - 3RD vs 4TH (WOMEN).	
<b>GRAND FINALS</b>	
<b>DIAMOND ONE</b> 12.00 WOMEN FINAL - WINNER GAME 1 vs WINNER GAME 3.	
14.00 MEN FINAL - WINNER GAME 1 vs WINNER GAME 3.	

**1993 OFFICIAL MOROBE COUNTRY  
SOCCER TOURNAMENT - LFA PARK  
9TH - 11TH APRIL**

Pool A	Pool B	Pool C
1. Intuap	1. West Wampar	1. Bulolo
2. Menyamyia	2. Morobe	2. St. Kria
3. Salamaua	2. Wau	3. South Wampar
4. Gaifar-Wap	4. Sangan	4. Labuta

Ground One	Ground Two	Friday April 9th
Intuap vs Menyamyia	W/Wampar vs Morobe	8.00am
Bulolo vs ST. Kria	Wau vs Sangan	9.00am
Salamau vs Gaifar-Wap	S/Wampar vs Labuta	10.00am
W/Wampar vs Sangan	Wau vs Morobe	11.00am
Intuap vs Gaifar-Wap	Menyamyia vs Salamaua	12.00am
ST. Kria vs South Wampar	Bulolo vs Labuta	1.00pm
Gaifar-Wap vs Menyamyia	Intuap vs Salamaua	2.00pm
Morobe vs Sangan	W/Wampar vs Wau	3.00pm
ST. Kria vs Labuta	Bulolo vs South Wampar	4.00pm

All games will be referred to draw

**AGATHA KAIU CUP NETBALL DRAW**

**Saturday, 10th April 1993**

Pool "A"	Pool "B"	Court 3	Team
1. Rebeis	5. Raukele	9.00	Bomana Police vs Levis
2. Bank of PNG	6. Taikone	9.00	30Kwikila vs Waima Poina
3. Kempa	7. Konepoti	10.00	Bomana Police vs Waima Poina
4. Telstars		10.30	Levis vs Waima Poina
		11.00	Bomana Police vs Inter-Sea Fish
		11.30	Levis vs Inter-Sea Fish
		1.00	Waima Poina vs Inter-Sea Fish
		1.30	Levis vs Telstars
		2.00	Waima Poina vs Telstars
		2.30	Inter-Sea Fish vs Telstars
		3.00	Waima Poina vs Rebels

Court 1	Court 4	Team
9.00	9.00	Inter-Sea Fish vs Rebels
9.30	9.30	Telstars vs Rebels
10.00	10.00	Inter-Sea Fish vs Kwikila
10.30	10.30	Telstars vs Kwikila
11.00	11.00	Rebels vs Kwikila
11.30	11.00	Rebels vs Bomana Police
1.00	1.30	Kwikila vs Bomana Police
1.30	2.00	Rebels vs Levis
2.00	2.30	Kwikila vs Levis
2.30		
3.00		

Please note that the above ties may be subject to changes. The play off for placings will be played on either Saturday afternoon or Sunday morning depending on the availability of time.



# Madang bilip long bagarapim Ista Wiken sofbal sempionsip

## BEN TAUMAI I raitim

MADANG i gat strongpela bilip long bagarapim sindaun bilong Mosbi na Lae taim ol i bung long B & H nesenel sofbal sempionsip long Mosbi long dispela wiken.

Tim menesa Joseph Zale na kosa Allan Waiiau i tok tim bilong Madang i gat ol gutpela pilaia. Na sapos ol inap yusim gut bal na banisim ol beta bilong ol birua tim, ating ol bai winim taitel na bringim i go bek long Madang.

Inap long tupela wik nau, tupela i amamas

tru long lukim kain trening bilong ol pilaia.

Waiiau i tok, "Olgeta samting i orait pinis. Na nau mi stretim ol pilaia long wok bilong paitim bal tasol."

Zale tu i tok em i amamas tru long trening bilong ol man. Tasol em i no klia long

sait bilong ol meri. Em i tok ol man bai go insait long ol fainal na ating ol meri tu bai wankain.

Tasol Madang bai

bungim bikipela hevi tu long dispela wiken. Sta pitsa bilong ol, Allan Tomang i no inap pilai bikos han bilong em i solap.

Tasol Waiiau i tok ol stenin pitsa, Graham Chan na Arthur Palat bai kisim han bilong em na kamapim ol bagarap long Ista Wiken.

Madang i gat ol sampela gutpela pilaia tru long skwat. Sampela bilong ol husat bai

lukautim infil em Meli Taragau long sotstop, Thomas Tabua long namba wan bes, Salis "Junia" Zale long namba tu bes, Hondo Bart long namba tri bes, Parau Tavua long outfil, Mina Arthur na Carson Victor long rait outfil.

Na ol arapela pilaia

husat bai givim bikipela han tu long Madang long dispela wiken em Desmond Zale, Sialis Taman, na Paul Kig.

Long las yia taim ol pilai long Lae, ol i bin kamap namba tri. Na nau ol i laik go antar olgeta na karim sil i go bek long Madang.

## Vitiaz redi long wokim nois gen

KING bilong Rabaul pri sisen kik, Vitiaz "Z" long dispela wiken bai bungim strongpela salens liklik taim ol i bungim Raiders "A."

Vitiaz "Z" i wanpela strongpela tim tru long kik bilong pri sisen long Rabaul. Tupela wik i go pinis ol i bin autim tiket bilong Vunakanau "Z" na kisim ples bilong ol long stap antap long poin lata.

Vunakanau i bin go pas wantaim 10 poin tasol Vitiaz i nekim ol na kisim ples bilong ol. Bihain long pilai bilong las wiken Vitiaz "Z" yet i go pas nau long poin lata wantaim 14 poin taim

Vunakanau "Z" i bihainim ol long 12 poin. Namba tri long lata em Raiders "A."

Olsem na long dispela wiken Raiders bai traim long stapim Vitiaz long sutim gol. Ol straiika bilong Raiders inap brukim umben sapos ol pilaia bilong Vitiaz i no strongim banis.

Tasol Raiders i no ken pilai kaskas bikos Vitiaz i gat namba long brukim umben bilong birua tim. Long las wiken ol i bin bagarapim stret Keravat nesenel hai skol "Z".

## Stars holim taitel long Banz tas resis

MALBANG STARS tim bilong ol meri i wok go het nau long winim ol gem bilong ol insait long Banz Tas Ragbi 7-asait kompetisen.

Long las wiken ol i bagarapim sindaun bilong olpela kompetisen lida, Royals 5-3 na Eagles 3-1 long Sarere.

Long Sande ol i kamapim wankain stail bilong ol na ol i daunim Dragons 3-nil.

Dispela i bringim nau poin bilong ol i go antap long 6.

Lapun pilaia bilong ol Cathy Greg na kepten bilong ol Rita Guan, Vero Tru na Maria Poro i go pas long soim stail bilong ol taim Malstars i pilai wantaim Royals long Sande.

Planti man i bin bilip olsem Royals bai win tasol ol meri nogut bilong Malbang i tanim tebol.

Royals i go pas long sko taim Betty Maima i

salim Lynda Pakyo i go putim wanpela trai.

Tasol Malstars i kam strong na bekim wantaim tupela gutpela trai long namba wan hap.

Orait long namba tu hap Malstars i putim gen narapela tupela trai na bringim sko bilong ol i go antap.

Long ol narapela gem long Sarere, Waghi Cats i dro wantaim Klos Panthers 2-2 na long namba wan gem long Sande ol i dro gen wantaim Souths 1-1 tasol ol i winim Dragons 1-nil.

Royals nau i ron long namba tu ples wantaim 21 poin bihain long ol i lus long Sande na Elcom Sparks i go pas nau wantaim 23 poin.

Kepten bilong Elcom Julie Kongo nau i wok long kisim sapot i kam long ol pilaia olsem Anna Wapi, Magdalyn Noah, Betty Kawage, Martha Andrew na Jennifer Parnap.



• Dispela pilaia bilong PTC long lephan i laik traim long rausim bal long lek bilong wanpela pilaia bilong CMB. Dispela i wanpela long kik bilong pablik sevan soka. Kain kik tasol i wokim na tim bilong em PTC bai stap insait long gren fainal.



• Ol meri Elcom Sparks i sanap wantaim tupela sapota bilong ol Kaman Kot (lephan) na David Aprox (raitlan).

# PTC redi long stapim win bilong Works

## WINIS MAP i raitim

PTC TIM bilong ol man long dispela wik Sande bai traim long stapim Works long winim ol taim tupela i bung long gren fainal kik bilong Pablik Seven.

Ol boi PTC i bin winim gren fainal kik long las yia olsem na long dispela wiken ol bai stapim Works long winim ol. Long las yia PTC i salensim PNGBC na ol i winim ol boi long beng.

Tasol long dispela wiken ol bai traim bun bilong Works long lukim husat i top tim long Pablik Seven kik. Works i no tim nating ol i wok hat na go insait long kik bilong gren fainal olsem na PTC i mas lukaut.

Lukluk long strong bilong Works, ol i bin pilaim 29 gem. Long dispela ol i winim 12-

pela na dro long 9-pela. Long rekot buk bilong Works ol i no lusim wanpela gem. Works i bin bungim PTC na tupela i bin dro.

Koša bilong Works, Gordon Lee i gat sampela gutpela pilaia na em bai yusim ol dispela lain long sutim moa gol. Man husat bai go pas long Works em Wesley Waiwai. Waiwai bai traim pairapim umben bilong PTC long lukim sapos ol strongpela kik bilong em inap brukim umben.

Narapela pilai bai helpim Waiwai em Paul Moang dispela tupela man bai pilai straika. Man husat bai kirapim das long sailtain em Cyas Mathew. Wok bilong Cyas em long kikim bal i go long namel long mekim isi long Waiwai na Moang long sutim i go insait long umen.

Works i gat strong-

pela midfil na dispela bai helpim ol. Long midfil Works i gat Abong Kerang, kepten Peter Punau, Kanawi Kupe Yani Kanikap na Lesley Babaga. Babaga bai traim stapim ol wanwok bilong em long winim Works. Long las yia Babaga i bin pilai wantaim PTC na ol i winim gren fainal. Tasol long dispela yia em i lusim ol wanwok bilong em na joinim Works.

Tasol kosa bilong PTC, Joe Ganisie i makim pinis ol pilaia long was gut long Waiwai na Moang. Dispela tupela man bai no inap ranawe long Sande.

Ganisie i tok Works i wanpela strongpela tim na PTC i no inap luk daun long ol. Em i tok PTC i respekim Works olsem wanpela tim husat i bin wok hat long sisen na kam long gren fainal.

PTC bai pilai tasol na traim winim ken gren fainal long namba tu



• Wesley Walwal long raitan i putim ai long bal. Long dispela wiken Waiwai bai traim long stapim PTC long winim tim bilong em, Works.

taim. Works i no ken pilai kaskas long PTC bikos ol i gat sampela strongpela pilaia husat inap rausim tiket bilong

Works. Ol pilaia bilong PTC husat bai pilai strong na daunim Works em Pombuai Pepi, Max

Metta, John Peter, Hans Gewabing na Mara Langogo. Hans na Langogo yet bai pilai straika. Wok

bilong tupela em long brukim planti kiau insait long umben bilong Works. Sapos goli i go moa long pes 27

## Tupela PTC tim wokim nem gen long Mosbi

i kam long pes'28 pela ol lain i save pilai long Mosbi Soka Asosiesen na ol i gat sampela save long abrusim ol kik bilong Yuni.

Tupela straika Fredrica Siwin na Kimmie Bausa bai go pas long PTC long brukim umben bilong Yuni.

Siwin em i hapmeri tru long brukim ol umben olsem na ol birua pilaia i mas stapim em. Narapela meri husat bai helpim tupela long midfil em Phoebe.

Banis bilong PTC bai stap long lukaut bilong Melvine Luke na Rose Sevese. Dispela tupela

pilaia bai lukautim beklain na wok bilong tupela em long rausim bal pastaim long bal i go klostu long umben.

Meri husat bai was long umben em Rita. Rita i gat bikipela wok tru na em i mas lukluk gut long lek bilong ol birua pilaia, nogut ol i givim em K1.

# Madang Guria dai long dispela sisen

## BEN TAUMAI i raitim

OLPELA biknem soka klap bilong Madang, Guria i no inap pilai long dispela yia.

Long wanem ol i no bin baim klap afiliesen fi bilong ol bihainim taim em asosiesen i makim long en.

Presiden bilong Madang Soka Asosiesen, Peter Angasa i tokaut long dispela bihainim lo bilong las kibung. Lo i tok sapos wanpela klap i no baim ol afiliesen fi bilong en, dispela klap i no inap pilai long dispela sisen. Tasol em i ken traim gen long neks yia.

I gat narapela tripela klap tu em asosiesen i no inap oraitim long pilai. Ol dispela klap em Panafun, KPI na Spiders bikos ol tu i no baim ol fi bilong ol.

Angasa i tok em i wari tru olsem wanpela biknem klap olsem Guria i no inap kik long dispela sisen. Bikos dispela klap i gat gutpela nem long Madang na i bin kamapim pinis planti biknem soka pilaia.

Guria i bin stat long 1982 aninit long nem bilong Admiralty soka klap. Na long dispela taim i kam

inap long 1984, ol i bin winim Independens Kap tripela taim.

I kam inap long 1990 ol i wokim nem gen long winim Watabag long gren fainal, tasol long 1991 na 1992, ol i bin bin lus bikos klap i bungim sampela hevi.

Sampela ol biknem soka pilaia husat i kamap long Madang Guria em Dickson Laviong, Bobby Morris, Patrick Kiromat, Joe Sapa na Camillus Cholai.

Man husat i bin statim dispela klap aninit long nem bilong Admiralty em Bobby Morris.

Em i tok, "Mi sori long harim nius olsem mipela i no inap pilai long dispela yia. Tasol em i orait, neks yia bai mipela stretim ol samting-na stat pilai long gen long namba wan divisen na traim go antap long primia resis."

Kosa bilong ol meri Guria, Rueben Amadi i tok em i no amamas long dispela. Na em i laik save long wanem hap tru em ol arapela mani bilong klap i stap long en.

Amadi i tok em i les long toktok planti na tok tasol olsem: "Wari bilong ol."



• Dickson Laviong man husat i bin go pas long Tim bilong Guria long las yia. Long dispela yia Guria i no bin givim nem long stap insait long resis bilong MadaSoka Asosiesen.

# MOROBE JUNIA DEVELOPMEN PROGEM

## Peka gat 8-pela kosa pinis bilong kirapim ol wok

### YAKAM KELO I raltim

MOROBE Junia soka developmen kem bai stat long Epril 13-16 we 50 yangpela manki insait long ol komyuniti na haikul insait long Morobe provins bai bung long Lae soka graun inap long wan wik olgeta.

Dispela progrem ol i kolim MOROJUN Soka Developmen Progrem, em biknem soka kodineta bilong Morobe Kantri,

Ludwig Peka i kamapim na bai go pas long en.

Long las yia i kam, Ludwig i wok hat long kamapim plen bilong dispela progrem.

Namba olsem 30 sumatin bilong ol komyuniti skul insait long Lae i gat nem pinis long kamap bung long dispela de. Narapela 20 em ol sumatin long ol haikul.

Ludwig i gat 8-pela kosa pinis husat bai helpim em long lukautim ol manki ya long ol trening. Ol kodineta husat bai givim skul tu long dispela kem em Idris Kum-

brawah olsem sef Instrukta, teknikel opisa em Masamoto Shinetsu bilong Japan, narapela teknikel opisa em Aron Mugalion, man i makim Provinsal spot opis em Peiwa Waea na Peka yet em kodineta bilong kem.

Bikpela tingting bilong dispela kem em long bungim ol yangpela manki insait long kain developmen progrem we ol i ken bikpela wantaim gutpela skul na trening na rul bilong pilai. Na tu long kamapim gutpela pilai long taim bihain.

Ludwig i tok em i gat longpela

tingting na plen bilong dispela progrem. Na em bai go het yet long bungim ol dispela manki long ol skul holide bilong ol inap ol i kam aut na karim nem bilong Lae na kantri long taim bihain.

Ludwig i kamapim dispela tingting bihain long em i kam bek long wanpela soka developmen kos long Fiji long 1991. Tasol dispela tingting tu i laik go wankain long plen em PNGFA i laik kamapim long wok bilong PNG Junia Developmen Progrem em Andrew Waho, husat i dai pinis, i

laik kamapim.

Tasol Ludwig i laik strongim dispela progrem olsem na PNGFA i ken go het nau long bungim na givim helpim na sapot i go long Ludwig.

Long dispela yia, Ludwig i bin kisim setigiket o pepa i kam long Australia Soka Federesen olsem Level 3 kosa insait long kantri. Tasol Peka i tokim *Wantok* olsem em bai putim o givim wanem samting em i kisim i go insait long kirapim wok soka insait long ol junia level long kantri.

## Lorengau redi long pri sisen

### WINIS MAP I raltim

LORENGAU Soka Asosiesen (LSA) i redi nau long holim namba wan pilai bilong pri sisen. Namba wan pilai bilong pri sisen bai kamap long dispela wiken.

Presiden bilong LSA, Benedict Tapas i tok ol bai holim pri sisen kik long tupela wik tasol.

Bikos ol i no gat taim na ol i mas statim kik bilong sisen tru. Em i tok kik bilong pri sisen i no inap stap longpela taim, bikos kik bilong sisen tru i klostu pinis.

MSA i tingting long statim stret kik bilong

sisen tru. Na lus tingting long pri sisen bikos taim bilong pilaim pri sisen i pinis.

Lorengau Soka Asosiesen i gat 7-pela tim. Dispela ol tim i bin pilai long sisen bilong las yia. Long dispela yia, no gat nupela tim i givim nem. Ol tim husat bai kik long dispela yia em Wod 1, 2, 3, 4, 5, 6 na wod 7.

Liklik taun bilong Lorengau i gat 7-pela wod. Olsem na LSA i askim wan wan wod long kamap wantaim wanpela soka klap.

LSA i kamapim dispela tingting long larim ol lain i stap long wanpela wod eria i bung wantaim. Dispela i helpim

ol pipel bilong wan wan wod long wokbung na save long ol yet.

Klap afiliesen fi bilong dispela sisen em K100 long wan wan klap. Pilaia registresen fi em K6. Long dispela K6, ol bai givim K4 pilai registresen i go long Papua Niugini Futbal Asosiesen na LSA bai kisim K1. Taim klap bai kisim K1.

Nau yet Manus Futbal Federesen (MFF) i wetim sampela asosiesen long baim afiliesen fi bilong ol. Afiliesen fi bilong MFF bai pas long Epril 19. Askim nau i go long ol asosiesen husat i no baim yet afiliesen fi bilong ol long baim hariap.



• Mathew Waram, man husat i bin kamapim kik bilong Goroka. Wanpela wik i go pinis Waram i bin tokaut olsem em bai lusim wok bilong presiden. Long poto Waram i ron wantaim bal taim em i pilai wantaim tim bilong em Guria.

## PTC redi long stapim win bilong Works

i kam long pes 26

bilong Works Moses Kepu i no was gut em bai lukim wara i kapsait long umben.

Taim Metta na Peter bai pilai long midfil na tilim bal i go long ol wanpilai bilong tupela. Metta inap brukim umben bilong Works tu

sapos Works i givim sampela spes.

Pombuai Pepi bai was long beklain na sanapim banis kolstu long umben. Tupela straika bilong Works, Waiwai na Babaga bai painim hat long abrusim Pepi. Sapos tupela i abrus Pepi bai

katim tupela na rausim bal long lek bilong tupela.

Narapela samting em bai i gat tupela kik i kamap pastaim long kik bilong gren fainal i kamap. Pastaim long gren fainal kik bilong ol meri, ol meri PMSA bai pilai wantaim PSSA

meri long opim kik. Na tupela masters tim bilong PSSA na PMSA bai opim gren fainal kik bilong ol man.

Meri husat bai wokim opisal kik op bilong ol meri em Josepha Kanawi na David Unagi bai opim gren fainal kik bilong ol man.

## Lae redi long holim kosa kos

### YAKAM KELO I raltim

WANPELA kos bilong ol soka kosa bilong Lae bai kamap long Epril 9-12 long LFA klap haus.

Dispela kos em ol i kolim "Besik kosa kos" we husat pilaia o kosa husat i no gat setifiket yet i ken sindaun long en.

Siaman bilong LFA Gems Kaunsil, Aron Mugalion i tok em i kisim pinis moa long 50 nem bilong ol man husat i soim laik long sindaun long kos ya.

Sampela bilong ol em-ol olupela nesanel pilaia na tu ol pilaia husat i kik yet na ol kosa husat i no gat setifiket.

LFA i soim laik pinis long helpim kodineta bilong dispela kos bikos em i ken kamapim gutpela helpim bihain long ol lokol asosiesen insait long provins.

I gat 34 klap insait long kik resis bilong LFA olsem na Aron i askim ol dispela klap long wok bung wantaim na salim ol memba bilong ol i kam.

Dispela em i besik kos we husat i sindaun long en i gat sans long sindaun gen long junia Julai 26 na 30 Level. 1 kos long LFA klap haus yet.

Aron i tok em i luksave olsem i gat planti ol kosa insait long Lae i no gat setifiket tasol ol i wok long yusim tasol eksperiens. Taim ol i save makim skwat bilong Lae, i save hat liklik long ol kosa i aplai bikos ol i no gat setifiket. Olsem na dispela kos bai helpim ol i kisim setifiket na tu mekim resis namel long ol kosa i go strong na bikpela.

Presiden bilong Lae Soka Referis Asosiesen (LSRA), Paul Pondo bai kamap long dispela kos olsem wanpela instrakta bilong toktok long ol na rul bilong referi insait long gem.

Aron bai kisim helpim tu i kam long Ludwig Peka olsem asisten kos instrakta.



# BENSON & HEDGES SOKA

Wantok

## Pablik sevan... G' FAINAL



• Dispela em tim blong PTC husat bal bunglim Yunivesiti long gren fainal.



• Ol boi PTC i redi tasol long bunglim Works long gren fainal.

### Tupela PTC tim wokim nem gen long Mosbi

#### WINIS MAP I raitim

PABLIK Sevan soka gren fainal bilong ol meri long dispela wik Sande bai stap namel long Yunivesiti na PTC. Dispela pilai bai kamap long Bisini soka graun. Dispela em i namba wan taim bilong PTC

long stap insait long gren fainal na ol i redi tasol long lusim waia bilong Yunivesiti. Taim kik bilong ol pablik sevan i stat long 1991, PTC i no bin stap insait long ol fainal. Na long las yia, ol susa bilong PTC i smelim tasol gren fainal taim ol i go long nokaut na lus. Tasol

long dispela yia, ol i wok hat tru na ol bai skelim bun wantaim ol meri Yuni long gren fainal. Yunivesiti i no tim nat-ing. Ol i gat namba long stap insait long kik bilong gren fainal stat long taim resis bilong Mosbi pablik sevan soka i kamap long 1991 i kam inap nau.

Dispela bai makim namba tri taim bilong ol long kik long gren fainal. Las yia Edukesen i bin rausim tiket bilong ol na winim tai-tel. Tasol long dispela yia, Yuni i bel hat yet na laik tru long bungim Edukesen gen. Tasol Edukesen i no bin inap long go long gren

fainal. Olsem na ol bai kik wantaim PTC. Wantaim dispela ekspiens long stap insait long gren fainal Yuni bai pretim PTC. Ol meri Yuni i save long kik long gren fainal na ol i no inap guria long pilai. Lina Waho wantaim ol lain meri bilong em bai givim sampela skul

long PTC taim ol i bung long Sande. Maski Yuni i gat ekspiens long kik bilong gren fainal, ol kandremeni bilong PTC bai painim sampela rot long stapim ol. PTC i bin dro pinis wantaim Yuni taim tupela i bung long wanpela kik bilong sisen. Olsem na ol i save long stail Yuni i

save yusim long daunim ol birua tim. PTC i gat sampela gutpela pilaia husat inap daunim salens Yuni i kamapim. Ol pilai husat inap kirapim das long Sande em Fredrica Siwin, Pheobe Rarabun, Rose Sevese, Kimmie Bausa na Melvine Luke. Dis-i go moa long pes 26

**BENSON & HEDGES SOCCER**

### PMSA resis long Sarere na Mande

#### WINIS MAP I raitim

MOSBI Soka Asosiesen (PMSA) bai holim ol pri sisen kik bilong en long dispela wiken. Dispela em i nokaut resis na bai kamap long tupela wiken tasol. Namba wan pilai bai kamap long Sarere. Bai no gat kik long Sande bikos Mosbi

PSSA bai holim gren fainal kik bilong ol long Bisini soka graun. Tasol bai i gat pilai i kamap long Ista Mande. Olgeta tim husat i givim nem bai pilai wanpela gem tasol. Sapos wanem tim i lus, ol i no inap pilai long ol fainal. Kik bilong fainal bai kamap long nara-pela wik. Wanpela divisen

husat i no stap insait long resis em Masters divisen. PMSA i tambuim tim bilong ol masters long kik bikos ol primia tim husat ol i bin askim long kamapim masters tim i no gat planti pilaia husat i winim 36 krismas. PMSA i givim tok lukaut tu i go long ol tim husat i givim nem pinis bilong stap insait long nokaut resis

olsem ol i mas baim K50 nominesen fi hari-ap. Wanem tim i no baim dispela fi bai lusim poin. Na ol i no inap long larim ol long pilai. Nau yet seketeri bilong PMSA, William Vui i askim ol primia tim husat i bin putim masters tim long 7-asait kompetisen long tok save long em sapos ol i gat tingting long putim wanpela tim long sisen tru. PMSA i laik save sapos ol dispela klap bai putim tim bilong masters long sisen tru. Bikos dispela bai helpim ol long save long namba bilong ol divisen i kik na namba bilong ol tim. Na taim ol i wokim dro, ol i no inap bungim hevi.

### Lae stat redi nau long Momase tonamen

#### YAKAM KELO I raitim

LAE Futbol Asosiesen (LFA) i makim pinis sinia mens kosa na anda 19 kosa bilong Lae soka skwat long las wik. Tupela man ya em Ludwig Peka husat bai kisim sinia man skwat na Aron Mugallion husat bai kisim ol anda 19 skwat i go long Momase Rijonal Soka Tonamen long Madang long mun Jun long dispela yia. Aron i tok em bai makim anda 19 skwat bilong em long neks wik na stat trening wantaim ol. Em bai kisim olsem 20 pilai na ol bain daunim

skwat i go long 22 pilaia. Aron i tok LFA i kisim wanpela pas i kam pinis long soka asosiesen bilong Kens, Australia long holim wanpela soka resis namel long tupela asosiesen ya. Dispela pilai resis bai kamap long mun Oktoba long dispela yia. Olsem na em bai go insait nau long trenim na redim anda 19 skwat bilong Lae pastaim long de bilong dispela resis i kamap. Long skwat bilong ol sinia man i go long Madang, Ludwig i askim ol klap insait long Lae long makim 4-pela pilaia bilong ol na givim nem i kam long em bai em i ken stail trening.

**LUKIM DRO INSAIT**

FRI WANTAIM WANTOK

# RUGBI

Fonde, Epril 8, 1993

LIG NIUS



# Traim: GURIA na VIPERS

## ... Rabaul bai laki long kisim asples sapot

WINIS MAP i raitim

RABAUl Guria long dispela wiken bai traime bun bilong Mosbi Vipers gen taim tupela i bung long bikpela pilai bilong Inta Siti resis long Rabaul.

Dispela tupela tim i bin bung long namba wan raun na Vipers i winim ol long 38-20 skoa. Olsem na long dispela wiken, Guria bai sambai tasol long bekim dinau bilong raun wan.

Guria bai yusim wankain lainap ol i yusim long las wiken taim ol i pilai wantaim Lae bombers. Long las wiken Guria i bin bagarapim stret sindaun bilong Bombers, 28-12. Dispela i bin namba wan taim Guria i winim

Bombers long pilai bilong Inta Siti Kap. Taim Inta Siti resis i stat long 1990, Guria i no bin winim wanpela gem egensim Bombers.

Long dispela wik Sande, Vipers bai bun guria liklik taim ol i go pilai long asgraun bilong Guria. Long wanem planti man long Rabaul nau bai sapotim Guria long winim ol boi Mosbi.

Wankain gem plen na stail Guria i yusim taim ol i winim Bombers bai kamap long dispela wiken. Tasol bai i gat sampela liklik senis long stail bilong pilai.

Long dispela wiken, bikpela wok bai stap long faiv eit Willie Langa na hapbek Joachim Sapat. Wok bilong Langa em long

stapim Elias Paiyo na Sapat bai putim was long Aquila Emil. Kosa bilong Guria i wok nau long kamapim stail bilong pilai Langa na Sapat bai yusim.

Long fowat, Kus Poto bai traime long stapim ol strongpela ron bilong Joe Gispe. Gispe bai kisim taim liklik long wokim ol strongpela ron bikos Poto i redi pinis long katim em. Narapela fowat Vipers bai painim hat long stapim em Karl Mitilidi. Mitilidi i wanpela strongpela man na dispela inap helpim Muruks long brukim banis bilong Vipers.

Narapela man Guria i gat bilip long em long kirapim das long Sande em longpela muruk,

Lipirin Palangat. Palangat i wanpela man bilong ron na sapos birua pilai bilong em i no was gut, em bai kirapim das long sait-lain.

Guria bai win sapos Langa, Sapat na huka Johnny Barbs i tilim gut bal long ol wan pilaia bilong ol. Dispela tripela man em ol pilaia husat inap tanim gem i go wansait sapos Vipers i no stapim ol.

Vipers tu i gat tingting long yusim ol wankain pilaia husat i bin pilai long las wiken taim ol i winim Mendi Muruks, 34-10. Dispela lainap bilong las wiken i gutpela na em i kamap ples klia taim ol i pilai long fil.

Ol pilai husat bai pretim ol pilaia bilong Guria long asples bilong ol em Joe Gispe, Kes Paglipari, Kera Ngaffin na James Naipao. Dispela ol lain inap brukim banis bilong Guria sapos Guria i no strong long stapim ol.

Tasol tupela man bilong tanim pilai i go wansait em Elias Paiyo na Aquila Emil. Paiyo na Emil i gutpela long wokim saitstep na tupela i ken paulim ol pilaia bilong Guria.

Guria i laiki bikos ol bai i gat sapot i kam long ol lain bilong ol. Na dispela bai kirapim tingting bilong ol pilaia long pilai strong. Tasol dispela bai no inap stapim Vipers long winim pilai.

## Brothers meknais long Mosbi resis

BROTHERS A gret tim long Mosbi Winfield Lig resis long las wiken i bin wokim planti lain i kirapim nogut taim ol i winim Defence wantaim 26-20 skoa.

Bihain long 4-pela gem Brothers i stap daunbilong long poin lata wantaim no gat skoa. Ol i lusim olgeta 4-pela gem bilong ol olsem na ol i no kisim wanpela skoa.

Tasol long las wiken ol i bin wokim Defence i luksave olsem ol i no wanpela tim nating. Dispela pilai bilong ol long las wiken i soim olsem ol i wokim planti wok long trening long traime rausim nem nogut.

Brothers i bin putim trai pastaim long namba wan hap. Dispela trai i bin kam long Sam Karom na Tom Jones i kikim konvesen

long kisim skoa i go antap long 6-0. Narapela trai bilong Brothers i bin kam long Moses Ulea taim huka Eri Emei i setim em. Pastaim long dispela trai Brothers i bin kisim penalti kik taim wanpela pilaia bilong Defence i wokim paul pilai. Na Jones i kikim stret i go insait namel long pos.

Long hap taim Brothers i bin go pas wan-

taim 14 poin na Defence 10. Defence i no bin strong tumas olsem na Brothers i daunim ol. Wanpela samting i rong em Defence i bin wokim planti paul pilai na dispela i givim sans long Brothers long yusim dispela olsem wanpela rot long daunim Defence.

Brothers i bin brukim namba wan kiau taim ol i putim namba wan trai long namba tu hap bilong pilai. Tom Jones i bin putim dispela trai taim em i brukim banisim Defence i sanapim.

Tupela wantaim i bin traime long stapim arapela long skoa tasol Brothers i strong moa. Hap bek na kepten bilong Brothers, Robert Bulu i bin wok hat tru long tilim bal. Bulu yet i bin putim namba tu trai taim em i wokim liklik sait step na skoa. Narapela trai i bin kam long Fred Leo na dispela i bin kisim skoa bilong Brothers i go antap long 26.

Defence i bin lusim planti ol sinia pilai olsem na Brothers i daunim ol. Faiv eit Tony Dapel i no bin stap long las wiken na George Kele i kisim

ples. Ol arapela pilaia olsem Krenwenty, Miviri, Ngaffin, Vue na Paglipari i stap long Vipers skwat.

Liklik hap bek bilong Defence, Michael Waila i bin wok hat long tilim bal na stapim tu ol bikpela fowat bilong Brothers. Waila i no bin wari long ol bikpela fowat bilong Brothers na wok hat long stapim ol.

Ol fowat bilong Brothers i gat bikpela bodi olsem na taim ol i kisim bal ol i save ranawe bipo long Defence i stapim ol. Fowat lain bilong Defence i no gat ol bikpela man tasol ol i no wari long dispela.

Martin Yeki i wanpela strongpela pilaia Brothers i painim hat long stapim. Narapela fowat husat i bin sekim bun bilong ol bikpela fowat bilong Brothers em David Porykali na Paul Dori. Lok, Nelson John tu i bin helpim tupela,

## Pawa bilong ol Royals moa yet

LAE Bisket Royals i bin bagarapim Souths long Mosbi Winfield Lig wantaim 28-16 skoa taim tupela i bung long bikpela gem long las wiken.

Royals i bin pilaia gut tru long taim pilai i stat. Royals yet i bin opim skoa taim risev pilaia Robert Tia i skoa. Tia i bin go insait taim kepten Weka Lae i kisim bagarap na ol i rausim em bikos em. Bihain tasol long trai, Tia i kam nut gen na Leka i go insait long pilai.

Ol plisman i no bin isi long Souths na stapim ol long skoa. Ol bikpela fowat bilong Royals olsem Rex Kaupa, Brown Bai, Mondo Dun, John Waruru na Weka Lae i bin wok hat tru. Souths i bin painim hat long stapim sampela long ol dispela pilaia taim ol i ron wantaim bal.

Kosa bilong Royals, Adrian Genolagani i bin wokim gutpela senis tru long larim Silas Genolagani i pilai senta. Pastaim em i putim Sailas i ron long saitlain tasol em i lukim Silas inap pilai gut long senta posisen na larim em i pilai long hap.

Tupela tim i bin strong tru long namba wan hap bilong pilai. Long namba wan hap Royals na Souths i bin kisim 10 poin. Dispela skoa i soim tru olsem strong bilong tupela tim i wankain long namba wan hap.

Souths i bin lus bikos ol i no kamapim strongpela pilai long namba tu hap. Souths i putim wanpela trai na kisim wanpela penalti kik. Taim ol plisman i putim tripela trai olgeta long namba tu hap bilong pilai.



• Dispela em pilai namel long Defence na Brothers. Brothers i bin strong na winim Defence, 26-20.

## SECTION 5: MODE OF PLAY

**Object** 1. The object of the game shall be to ground the ball in the opponent's in-goal to score tries (see Section 6) and to kick the ball over the opponent's cross-bar to score goals (see Section 6).

**Start of Play** 2. The captains of the two teams shall toss for choice of ends in the presence of the referee.

The team of the captain losing the toss shall kick-off to start the game.

**Mode of Play** 3. Once play has started any player who is on-side or not out of play can run with the ball, kick it in any direction and throw or knock it in any direction other than towards his opponent's dead ball-line

(See Section 10 for Knock-on and Forward Pass).

**Tackling** 4. A player who during play is holding the ball may be tackled by an opposing player or players in orderly to prevent him from running with the ball of from kicking or passing it to one of his own team. (Section 11 for

Tackle).

**Obstruction** 5. A player who is not holding the ball shall not be tackled or obstructed. (See Section 15).


**NOTES**

**Shoulder Charge** 5. If two players are running side by side near to and towards the ball it is permissible for one to charge the other with the shoulder.



• Winga bilong Souths James Warea wantaim bai i kisim taim liklik taim wanpela pilaia bilong Royals i traime holim nek bilong em.

**DOWN TO BASICS**



by **IVAN RAVU**  
Rugby League National Coaching Director

# KNOW THE RULES

COACHES and player must know the rules but more so for the players so they can use them to their advantage on the field when ever necessary and in situation such as:

1. If your team knocked the ball forward, a player in your team in an on-side position should make every attempt to dive on the loose ball to complete the knock-on instead of allowing the opponent to gain

possession. In this situation the referee will allow advantage to the non-offending team to play on if they gain possession, but if they don't then the referee will call for a scrum where the ball was knocked forward. The non-offending team will have the loose head and the put-in.

The advantage your team might have if one of your players dived on the loose ball in the 50/50% chance of winning the

scrum if the ball is fed in the centre of the scrum where it should be.

Therefore if you knock the ball forward always dive on it.

2. If you are in an off-side position which is in front of the player who is in possession or last in possession when the ball is knocked forward, you should not play at it, i.e. pick it up or kick the ball, as soon as you make contact with the ball the

referee will penalise you for playing at the ball from an off-side position. Having a 50/50 per cent chance of gaining possession from scrum is better then giving away a penalty.

**Skill**  
**Receiving a Pass**

Prepare to receive the ball with arms close to the body. Always use both hands in receiving and keep the eyes on the ball.

## Mack amamas long anda 21 kisim sapot

PRESIDEN bilong Lae Winfield Lig, George Mack i givim bikpela tok amamas bilong em i go long Lae Intanesenel Hotel long givim yunifom bilong pilai i go long anda 21 tim bilong Lae.

Bihain long dispela sponsasip, ol i givim tu nupela nem bilong tim na kolim "Lae Intanesenel Hotel Topedoes." Lae Intanesenel Hotel i sponsapim tu United ragbi lig klap long Lae.

"Helpim mani ol i givim long tripela yia i go pinis i helpim tru wok bilong ragbi lig long Lae," Mack i tok.

Long las wiken anda 21 tim bilong Lae i bin winim Madang wansait wantaim 25-0 skoa. Dispela nupela

yunifom i hapim tru tingting bilong ol yangpela pilaia bilong Lae long pilai strong.

Long dispela wiken, Lae Topedoes bai bungim Goroka long opim pilai bilong Inta siti resis namel long Lae Bombers na Goroka Lahanis.

Long taim bilong tokaut long dispela sponsasip, opis menesa bilong Lae Intanesenel Hotel, Scott Sinahu husat i bin kisim ples bilong jenrel menesa i tok em i amamas long kampani bilong em long helpim ol yangpela ragbi lig pilaia bilong Lae. Bikpela tru em long ol pilaia bilong Lae Topedoes.

"Dispela nupela yunifom bai helpim ol long pilai strong.

## Tripela noten son out!!

**WINIS MAP i raitim**

WEWAK long dispela yia i no inap holim ragbi lig gem bikos ol i no afiliet i go long Papua Niugini Ragbi Futbol Lig (PNGRFL).

Wewak Ragbi Lig (WRL) i no bin baim afiliesen fi pastaim long taim PNGRFL i makim. Olsem na ol i no inap pilai. Narapela senta long Noten Son husat i no inap pilai long dispela yia em Vanimo na Wau/Bulo-

lo. PNGRFL i stapim ol bikos ol i no afiliet long taim stret. Tasol sapos ol i laik holim pilai PNGRFL bai no inap luksave long ol.

PNGRFL edministreta, Jack Metta i bin askim Vanimo long statim junia lig. Bikos Vanimo i no inap holim pilai bilong ol sinia gret long dispela. Wantaim dispela tingting ol opisal bilong Vanimo Ragbi Lig i stretim ol toktok pinis long holim junia resis

long dispela yia. Pundaun bilong Wewak Ragbi Lig (WRL) i kamap bikos ol opisal na klap i no save wok bung wantaim. Planti ol pilaia na klap opisal bilong ol i no save wok bung wantaim ol opisal bilong WRL.

Wanpela bikpela rong ol i save wokim em long wokim gut plen bilong yusim mani. Provinsal spot opisa, Terence Moka i tok ol opisal i no save lukluk long yusim mani gut

na plenim long yusim long narapela taim. Taim ol i kisim mani ol i save laik yusim tasol long wanpela sisen na bihain ol i save painim ken narapela mani long taim sisen bilong narapela yia i stat ken.

Ragbi lig i dai long Wewak tasol ragbi tas i wok long kamap. Wewak nau i gat wanpela ragbi tas asosiesen na ol i save pilai long Perico plis bareks. Man husat i go pas long dispela tas resis em Raphael Dren.

## Vipers kirap bek long matmat bilong inta siti

VIPERS i rausim sem bilong ol pinis bihain long ol i winim Curtain Kutubu Muruks, 34-10 long las wiken.

Taim PRL Vipers i lusim namba wan gem bilong ol wantaim Goroka Lahanis tripela wik i go pinis, planti sapota i no bin amamas. Na long tupela wik i go pinis, ol i bin lusim gen narapela gem bilong ol taim ol i pilai wantaim Lae Bombers. Long dispela pilai, Bombers i bomim stret ol

boi Mosbi, 32-18.

Dispela namba tu lus bilong Vipers i bin wokim ol man i tingting planti. Sampela lain i bin kros na toktok long rausim kosa Billy Wartovo. Na ol i bin askim Wartovo tu long wokim sampela senis long lainap bilong tim.

Bihainim komplek bilong ol sapota bilong Vipers, Wartovo i bin wokim senis long lainap na posisen bilong ol pilaia. Na dispela i bin wanpela samting we i

helpim Vipers long nekim Muruks.

Long tupela wik i go pinis taim Vipers i pilai wantaim Bombers, strongpela lok Joe Gispe i no bin stap. Man husat i bin kisim ples bilong Gispe long pilai lok em Arnold Krewanti. Narapela man husat i no bin stap long Vipers lainap em Joshua Kouoru. Tasol long las wiken, ol i bin kisim Kouoru na em i pilai long wing.

Wartovo i putim Krewantilong

wing na larim Gispe i pilai lok. Tuksy Karu i bin lusim posisen bilong faiv eit i go long Elias Paiyo na go pilai senta wantaim Richard Wagambie. Wagambie tu i no bin stap taim Vipers i lus long Bombers.

Tupela pilaia, Kes Paglipari na Ben Bire husat i bin pilai olsem risev long wik i go pinis. Long las wiken, ol i bin stap long namba wan 13 pilaia long pilai. Elias Paiyo husat i pilai senta

long las wiken i bin kisim ples bilong Karu na pilai long faiv eit.

Dispela ol senis Wartovo i wokim i helpim tru Vipers long bagrapim sindaun bilong ol manki long Mendi.

Long taim bilong pilai, ol bikpela fowat bilong Vipers olsem Ben "Big Foot" Bire, Kera Ngaffin, James Naipao, Kes Paglipari na Joe Gispe i bin brukim banis bilong Muruks i go moa long pes 5



• Dispela pilaia bilong Mendi Muruks wantaim bai i laik rausim han bilong bikman bilong Vipers, Ben Bire. Tasol i luk olsem han bilong Bire i pas pinis long bros bilong em na Vipers i win, 34-10. Poto: Henry Morabang.

**Port Moresby Rugby Football League  
First Round Results  
Week Five: Lloyd Robson Oval**

Ground	Time	Grade	Team	Vs	Team
LRD	4.30pm	U/17	Waliya 28	vs	Seagulls 4
LRD	5.30pm	U/19	Waliya 4	vs	Seagulls 14
LRD	6.30pm	U/21	Waliya 5	vs	Seagulls 0
LRD	7.45pm	A	Waliya 20	vs	Seagulls 12
<b>Saturday April 3</b>					
LRD	9.00am	Res	Defence 42	vs	Brothers 6
LRD	10.20am	Res	A/Niugini 16	vs	Hawks 16
LRD	11.40am	Res	Royals 7	vs	Souths 10
LRD	1.00pm	A	Kone 36	vs	Magani 22
LRD	2.20pm	U/17	A/Niugini 8	vs	Hawks 10
LRD	3.30pm	A	A/Niugini 22	vs	Hawks 16
<b>Sunday April 4</b>					
LRD	9.00am	A	DCA 14	vs	Tarangau 32
LRD	10.30am	A	Paga 25	vs	West 32
LRD	Noon	A	Defence 20	vs	Brothers 26
LRD	1.30pm	U/19	Royals 18	vs	Souths 12
LRD	2.30pm	A	Royals 28	vs	Souths 16

Ground	Time	Grade	Team	vs	Team
PRL	9.00am	U/17	West 6	vs	Paga 12
PRL	10.00am	U/19	West 12	vs	Paga 12
PRL	11.00am	U/17	Kone 6	vs	Magani 4
PRL	Noon	U/19	Kone 8	vs	Magani 8
PRL	1.00pm	U/17	Defence 8	vs	Brothers 8
PRL	2.00pm	U/19	Defence 8	vs	Brothers 12
PRL	3.00pm	U/17	DCA 14	vs	Tarangau 4
PRL	4.00pm	U/19	DCA 8	vs	Tarangau 8
<b>Sunday April 4</b>					
PRL	10.00am	Res	Waliya 18	vs	Seagulls 32
PRL	11.20am	Res	Kone 8	vs	Magani 11
PRL	1.00pm	Res	DCA 20	vs	Tarangau 28

Ground	Time	Grade	Team	vs	Team
<b>PRL III</b>					
<b>Saturday April 3</b>					
PRL III	9.00am	U/21	Royals 0	vs	Souths 19
PRL III	10.15am	U/21	A/Niugini 10	vs	Hawks 4
PRL III	11.30am	U/21	Defence 4	vs	Brothers 6
PRL III	12.45pm	U/21	West 16	vs	Paga 13
PRL III	2.00pm	U/21	DCA 14	vs	Tarangau 10
PRL III	3.30pm	U/21	Kone 10	vs	Magani 2
<b>Sunday April 4</b>					
PRL III	10.00am	Res	West 14	vs	Paga 12
PRL III	11.20am	U/17	Royals 8	vs	Souths 1
PRL III	12.40pm	U/19	A/Niugini 15	vs	Hawks 2

**KIUNGA RUGBY LEAGUE DRAW**

**HIGH SCHOOL OVAL**

**Saturday 10/4/93**

Time	Grade	Team	vs	Team
1.00 pm	U19	Ambangs	vs	Souths
1.40 pm	U 19	Royals	vs	United
2.40 pm	U19	Brothers	vs	Magani
3.30 pm	Res	Ambangs	vs	Souths
4.50 pm	Res	Royals	vs	United

Name	Club	Goals
Jimmy Jerry	Ambangs	2
Philip Kandoa	Brothers	2
Mara Kubu	Brothers	2
Nelson Gamai	Brothers	2
Sessol Iaroe	Magani	2
Saisame Dadimo	Souths	2
Makena Steven	Souths	2

**LEADING GOAL KICKERS**

Name	Club	Goals
Mara Kubu	Brothers	4
Joe Kirinam	Ambangs	2
Joe Aua	Magani	2
Epelema Kanai	Magani	2
David Mara	Souths	2
John Hailavila	United	2

**Sunday 11/4/93**

**Town Oval**

Time	Grade	Team	vs	Team
12 noon	Res	Brothers	vs	Magani
1.20 pm	'A'	Ambangs	vs	Souths
2.50 pm	'A'	Royals	vs	United
4.20 pm	'A'	Brothers	vs	Magani

**LEADING TRY SCORERS**

**Sunday 4.4.93**

Name	Club	Tries
Agia Muruga	Magani	3
John Hailavila	United	3

**LEADING POINTS SCORERS**

Name	Club	Tries	Goals	Pts
John Hailavila	United	3	2	16
Mara Kubu	Brothers	2	4	16
Acia Muruga	Magani	3	1	14



**WABAG RUGBY LEAGUE  
DRAW 11/4/93**

Royals	vs	Brothers
Magani	vs	North Raiders
Hawks	vs	Tarangau

**RESULTS 4/4/93**

Hawks 14	Defeated	Raiders 10
Tarangau 20	Defeated	Royals 4
Magani 16	Defeated	Brothers 14

**POINTS LADDER  
4/4/93**

	P	W	D	L	PF	PA	PTS
Hawks	3	2	1	0	26	16	5
N/Raiders	3	2	0	1	32	22	4
Magani	3	2	0	1	35	32	4
Tarangau	3	1	0	2	36	26	2
Brothers	3	0	1	2	20	32	1
Royals	3	1	0	2	14	35	2

**PORT MORESBY WINFIELD LEAGUE**

**A GRADE POINTS TABLE 1993**

Championship Teams	P	W	D	L	PF	PA	PTS	%
A/Niugini	5	5	0	0	132	71	10	186
West	5	5	0	0	171	123	10	139
Tarangau	5	3	1	1	140	98	7	143
Royals	5	3	0	2	92	64	6	144
Waliya	5	3	0	2	112	95	6	118
Seagulls	5	2	1	2	156	130	5	120
Defence	5	2	0	3	144	134	4	107
Souths	5	2	0	3	120	114	4	105
Hawks	5	2	0	3	124	140	4	89
Kone	5	1	0	4	114	152	2	75
Magani	5	1	0	4	70	109	2	64
Brothers	5	1	0	4	50	82	2	61
Paga	5	0	0	5	77	114	0	68
DCA	5	0	0	5	74	160	0	46

**RESERVE GRADE**

Championship Teams	P	W	D	L	PF	PA	PTS	
A/Niugini	5	4	1	0	108	52	9	208
West	5	5	0	0	134	63	10	213
Defence	5	4	0	1	112	56	8	200
Waliya	5	2	1	2	88	90	5	98
Souths	5	3	0	2	62	33	6	188
Hawks	5	2	1	2	86	66	5	130
Tarangau	5	3	0	2	78	66	6	74
Paga	5	1	0	3	48	74	3	65
Royals	5	1	0	4	39	36	2	108
Kone	5	1	0	4	54	73	2	118
Magani	5	2	0	3	51	62	4	82
Seagulls	5	2	0	3	65	97	4	88
DCA	5	0	0	5	36	95	0	38
Brothers	5	0	0	5	20	138	0	14

# Winfield League



# Hawks redi long bekim dinau gen long Wabag

GEOFFREY APAKALI i raitim

OL bun bai bruk na das bai kirap taim tupela bikipela tim bilong Wabag ragbi lig i bung long dispela wiken.

Dispela bikipela pilai bai kamap namel long Moku Hawks na Kombain Builders Tarangau.

Tarangau bai kamapim bikipela woa tru bikos dispela em i sans bilong em long kamautim ol mit bilong Hawks long surik i go antap long lata. Em i bin winim primiasip taitel tupela taim pinis.

Na man husat bai go pas long ol boi Tarangau long dispela wiken em bikipela prop, Naipukali Lati. Liklik bilong Naipukali, Philip i save pilai wantaim Hawks.

Naipukali em man bilong pilai strong tru na bai kamapim bikipela bagarap tru long difens bilong ol liklik boi bilong Hawks. Na em bai mekim olsem wantaim gupela helpim bilong tupela bikman ya, Petrus Silas na Rex Kalipe.

Long pawarum bilong Tarangau, huka Simi Yakopo na hapbek Jacob Kibunki bai kirapim olgeta ensin bilong tupela winga ya, yangpela Reuben na Tavita long go na slip antap long trailain.

Bihain nau long tripela gem bilong sisen, Hawks i wok long go pas long lata.

Dispela tim i pulap long ol yangpela liklik pilaia. Tasol kain pawa bilong ol long takel na

kamapim bagarap i moa yet olsem ol bikipela man. Na dispela i kamap ples klia long las wiken taim ol i rausim trausis bilong Raiders.

Olsem na wantaim ol dispela kain trik na pawa, Tarangau i mas soim tru olgeta stail bilong ol long winim gem.

Long fowat bilong Hawks, ol strongpela man bilong ron olsem James Minakaso, Sakarias Isingi, John Kopi na Emmanuel Kilanda bai sanapim strongpela banis long stapim ol boi Tarangau. Na baksait tasol em yangpela stail manki, Philip Lati bai redi tasol long rausim ol bal na givim long ol beklain pilaia.

Lapun bilong ol, John Emben tu bai sanap was oltaim long givim bal long tupela brata ya

long senta, Jeffrey na Kandamain Kyakaen. Na tupela gen bai lukaut oltaim long helpim Lucas Sikin ba Mangapen Puki long go putim trai long laik.

Long baksait, Londari Amean bai sambai tasol long rausim win bilong Tarangau taim ol i laik kam insait.

Dispela wiken tu em i sans bilong Hawks long bekim wanpela bikipela dinau. Bikos oltaim Hawks i go insait long ol gren fainal bilong bipo, Tarangau bai flai i kam tasol na rausim trausis bilong ol.

Na nau em i sans bilong lukim husat tru em king bilong Wabag lig.

Long tupela narapela namba wan pilai, North Raiders bai winim Magani na Brothers bai givim bikipela het pen long ol plisman.



• Ronald Vue bilong Mosbi Vipers i laik pinisim nau olgeta win bilong dispela pilala bilong Mendi Muruks. Vipers i bin strong tru na rausim sem bilong ol na winim pilai, 34-10. Poto: Henry Morabang.

## Bos bilong ol referi long NGI go long Buka

KRIS HAKENA i raitim

NUPELA presiden bilong ol ragbi lig referi long Niugini ailan rijon, Joel Pak i bin go lukluk raun long Buka long wiken bilong 27 na 28 Mas.

Pak i bin go long Buka wantaim bikipela helpim em Airlink balus kampani i givim long Ailan Ragbi Lig Referi Asosiesen. Airlink i bin givim ol K3,000.

Dispela mani em ol i kisim bai go long wok bilong baim ol yuni-

fom bilong ol referi long Niugini ailan rijon, yusim long ranim ol referi kos na bilong salim ol referi bilong go lukautim ol ragbi lig pilai insait long Niugini ailan rijon.

Orait long helpim wok bilong Buka ragbi lig, Pepsi i bin givim ol tupela set yunifom.

Presiden bilong BRFL, John Kolan i givim bikipela tok tenkyu i go long bos bilong Airlink, Cole Bubner.

Kolan tu em i wanpela ragbi lig referi. Na em i sutim strongpela

toktok tu i go long ol lain bilong Papua Niugini Ragbi Lig Referi Asosiesen olsem ol i no save luk-save long ol referi insait long Niugini Ailan rijon.

Em i tok PNGRFLRA i no save; • ranim ol referi kos insait long Niugini ailan rijon, na • baim yunifom long ol referi.

Long Sarere 27 Mas, Pak i bin ranim wanpela liklik referi kos bilong ol ragbi lig referi long Buka. Sampela referi husat i bin kamap long dispela kos em

Anton Mokela, Alex Sila, Steven Turihan, Amos Tsua na Kolan yet.

Orait long taim em i stap long ailan, Pak i bin lukautim wanpela pilai namel long Hago Eagles na Tsitala Warriors.

Dispela tupela tim i bin bung long gren fainal bilong las sisen. Olsem na pilai i bin strong tru. Tasol Warriors i strong tru na winim pilai, 26-18.

Tasol long dispela taim bilong pilai, ol pilaia bilong Eagles i no wanbel long wanpela trai em Pak

i givim long Warriors. Ol i tok long taim trai i bin kamap, wanpela pilaia bilong Warriors i bin kikim bal i go long sait bilong ol.

Bal i go pas long diwai na kam bek insait long fil tasol diwai i sanap ausait long fil.

Orait long dispela taim, wanpela pilaia bilong Warriors i ron i kam kisim dispela bal na go putim trai. Na referi Pak i tok yesa long dispela. Olsem na ol i komplon bikos dispela bal i dai pinis.

## Westis strong yet long Balimo

WESTS i bin kamapim gupela pilai tru na winim Brothers long bikipela ragbi lig pilai bilong Balimo long Sande.

Faiv et bilong Wests, Magigi Sawi i bin stailim pilai gut tru na salim hakbek bilong em, Kosa Gabale long go slip aninit long ol golmak bihain tasol long referi i statim pilai.

Tasol bihain Brothers i senisim liklik pilai long namel na salim Morris Nabi i go putim wanpela trai bilong ol long kona tru. Skoa nau i sanap olsem 6-4 na Wests i go pas.

Orait bihain long dispela tupela trai, tupela tim wantaim i sanapim ol strongpela banis tru na i no larim narapela long go putim trai long namba wan hap.

Ol trai i bin kamap long tupela sait wantaim taim Sibili Saekili bilong Wests na Morris Nabi bilong

Brothers i go slip antap long trailain. Dispela nau i bringim skoa bilong tupela tim i go antap long 10-10 i go inap long haptaim.

Tasol long namba tu hap, Wests i flai olsem roket i kam na kalap i go antap olgeta long 22 poin taim ol senta pilaia Deia Simolobe na John Sokaya i go putim trai. Brothers i kirap bekim na salim Ali Jerry long slip tu antap long trailain na bringim skoa i go stap long 28-20 i go inap long fultaim.

Long namba wan pilai, Bosima i bagarapim stret sindaun bilong Tigers long rausim sem bilong wiken bipo taim ol i lus long AKP. Bosima i winim pilai 29-24.

Long ol narapela A gret pilai, AKP i dro wantaim Air Niugini, 18-18 na Wawi Pasia tu i dro wantaim KC Magani, 16-16.

## Kimbe go stret long sisen tru

SISEN tru bilong Kimbe ragbi lig bai stat long Sarere, 17 Epril.

Long dispela yia i no gat ol pri sisen resis.

Faivpela tim i givim nem pinis long pilai, tasol i gat tupela moa tim i soim laik long

pilai. Dispela em Royals na tim bilong olupela Kumul pilaia, Darius Haili, Muruks.

Interim seketeri bilong Kimbe lig, Willie Valuka i tok ol i no holim pri sisen bikos ol pilai i no bin stat hariap.

Na em i tok long dispela yia, ol samting bai wok gut long wanem bos bilong ol plisman long Wes Nu Briten tu i stap long eksekutyiv bilong lig.

Em i tok long bipo, planti trabel na bikhet pasin i save kamap namel long ol sapota.

Na dispela tu i bin pasim planti pilai long kamap.

"Mipela bai kamapim tu wanpela judiseri komiti long dispela yia bilong lukautim olgeta hevi bilong lig. Na ol memba bilong komiti bai ol lain ausait long ol klap."

## Vipers kirap bek long matmat bilong inta siti

i kam long pes 3

oltaim ol i kisim bal. Gispe husat i bin kisim prais bilong kamapim gupela pilai i bin wokim planti bikipela ron i go insait long mak bilong Muruks. Na dispela i helpim Vipers long srukim ol pilaia bilong Muruks.

Faiv eit Elias Paiyo na hap bek Aqiula Emil i bin wokim gupela wok tru long tilim bal. Tupela senta Richard Wagambie na Tuksy Karu tu i bin pilaiagut na dispela i wokim beklain bilong Vipers i luk fit olgeta.

Tupela teksu long saitlain,

Joshua Kouoru na Arnold Krewanti i bin putim moa pawa long strongim beklain. Dispela tupela man i wok hat na putim wan wan trai long helpim tim bilong ol long wilwilim Muruks.

Muruks i bin pilai strong tru

long namba wan hap. Ol fowat bilong Muruks i bin wokim strongpela ron. Tasol ol i no inap long stapim Vipers long namba tu hap. Hapbek bilong Muruks, John Nane na faiv eit Anton Bal i bin traim tilim bal tasol Vipers i katim olgeta rot bilong tupela.

# Winfield League Results

## PORT MORESBY

### Easter No Games


### Comments/Quotes

No Winfield League club games because of Easter break. However, there will be seven-a-side competition during the break

### Results

Waliya 20 defeated Seagulls 12  
 Kone 36 defeated Magani 22  
 A/Niugini 22 defeated Hawks 16  
 Tarangau 32 defeated DCA 14  
 Wests 32 defeated Paga 25  
 Brothers 36 defeated Defence 20  
 Royals 28 defeated Souths 16

Clubs	GP	W	D	L	PF	PA	TPTS
Air Niugini	5	5	0	0	132	71	10
Wests	5	5	0	0	171	123	10
Tarangau	5	3	1	1	140	98	7
Royals	5	3	0	2	92	64	6
Waliya	5	3	0	2	112	95	6
Seagulls	5	2	1	2	156	130	5
Defence	5	2	0	3	144	134	4
Souths	5	2	0	3	120	114	4
Hawks	5	2	0	3	124	140	4
Kone	5	1	0	4	114	152	2
Magani	5	1	0	4	50	82	2
Brothers	5	1	0	4	50	82	2
Paga	5	0	0	5	77	114	0
DCA	5	0	0	5	74	160	0



• Tabubil Royals A gret i bilas na sindaun malolo i stap.



• Tabubil Tigers A gret tu i talk so op liklik long yunifom bilong ol.



• Dispela senta pilala bilong Souths i kisim bal na traim painim spes bilong salim long ol poro bilong em long Mosbi. Tasol ol i no strong na Royals i memem ol.

## RABAU

### Round three Wk 4

Crusaders vs Panthers  
 Royals vs Tarangau  
 Norths vs Muruks  
 Brothers vs Bala  
 Seagulls vs PTC East

### Comments/Quotes

No games to be played during the Easter weekend. League returns to normal on April 17/18.

### Results/Round two

Muruks 26 defeated Tarangau 14  
 Norths 10 defeated Royals 10  
 Crusaders 24 defeated Seagulls 14  
 Brothers 32 defeated Panthers 20  
 PTC East 20 defeated Bala 20

Club	GP	W	D	L	PF	PA	T/PTS
Brothers	2	2			56	32	4
Royals	2	1	1		34	24	3
PTC East	2	1	1		44	38	3
Bala/taman	2	1	1		40	38	3
Crusaders	2	1		1	24	14	2
Muruks	2	1		1	44	38	2
N/Raiders	2		1	1	28	30	1
Tarangau	2			2	14	26	0
Seagulls	2			2	26	48	0
Panthers	2			2	34	56	0

## LAE

### Easter Cup Draw

**Pool A**  
 1. Defence  
 2. Tigers  
 3. United  
 4. Royals

**Pool B**  
 1. Panthers  
 2. Brothers  
 3. Tarangau  
 4. Spiders

### Friday April 9, 1993.

9.00am Parade by all clubs and referees in club or sponsors colours  
 11.30am Defence vs Tigers  
 12.45pm United vs Royals  
 2.00pm Panthers vs Brothers  
 2.15pm Tarangau vs Spiders

### Saturday April 10, 1993.

11.30am Panthers vs Tarangau  
 12.45pm Brothers vs Spiders  
 2.00pm Defence vs United  
 3.15pm Tigers vs Royals

### Sunday April 11, 1993.

11.30am Defence vs Royals  
 12.45pm Panthers vs Spiders  
 2.00pm Tigers vs United  
 3.15pm Brothers vs Tarangau

### Monday April 12, 1993.

11.00am Under 17 Pepsi Preseason Finals  
 Tigers vs Panthers  
 12.00 noon Under 17 Pepsi Preseason Finals  
 Spiders vs United  
 1.15pm Easter Cup runners up Pool A vs Pool B  
 3.00pm Easter Cup winners Pool A v Pool B

Gate Fees	Friday	Saturday	Sunday	Monday
Adults	K1.00	K1.00	K2.00	K2.00
Kids	60t	50t	K1.00	K1.00

## MT HAGEN

**Easter No Games**  
 Royals (postponed)  
 Tarangau (postponed)

**Match of the Round - 4.00pm**  
 Royals vs Tarangau

### Comments/Quotes

Royals/Tarangau postponed game - due to weather conditions April 3, 93. To be played on Easter Monday April 12, 1993. Tarangau tipped to win game as they are stronger team on show in this preseason competition.

### Results

Hwks 24 defeated Newtown 8  
 Royals Postpone Easter Monday Tarangau  
 Easts nil no games Panthers nil  
 Brothers nil no games Country nil

Clubs	GP	W	D	L	PF	PA	T/Pts
Hawks	1	1	-	-	24	8	2
Newtown	1	-	-	1	8	24	-
Easts (no games)	1	-	-	-	-	-	-
Panthers	1	-	-	-	-	-	-
Royals (p/phone)	-	-	-	-	-	-	-
Tarangau	-	-	-	-	-	-	-
Country	1	-	-	-	-	-	-
Tigers	-	-	-	-	-	-	-

## SYDNEY WINFIELD LEAGUE

### Round Four Results

Team	Result
Penrith	26 Balmain 10
Illawarra	18 Easts 10
St George	14 Parramatta 12
Brisbane	12 Canberra 10
Canterbury	28 Cronulla 2
Manly	22 Newcastle 4
Souths	36 Gold Coast 24
Wests	9 Norths 22

### THIS WEEK'S DRAW:

St George vs Penrith	Balmain vs Brisbane
Canberra vs Cronulla	Canterbury vs Parramatta
Newcastle vs Norths	Wests vs Illawarra
Easts vs Souths	Gold Coast vs Manly

### POINTS TABLE

Team	P	W	D	L	F	A	P
Canterbury	4	4	-	-	78	34	8
St George	4	4	-	-	74	38	8
Norths	4	3	1	-	73	37	7
Manly	4	3	-	1	79	35	6
Parramatta	4	3	-	1	47	32	6
Illawarra	4	3	-	1	44	37	6
Easts	4	2	1	1	62	50	5
Canberra	4	2	-	2	53	52	4
Brisbane	4	2	-	2	49	52	4
Newcastle	4	2	-	2	48	61	4
Penrith	4	1	-	3	52	60	2
Wests	4	1	-	3	44	72	2
Souths	4	1	-	3	56	89	2
Balmain	4	0	-	4	40	76	0
Gold Coast	4	0	-	4	52	77	0
Cronulla	4	0	-	4	24	85	0

## GOROKA

### Round one Wk 4

United vs Tarangau  
 Country vs Tigers  
 Panthers vs Brothers  
 Hawks vs Royals

**Match of the Round**  
 Hawks vs Royals

### Comments/Quotes

This game will be a very tough one because both of them won their games by 30 points and over. It will be the work of the forwards Royals will be lead by Andrew Kuno and Joe Bulaus and the backline will be engineered by by old hand Iisa Wenega. Hawks on the other hand will be skipper Rodulf Kulo in the engine room with Daiter Kopo. Their backline will be handled by their masterita 5/8 Jobi Taro who is a danger man when in possession. If Royals want to win they have to keep out Jobi Taro at all times.

### Results

Royals 32 defeated Panthers 22  
 Hawks 36 defeated Brothers 20  
 Tarangau 18 defeated Country 14  
 Tigers 18 defeated United 6

Clubs	GP	W	D	L	PF	PA	T/PTS
Tarangau	5	4	-	1	80	40	8
Tigers	5	3	1	1	117	96	7
Hawks	5	3	-	2	106	109	6
P/Royals	5	3	-	2	107	113	6
United	5	2	-	3	96	94	4
Panthers	5	2	-	3	72	94	4
A/Brothers	5	1	2	2	82	102	4
Country	5	0	1	4	76	90	1

## KIUNGA RUGBY LEAGUE 'A' GRADE POINTS LADDER



• Winga bilong Souths i kisim bal na flai stret long go antap long mak bilong ol pilsman. Tasol em i popala long krungutim rong graun na tim bilong em i pundaun.

# Hagen painim rot bilong kamapim ol pilai

WINIS MAP i raitim

HAGEN Winfield Lig bai givim samting olsem K15,000 olsem prais mani i go long ol tim na kosa husat tim bilong ol i win.

Dispela em wampela tingting Hagen Ragbi Lig i wokim long traim kamapim OL pilai

long provins. Long dispela mani ol bai baim ol kosa bilong wan wan divisen husat i winim gem, tim husat i win na ol tim husat i go long OL fainal na tim husat i pilai long gren fainal.

Long kisim luksave,

olgeta kosa i mas rejista long Hagen lig. Bihain long olgeta gem, prais ol kosa bilong wan wan divisen bai kisim i sanap olsem anda 17 kosa, K15, anda 19 K10, risev gret K10 na A gret kosa bai kisim K20.

Prais ol wan wan tim bai kisim taim ol i win em anda 17 na anda 19

na risev gret na A gret tim bai kisim K20 taim ol i winim wampela gem.

Taim sisen i laik pinis ol bai givim tu prais i go long ol maina primia o tim husat i kiism moa skoa long wan wan divisen. Olgeta maina primia tim long olgeta divisen bai kisim K150 olsem prais mani.

HRL bai givim tu prais i go long ol tim husat i go long fainals. Long fainal 4-pela tim bai stap insait. Tim husat i winim pilai namel long namba 4 na 3 ples bai kisim K50 taim lusa bai kisim K100. Wina bilong pilai namel long namba wan na tri ples bai kisim K100 taim lusa bai kisim K50.

Taim tupela tim i go pilai mesa semi fainal,

wanem tim i win bai kisim K100 taim tim i lus bai kisim K200. Dispela prais mani ol bai givim em i wan kain long olgeta divisen.

Tasol long gren fainal bai i gat senis. Ol tim bilong anda 17, 19 na risev gret husat i go long gren fainal na winim gren fainal bai kisim K200 taim tim i lus bai kisim K100. Tim bilong A gret

husat i winim gren fainal bai kisim K400 wantaim Winfield tropi na go insait tu long resis long bikpela Cambridge Kap. Na tim i lus bai kisim K600.

Ol kosa bilong tim husat i win bai kisim tu liklik makmak. Ol geta kosa bai kisim K100 taim tim bilong ol i winim gren fainal dispela em long olgeta divisen.

## Lig laikim ol Rabaul referi bihainim lo

RABAUL Winfield Lig i askim nau Rabaul Ragbi Lig Referi Asosiesen (RRRA) long wok gut na lukautim ol pilai.

Dispela askim i kamap bihainim sampela hevi em i save kamap long ples bilong pilai. Ol eksekutiv bilong Rabaul lig i pilim olsem ol referi i no save lukautim gut ol pilai. Olsem na planti hevi i kamap.

Dispela wiken em i namba tri wik bilong Rabaul long holim ol pilai bilong sisen tru. Olsem na ol i laikim ol referi long lukautim gut ol pilai. Ol i laikim ol referi i mas lukautim ol pilai bihainim lo bilong ragbi lig. Na ol i mas stat nau taim sisen i nupela yet.

Wanem kain lo ol i bihainim nau i mas stap olsem tasol i go inap long sisen i pinis. Bikos long las yia na ol yia bipo, ol referi i save slek tru long wok bilong lukautim ol pilai. Taim ol i yusim wampela lo long pri sisen o namba wan hap bilong sisen tru, ol i save senisim gen long taim sisen i laik pinis. Na dispela i save wokim ol sapota na pilaia i bel hat bikos ol referi i bihainim kain kain lo.

Seketeri bilong Rabaul Winfield lig, Bill Vevo i tok sampela referi i save laik harim tok bilong ol pilaia.

"Dispela i no gutpela bikos yu referi i bosim pilai, no gat narapela man inap tokim yu long wanem samting bilong mekim long lukautim ol pilai. Na sapos yu harim tok bilong ol pilaia, yu dispela referi i no fit long lukautim wampela

gem," Vevo i tok.

Em i tok olsem long namba wan gem bilong sisen tru, em i bin lukim planti paul pilai tasol ol referi i no bin lukluk long stretim ol dispela samting.

"Planti taim ol pilaia i save wokim takel nogut na pilai nogut, na dispela i no bihainim lo bilong ragbi lig. Tasol ol referi i larim pilai i go. Dispela i save wokim ol arapela birua tim i bel hat na kamapim trabel."

Vevo i tok, RRL bai daunim pe bilong ol referi na lainsmen sapos ol i no kamap wantaim gutpela tingting long lukautim ol pilai.

Em i tok, lig i laik stretim wok bilong ol referi long traim kamapim ragbi lig insait long provins. Na tu long daunim sampela trabel em i save kamap long ples bilong pilai.

Taim Ragbi Lig Nius i askim Moses Tanlynlin, wampela sinia referi long dispela ol samting em i bin wanbel long ol dispela toktok.

"Dispela ol toktok i tru, sampela referi i no save lukautim gut pilai na dispela i save kamapim hevi long ples bilong pilai," Tanlynlin i tok.

Long stapim kain hevi long kamap, ol referi i save holim kibung long olgeta Tunde long stretim ol samting em i bin kamap long wiken. RRLRA tingting long holim wampela kos bilong ol referi sampela taim long dispela yia. Dispela kos em long helpim ol referi long lukautim gut pilai. Bikos ol i les long Rabaul Ragbi Lig opisal i krosim ol long i no lukautim gut pilai.



## Lysaght sapatim Lae Ista Kap

PETER BIMARI i raitim

LAE Winfield Lig bai holim wampela resis bilong Ista Kap long dispela wiken. Dispela resis bai ron inap long 4-pela de olgeta.

BHP Lysaght (PNG) Pty Ltd yet i sponsasim dispela 4-pela de resis. Na 7-pela tim bai stap insait long dispela Ista Kap resis. Ol dispela klap em Lae Intenesenel Hotel United, Royals, Big C Tarangau, BP Defence, Lae Bisket Spiders, Kubin Hawks na Tigers.

Olpela sempion bilong Las yia Royals bai traim long winim dispela resis long namba tu taim. Royals i bin pilai wantaim BHP Titan Brothers na winim ol. Na long dispela wiken ol bai traim long stapim ol arapela tim long win.

Ol i bin tokaut long dispela Ista Kap resis long Mande 4, long wampela bung kaikai ol i holim long Lae Intenesenel Hotel. Jenerel menesa

bilong BHP Lysaght, Phil Webster i bin tokaut long dispela komeptisen. Kampani bilong em i bin givim K6,000 long holim dispela Ista kompetisen.

Mista Webster husat bai lusim kantri long mun Jun bilong dispela yia i gat bikpela wari long ol trabel em ol sapota i save kamapim long taim bilong pilai.

"Ragbi lig em i wampela strongpela gem tasol ol sapota i no ken kamapim trabel. Ol gem i mas kamap gut na ol pilaia i mas pilai gut," Webster i tok.

Em i askim ol tim husat bai stap insait long Ista Kap resis long kamapim gutpela pilai. Na stapim ol sapota long kamapim trabel insait na autsait long fil.

Presiden, George Mack i tok wantaim dispela sponsasim bilong Ista Kap. Dispela i helpim tru long kamapim ragbi lig long Lae. Bikpela tru long ol tim husat bai pilai long Ista wiken.

## Brothers bosim Kundiawa A gret resis

MICHAEL KOMA i raitim

BROTHERS i go pas yet long Kundiawa ragbi lig.

Long Sande ol i soim olsem ol i lukluk i go het long winim gren fainal bilong dispela sisen taim ol i hamaim Works Panthers, 18-8.

Long namba wan hap bilong pilai, tupela tim wantaim i bin strong tru na skoa bilong tupela i sanap 8-8.

Orait long namba tu hap, bikpela fowat bilong Brothers, Godfrey Anton i brukim banis bilong Panthers na i go slip antap long trailain.

Klostu long pinis bilong pilai, kepten bilong Brothers Aloius Goiye i putim narapela trai gen na bringim skoa i go antap.

Panthers i traim hat tu long namba tu hap tasol banis bilong Brothers i bin strong tumas.

Namba tu gem bilong Sande apinun i bin kamap namel long Tigers na Souths.

Long dispela gem, Tigers i soim strong bilong ol gen olsem ol i primia tim bilong Simbu taim ol winim Souths, 10-4.

Orait long bikpela gem bilong apinun, tupela brata tim bilong Kerowagi, United na Royals i kirapim bikpela paia stret long Dickson pilai graun

Gutpela stail tru bilong pilai i bin kamap namel long dispela tupela tim.


Yu ken tok tupela tim i bilong wampela stesin tasol taim tupela i pilai, bun i save pairap na bai yu ting pait bai kirap tasol nogat, em stail bilong Kerowagi op sisen resis stret em ol i bringim i go insait nau long resis bilong taun.

Skoa i bin sanap

olsem 4-4 long pinis bilong pilai.

Insait long dispela gem, wampela pilaia bilong United i kisim bagarap long het na nek bilong em. Tasol ol opisal bilong Kundiawa ragbi lig i no tok-save sapos pilaia ya i stap long haus sik o nogat.





• Wanpis bol bilong Mosbi Vipers i kism bal na flai long kona i go Insalt long traim painim mak bilong Mendi Muruks long las wiken.



• Tupela pilaia bilong Mendi Muruks i laik kusai liklik long Joe Gispe bilong Mosbi Vipers, tasol ol i no lukim James Naipao i sanap redi long baksalt i stap. Kain olsem na Vipers i bagarapim sindaun bilong ol, 34-10. *Poto: Henry Morabang.*



• Wanpela kain strongpela pilal i bin kamap long Goroka tupela wik i go pinis namel long Lahanis na Mendi Muruks. *Poto: Sape Metta.*



• Wanpela i go daun na narapela i kam long kism ples. Kain strongpela ron bilong ol fowat bilong Royals olsem na ol i memelm Souths, 28-16.



• Elias Paiyo (namba 6) bilong Vipers i sekap long referi George Buka long tokim man husat i hollim lek bilong em na slip long graun na kirap. Bikos em i les long graun i pairap. Vipers i bin winim dispela pilal bilong Inta siti resis las wiken.



• Narapela fowat bilong Goroka Lahanis i kism bal na abrusim difens lain bilong Mendi Muruks long taim ol i bung tupela wik i go pinis.

# Kam bungim ... TERRY LAMB

## A 'DOG'S LIFE!

### Lamb chases a second helping

**A**s Terry Lamb sat down over lunch at his favourite Chinese restaurant, he admitted that life after Canterbury terrifies him.

He disguised his fear well, sporting a grin as large as the Sydney Harbour Bridge. He'd just walked off Bankstown golf course after taking the Bulldogs' brains-trust - coach Chris Anderson and conditioner Steve Folkes - to the cleaners.

"It's a regular thing these days," said Lamb, still grinning. "Playing golf that is, not winning."

"We head to the course most Wednesday mornings and play for a few dollars."

As he perused the menu, Lamb explained the golf course often becomes the site of weekend post mortems and the place where the Bulldogs start planning for the next match.

Even when he relaxes, Lamb's world is still very much about football.

"It's a laid back atmosphere," explained Lamb. "We joke, we muck around, but at the same time we come up with a few plans on ways to improve."

"It's also a good way to pick up a few dollars if you're playing well."

So how was Lamb swinging?

"Too many times . . . that's the problem most weeks," Lamb replied.

No need to read the menu, Lamb is a regular at the Jade Peacock Restaurant, Bankstown.


"A mixed entree, prawns in blackbean sauce served in a bamboo basket, BBQ chicken in a foil and a large fried rice should see us through," Lamb said.

"Bullfrog' (Canterbury chief executive Peter Moore) got me onto this place."

"The guy (Moore) could run for mayor of Bankstown and win in a landslide," Lamb offered.

"Fans ask what is going to happen when I decide to hang up my boots, but I'd be more worried about what will happen when 'Bullfrog' calls it a day."

"Bullfrog means a lot more to Canter-



bury than I ever will."

Now the burning issue: When is Lamb going to retire?


"It's my testimonial year, which usually means you're at the end, but I'm sticking with the attitude that I'll be around again next year. I'll just see what happens around

late September," said Lamb, with a glint in his eye.


A Bulldog grand final victory could be all the motivation he needs to settle back into the good life, looking after his wife and kids and cheering the Bulldogs on from the sideline.



# OL LAPUN STAP YET



LEPHAN  
Martin Bella  
ANTAP  
Gary Belcher  
RAIT  
Mal Meninga



Canberra captain  
Mal Meninga - the  
leading survivor

TUDE Martin Bella i save skelim planti sinia gret ragbi lig pilaia wantaim ol ka bilong ol selsmen.

Em i lap na tok: "i no planti yia tasol longpela hap tru bilong ron."

Em i no bilip yet olsem planti bilong ol dispela lain Kangaroo pilaia husat i bin go raun long 1986 i stap yet long Winfield Kap.

Bella i tok, "Yu save long dispela taim, mipela i bin ol yangpela lain stret."

"Olsem ol nupela kakaruk, em mipela ya wantaim ol sampela lapun pisin."

Tasol dispela ol nupela kakaruk i soim klia olsem ol inap stap longpela taim liklik. Bihain long 7-pela sisen nau, 17 bilong ol dispela 28 man husat i bin raun long 1986 i stap yet na pilai long dispela strongpela gem bilong olgeta.

Tripela bilong ol, Mal Meninga, Bob Lindner na Paul Sironen i bin stap insait long Tes Futbol resis las sisen. Ben Elias, Dale Shearer na Bella i bin pilai long Stet ov Orijin na Gary Belcher wantaim Alexander bai kamapim gen strongpela resis long dispela yia, bikos long ol bagarap ol i kisim las sisen.

Long olgeta dispela lain husat i bin raun long 1986, Meninga tasol i luk fit na i gat moa pawa i stap yet. Dispela em i namba 15 sisen bilong em nau long pilai insait long sinia gret, na em i no soim yet wanpela mak olsem em bai go malolo olsem papa na stap long haus.

Meninga nau i gat 32 krismas. Na dis-

pela bikpela senta pilaia bilong Kenbera Raiders i strong yet. Em i kamapim pinis planti nupela rekot na i winim olgeta arapela rekot bilong bipo. Las tingting bilong em nau em long raun gen wantaim tim bilong Australia long 1994 na holim tu wok olsem kepten bilong tim.

Meninga i givim olgeta dispela samt-ing long kain gutpela stail na save bilong pilai wantaim ol gutpela trening na bikpela laik bilong pilai. Nau em i luk narakain liklik bikos em i senisim pasin bilong em long kaikai. Em i gat bikpela skin tasol i no luk pat olsem long bipo. Na em i save apim tu ain oltaim long lusim sampela masol long bodi.

Na Big Mal i tok narapela samting tu i suvim em long go het yet em bikos long taim em i bin lusim tupela sisen long pilai. Em i tok dispela kain ol samting wantaim ol bagarap long skin bai suvim wanpela pilaia long go het yet inap em i kisim wanem samting em i laikim long en.

Bella i tok dispela kain ol samting tu i mas bung wantaim kain tingting bilong stap yangpela. Bikos olgeta bai wok wantaim na suvim man long go het na mekim samting em i laikim long laip.

Em i tok long planti taim, planti man i save tok olsem taim wanpela man i no moa pilaim representativ futbol, taim bilong em nau i pinis na em i pipiaman.

Tasol Bella i ting

dispela i no tru. Em i tok taim wanpela man i lusim representativ ragbi lig, em i gat pawa yet inap long pinisim tripela sinia gret futbol sisen wantaim klap bilong em.

Na sampela bilong ol lain husat i strong na mekim dispela i kamap na stap yet i holim stret nem.

Terry Lamb em wanpela bilong ol man husat i wok long soim yet pawa na stail bilong em. Maski em i gat planti bagarap long lek na i no save kamap gut tumas long trening, kain stail na pawa bilong em i stap yet long Canterbury.

Lamb i bin stat pilai sinia gret futbol long 1980 na nau em i winim pinis 271 gem.

Narapela man husat i no inap larim ol bagarap long bodi i daunim em em Brett Kenny. Em i wok long hariap olsem dispela pen long solda bilong em i mas pinis olsem bai em inap pinisim nau sisen wantaim tim bilong em. Long ol Norths em Les Kiss husat bai sanap gen long fil bihain long tripela wik. Bikos em tu i gat bagarap long skru bilong em.

**Port Moresby Easter Cup**

**Easter Sevens Competition Draw**

Saturday April 10, 1993

Time	Team	Vs	Team
11.30am	1 A/Niugini	vs	2 DCA
12.00am	3 Tarangau	vs	4 Brothers
12.30pm	5 Waliya	vs	6 Seagull
1.00pm	7 Defence	vs	8 Souths
1.30pm	9 Wests (1)	vs	10 ANG 12
2.00pm	11 Royals	vs	12 Wests
2.30pm	13 K/Tigers	vs	14 Hawks
3.00pm	15 Magani	vs	16 Paga
3.30pm		vs	
4.00pm		vs	
4.30pm		vs	
5.00pm		vs	

**Prizes**

Winner Pool	K1000
Runner up Pool	K 500
Losing Semi Finalist (1)	K 200
Losing Semi Finalist (2)	K 200
Losing QTR Finalist (1)	K 100
Losing QTR Finalist (2)	K 100
Losing QTR Finalist (3)	K 100
Losing QTR Finalist (4)	K 100

**Prizes**

Winner Plate	K 400
Runner Up Plate	K 200
Losing Semi Finalist (1)	K 50
Losing Semi Finalist (2)	K 50

K3000

1. Teams of 10 players to be registered with David Gavera with team list and K50 by Wednesday April 7.
2. Inter-change may apply at any time throughout competition but only original 10 players registered may play.
3. Normal 7-a-side rules to apply.
4. Games will be of 2 x 10 minute halves with five minutes for half time.

**Easter K3000 Sevens**  
Saturday April 10 and Sunday April 11

Entry Fee K50

**PORT MORESBY**

Clubs	GP	W	D	L	PF	PA	TPTS
Air Niugini	5	5	0	0	132	71	10
Wests	5	5	0	0	171	123	10
Tarangau	5	3	1	1	140	98	7
Royals	5	3		2	92	64	6
Waliya	5	3	0	2	112	95	6
Seagulls	5	2	1	2	156	130	5
Defence	5	2	0	3	144	134	4
Souths	5	2	0	03	120	114	4
Hawks	5	2	0	3	124	140	4
Kone	5	1	0	4	114	152	2
Magani	5	1	0	4	50	82	2
Brothers	5	1	0	4	50	82	2
Paga	5	0	0	5	77	114	0
DCA	5	0	0	5	74	160	0

**RABAU**

**Results/Round two**

- Muruks 26 defeated Tarangau 14
- Norths 10 defeated Royals 10
- Crusaders 24 defeated Seagulls 14
- Brothers 32 defeated Panthers 20
- PTC East 20 defeated Bala 20

Club	GP	W	D	L	PF	PA	T/PTS	
Brothers	2	2			56	32	4	
Royals	2	1	1		34	24	3	
PTC Easts	2	1	1		44	38	3	
Bala/taman	2	1	1		40	38	3	
Crusaders	2	1		1	24	14	2	
Muruks	2	1		1	44	38	2	
N/Raiders	2		1		1	28	30	1
Tarangau	2			2	14	26	0	
Seagulls	2			2	26	48	0	
Panthers	2			2	34	56	0	

**MT HAGEN**

**Easter No Games**  
Royals (postponed)  
Tarangau (postponed)

**Match of the Round - 4.00pm**  
Royals vs Tarangau

**Comments/Quotes**  
Royals/Tarangau postponed game - due to weather conditions April 3, 93. To be played on Easter Monday April 12, 1993. Tarangau tipped to win game as they are stronger team on show in this preseason competition.

**Results**  
Hwks 24 defeated Newtown 8  
Royals Postpone Easter Monday Tarangau  
Easts nil no games Panthers nil  
Brothers nil no games Country nil

**LAE**

**Easter Cup Draw**

Pool A	Pool B
1. Defence	1. Panthers
2. Tigers	2. Brothers
3. United	3. Tarangau
4. Royals	4. Spiders

Friday April 9, 1993.

Time	Match	Vs	Match
9.00am	Parade by all clubs and referees in club or sponsors colours		
11.30am	Defence	vs	Tigers
12.45pm	United	vs	Royals
2.00pm	Panthers	vs	Brothers
2.15pm	Tarangau	vs	Spiders

Saturday April 10, 1993.

11.30am	Panthers	vs	Tarangau
12.45pm	Brothers	vs	Spiders
2.00pm	Defence	vs	United
3.15pm	Tigers	vs	Royals

Sunday April 11, 1993.

11.30am	Defence	vs	Royals
12.45pm	Panthers	vs	Spiders
2.00pm	Tigers	vs	United
3.15pm	Brothers	vs	Tarangau

Monday April 12, 1993.

11.00am	Under 17 Pepsi Preseason Finals		
	Tigers	vs	Panthers
12.00 noon	Under 17 Pepsi Preseason Finals		
	Spiders	vs	United
1.15pm	Easter Cup runners up Pool A vs Pool B		
3.00pm	Easter Cup winners Pool A v Pool B		

Gate Fees	Friday	Saturday	Sunday	Monday
Adults	K1.00	K1.00	K2.00	K2.00
Kids	60t	50t	K1.00	K1.00

# CAMBRIDGE

## KING SIZE



KING SIZE

# CAMBRIDGE

**GOVERNMENT WARNING - SMOKING IS DANGEROUS TO HEALTH**

# Spak Maik

MI NOGUT OZ?



ESTA BELHAT NOGUT TRU NA BIK MAUS LONG EM...



HEY, STUPID MAN! KAM BEK HIA! MI LAIK YU KATIM KAKA-RUK, YAH!

TASOL MI..MI... OKE! OKE!

HARIAP TRU MAIK I GURIA WANTAIM I GO BEK...



YU-YU NOLAIK TOK STRET...

YU ORAIT OZ.. YU TING TING LONG BIA, AH?

WANTU MAIK I SENISIM TOPIK BILONG ESTA...



NO! NO! MI-MI TING-TING LONG BAIM PRESENT BILONG YU LONG ISTA DE...

PRESENT BILONG MI?...

MAIK I TINGTING LONG BAIM PRESEN I GAT SPIRIT O WISKI I STAP INSAIT NA EM I KEN DRING.



...BAI MI BAIM WANPELA GUTPELA PRESEN BILONG ISTA.. BAI YU MI TUPELA HAMAMAS LONG EM!

AEE, LEWA! MI SAVE OLSEM YU WANPELA GUTPELA MAN STRET!

NEKS DE MAIK I GO LONG LIKASOP BILONG STEAMSIP NA BAIM BIKPELA PRESEN LONG HAP...



EM NAU! BAI MI BAIM DISPELA BASKET I PULAP LONG WISKI NA OL SOKLET...

EM KARIM I GO NA ESTA HAMAMAS NOGUT TRU...



AEEE, LEWA! TENKIU TRU!!

NO WARIS! EM BILONG YU! KISIM! MI LAIK YU! AMAMAS!

SANS, YA! BAI MI SPAK LONG WISKI!!



# REBO

**EM KIRAP NA SINGAUTIMA OLGETA WOKMAN NA MERI I GO INSAIT LONG OPIS BILONG EM.**

OLGETA KAM INSAIT... MI LAIK TOK-TOK KWANTAIM YUPELA PASTAIM... KAM!!

!?!

!?!

**NAU OLGETA GO INSAIT LONG OPIS BILONG REBO... REBO SINDAUN NA WARI I STAP...**

HEY, TO BENED! OLSEM WANEM YAH? REBO I LUK OLSEM EM SIK, YAH!

MI MAS TOKIM OL... MI NOGAT WE NAU!

SH! MI NO SAVE, YAH!

**REBO TOKIM OL OLSEM EM BAI LUSIM OL NA OLGETA KIRAP NOGUT NA OL I WARI TRU...**

OLGETA HARIM... MI SINGAUTIM YUPELA OLGETA I KAM INSAIT LONG WANEM MI LAIK TOKIM YUPELA OLSEM BAI MI LUSIM YUPELA.

LUSIM MIPELAZ! TRU!

TASOL BOSS..

OH NO!!

LUSIM MIPELA NA BAI YU GO WEZ?

**REBO TOKKLI LONG OL...**

...BAI MI GO BEK LONG HET KWATAS MOSBI! OLPELA BOS I LAIK MI GO BEK NA KISIM PLES BILONG EM...

TASOL MIPELA I LAIKIMU LONG HIA!

**NAU OLGETA LUKSORI NA OL I GO AUTSAIT...**

MI LAIK LUKIM YUPELA OLGETA LONG FRAIDE APININ LONG HAUS!

SNIFF!

**LONG FRAIDE APININ OLGETA WOKAS I MEKIM BIKPELA MUMU STRET...**

HEY, BOIS! TENKIU TRU... MANI EM TRAIPELA MUMU STRET!

NOKEN WARI! EM SALT BILONG MIPELA!! NAU!!

## Kubota

KUBOTA Corporation

**\* GENERATORS \* WELDERS**  
**\* WATER PUMPS \* BRUSH CUTTERS**

POWERED BY RELIABLE KUBOTA ENGINES.

**ALL MADE TO YOUR SPECIFIC REQUIREMENTS**

GENERATORS	WATER PUMPS	WELDERS	BRUSH CUTTERS
<p>PETROL AV 650 _____ 450 WATTS AV 1600 _____ 1200 WATTS AV 2500 _____ 1800 WATTS AV 3800 _____ 2800 WATTS AV 4500 _____ 3100 WATTS</p> <p>DIESEL ASK-R130 _____ 2100 WATTS ASK-R150 _____ 3500 WATTS ASK-R180 _____ 5600 WATTS ASK-R3100 _____ 7000 WATTS</p>	<p>PETROL KGP 20E _____ MAX CAPACITY PER MINUTE 630 LTR. KGP 30E _____ 1000 LTR.</p> <p>DIESEL KDP 30E _____ 1200 LTR.</p>	<p>DIESEL FS 250B _____ AMPS 250 DC AMPS RATING</p>	<p>PETROL D120 _____ BLADE TYPES NYLON CUTTER for soft and low weeds or grass. D 220 _____ 8 BLADE CUTTER for hard weeds or grasses. D 320 _____ SAW BLADE for smaller bushes and branches.</p>

For further details contact **NABISA** on Ph: 25 5411.

After Sales Service and Spares is our Speciality.

## Brian Bell Stores

■ BOROKO 25 5411
■ LAE 42 1433
■ GOROKA 72 1098
■ MT. HAGEN 52 1999
■ RABAU 92 1966

**A MAJOR SPONSOR**

**9th SOUTH PACIFIC GAMES  
PAPUA NEW GUINEA 1991**


# Musik Televison na Komik

## PNG TOP 20

AS AT 08/03/93

NO.	SONG	ARTIST
1 (1)	If I Ever Say Goodbye	Kales Gadagades
2 (2)	Local Raggae	B. Greg/C. Kivovon
3 (3)	Anita	J. Wong/G. Telek
4 (5)	Heal Our Nation	Higher Vision
5 (4)	Boram Sunset	Telek
6 (6)	Rowena	Barike
7 (8)	Talaigu	Painim Wok
8 (10)	Vigsy Tugamagimi	Rabbie Gamenu
9 (9)	He Turned My Mourning	Sikal Kelep
10 (7)	Peace In PNG	Telek & Friends
11 (12)	Kiri Nauka Vere	K. Kele Rangers
12 (13)	Riot Squad	Riot Squad
13 (0)	Rock Pretty Island Girl	Riot Squad
14 (11)	Bilas Peles	Telek
15 (15)	Ailan Bilong Mi	Shutdown
16 (16)	Iau Serious	Painim Wok
17 (14)	Swit Bougainville	Trouble Zone Band
18 (17)	So Many Days	Kales Gadagadads
19 (18)	Krai Blong Grasruts	Kopex
20 (0)	Maiva Haro	PF Company

\* Ratings based on requests on Radio Kalang and not cassette sales.



*Driman bilong Nokondi...Papa bilong Nokondi Nama musik grup bilong Isten Hailans, Charles Essyhafo i gat bikpela laik nau long kamap pablik na pilai raun long olgeta hap bilong kantri. Tasol dispela driman bilong em bai kamap tru sapos Coca Cola kampani i sapotim em. Lukim ful stori bilong dispela long pes 17.*

### EM TV

THURSDAY 8TH APRIL, 1993		8.30		60.00		
6.27	STATION OPEN	7.00	ITN NEWS (G)	6.30	NATIONAL EMTV NEWS	
6.30	ITN NEWS (G)	7.00	TODAY SHOW (G)	6.30	HEY HEY	
7.00	TODAY SHOW (G)	9.00	STATION CLOSE	6.30	IT'S SATURDAY (G)	
9.00	STATION CLOSE (G)	1.20	STATION RE-OPEN	8.30	THE ADVENTURES OF SEASPRAY (G)	
1.27	STATION RE-OPEN	1.27	EMTV TOK SAVE	9.00	BURKE'S BACKYARD(G)	
1.30	RAY MARTIN (PGR)	1.30	GOOD FRIDAY SPECIAL	10.00	WINFIELD CUP	
3.00	AT MIDDAY	2.00	EASTER SPECIAL: "A Walk Through Jerusalem"	11.00	HAWAII 5-0 (PGR)	
3.00	KIDS KONA	3.00	KIDS KONA	11.37	MEDIATION WITH PASTOR WALO ARNI	
3.00	SESAME STREET (G)	4.00	SESAME STREET	11.40	STATION CLOSE	
4.00	FAT CAT (G)	4.00	KIDS KONA	SUNDAY 11TH APRIL, 1993	7.27	STATION OPEN
4.30	SCOOBY DOO AND SCRAPY DOO	4.30	WHERE ARE YOU TEENAGE MUTANT (G)	8.00	US MASTERS GOLF (Replay)	
5.00	TEENAGE MUTANT	4.30	SCOOBY DOO AND SCRAPY DOO	10.30	MUSIC & THE SPOKEN WORD	
5.27	EMTV TOK SAVE	5.00	TEENAGE MUTANT NINJA TURTLES (G)	11.00	WIDE WORLD OF SPORTS	
5.29	EMTV NEWS BREAK	5.27	EMTV TOK SAVE	1.00	BUSINESS SUNDAY	
5.30	HOME AND AWAY (G)	5.29	EMTV NEWS BREAK	2.00	SUNDAY (G)	
6.00	NATIONAL EMTV (G)	5.30	HOME AND AWAY (G)	3.30	EASTER SPECIAL: "Lets Sing And Pray" (G)	
6.30	A CURRENT AFFAIR (CA)	6.00	NATIONAL EMTV NEWS	4.00	SPORTS SUNDAY	
7.00	SALE OF THE CENTURY	6.30	A CURRENT AFFAIR (G)	5.57	SUPERSOUND	
7.25	NEW RELEASE NEIGHBOURS (G)	7.00	SALE OF THE CENTURY (G)	6.00	NEW RELEASE NATIONAL EMTV NEWS (G)	
7.30	EMTV TOK SAVE	7.30	NEIGHBOURS (G)	6.30	WINFIELD CUP (G)	
7.57	FIZZ	8.00	RESCUE 911 (G)	7.25	EMTV TOK SAVE	
8.00	EMTV TOK SAVE (G)	8.30	WINFIELD CUP (G)	7.30	60 MINUTES (G)	
8.57	WINFIELD LEAGUE (G)	10.30	NCDC NEWS	8.30	EASTER SPECIAL: "TRA Special"	
9.00	AUSTRALIA'S FUNNIEST HOME VIDEO SHOW	10.40	EMTV TOK SAVE	9.00	MOVIE: "Wolf Never Cry" (PGR)	
9.10	MARRIED WITH (PGR) CHILDREN	10.45	FOCUS (G)	10.37	CHIT CHAT WITH SIR PAULIAS MATANE	
9.30	SUPERSOUND NEW A COUNTRY PRACTICE (G)	11.42	REPLAY (G)	10.40	EUROPEAN FORMULA 1 GRAND PRIX	
11.00	NATIONAL EMTV	11.42	MEDIATION WITH PASTOR WALO ARNI	00.37	MEDIATION WITH PASTER WALO ARNI	
11.27	MEDIATION WITH PASTOR WALO ARNI	11.45	STATION CLOSE	00.40	STATION CLOSE	
11.30	STATION CLOSE	SATURDAY 10TH APRIL, 1993	7.57	STATION RE-OPEN		
FRIDAY 9TH APRIL, 1993	5.57	STATION OPEN	8.00	US MASTERS GOLF		
6.00	1993 US MASTERS GOLF CHAMPIONSHIP	10.00	GILLETTE (G)	10.00	SKY ROCK (G)	
8.00	EASTER SPECIAL: "Easter Island"	5.00	WIDE WORLD OF SPORTS (G)	10.00	WIDE WORLD OF SPORTS	
		5.30	EASTER SPECIAL: (G)		EASTER SPECIAL: (G)	
			EASTER SPECIAL:		EASTER SPECIAL:	

# RAUN bilong SUZ na UKI wantaim CHIEF

STORI IKAM LONG LAS WIK ... KANDERE BULI IKAM AUT LONG HAUS NA STRETIM BAKSAIT I STAP...

UNNG!! (YAWN!!)

NAU EM OPIM AI NA LUKIM WAN-PELA KAR I SANAP AUSAIT...

UUN.. AH?!

HEY? EM KAR BILONG HUSATZ?!

FESTAIM LONG LUKIM SUZUKI CHIEF NA EM MANGALIM STRET...

WEEYAAU!! KAR O SAM-DING!? TCH! TCH! TCH! TCH!

?? MAN! MAN! EM WANEM KAIN KAR YAHZ? TOP STRET!

NAU EM I LAIK HOLIM NA SAIREA BILONG ALAM IKRAI...

WEE! WEE!

HOU!! HOU!! AAH MI MEKIM WANEM!

KANDERE BULI KISIM TAIM STRET EM I NO SAVE OL-SEM SUZUKI CHIEF IGAT ALAM INSAIT...

I GO MOA NEKSWIK!!

# Ol askim bilong Wantok

## Winim wanpela WANTOK rop bilong hangamapim ki.

(Wanem samting yu mekim em long bekim tasol ol askim i stap daunbilo)



1. Hamas yia yu baim Wantok?  1-pela  tripela  moa long 5-pela
2. Em isi o hatwok long painim na baim Wantok?  isi  hatwok
3. Yu baim Wantok long stua o long ol manki long strit?  stua  manki
4. Taim yu baim Wantok, wanem hap bilong niuspepa yu save ritim pastaim? .....
5. Yu amamas long ritim wanem hap tru long Wantok?

Makim ol tripela yu laikim tru. No ken makim moa long tripela.

- |   |  |  |
|---|--|--|
| <input type="checkbox"/> Spot           | <input type="checkbox"/> Toro          | <input type="checkbox"/> Tu Minit Tingting |
| <input type="checkbox"/> Wol Nius       | <input type="checkbox"/> Stori Tumbuna | <input type="checkbox"/> Biabia            |
| <input type="checkbox"/> Ol pas         | <input type="checkbox"/> Plis ripot    | <input type="checkbox"/> Rebo              |
| <input type="checkbox"/> Provins Nius   | <input type="checkbox"/> Laiplain      | <input type="checkbox"/> Spak Maik         |
| <input type="checkbox"/> Ragbi lig nius | <input type="checkbox"/> Kanage        | <input type="checkbox"/> Musik/Television  |

6. Kolim nem bilong tupela samting yu les long ritim
  - a) .....
  - b) .....

7. Wanem ol Wantok resis yu laikim?

- |                  |                              |                                |
|------------------|------------------------------|--------------------------------|
| Wantok bingo-    | <input type="checkbox"/> yes | <input type="checkbox"/> nogat |
| Namba resis-     | <input type="checkbox"/> yes | <input type="checkbox"/> nogat |
| Painim hama mani | <input type="checkbox"/> yes | <input type="checkbox"/> nogat |
| Ol arapela ..... |                              |                                |

8. Taim yu ritim Wantok pinis, hama moa manmeri save ritim? Raitim namba bilong ol manmeri .....

9. Yu save laikim ol Wantok spesel/saplimen o nogat?
   
 yes  nogat

10. Wanem arapela samting yu laik bai kamap long Wantok Niuspepa?
  - a).....
  - b).....
  - c).....
  - d).....

11. Yu laik lukim moa poto o moa stori long Wantok?
   
 moa stori
   
 moa poto

12. Wanem samting bilong bipo yu laikim bai kamap gen?
  - a) .....
  - b) .....

13. Wanem ol arapela niuspepa tu em yu save ritim. Makim ✓ long bokis.
   
 PNG Times
   
 Weekend Sports
   
 PNG Business
   
 Post Courier

14. Yu save lukim televisen tu o nogat?
   
 Yesa
   
 Nogat

15. Yu save harim redio tu o nogat?
   
 Yesa
   
 Nogat

Nem bilong yu: ..... Adres: .....

Krismas bilong yu: ..... P.O. Box .....

\* Salim i kam long:  
Wantok Askim  
P.O. Box 1982,  
Boroko, N.C.D.

\* Sapos yu stap klostu long ol dispela hap long daunbilo, go long ol na putim bekim bilong yu long bokis ol bai putim i stap:

- |  |   |   |  |   |
|--|---|---|--|---|
| <b>LAE:</b> Voco Point Trading<br>P.O. Box 615,<br>Lae, M.P. | <b>MADANG:</b> T. Tam Yan,<br>P.O. Box 19,<br>Madang. | <b>RABAUL:</b> Barike Trading<br>P.O. Box 1074,<br>Rabaul, E.N.B.P. | <b>HAGEN:</b> John Fosters<br>P.O. Box 76,<br>Mt Hagen, W.H.P. | <b>GOROKA:</b> Bintangor Trading<br>P.O. Box 3,<br>Goroka, E.H.P. |
|--|---|---|--|---|

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.